

ՀՈԿԿԱՆՆԵՍ ԹՈՒՄԱՆՅԱՆ

ՆՈՐԱԿԱՅՑ ԺԱՍՏԱԹՂԹԵՐ



ԵՐԵՎԱՆ 2019

2633330

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱ

ՊԱՏՄՈՒԹՅԱՆ ԻՆՍՏԻՏՈՒՏ

929:891.981.05 *Թուրքական*

105484

ՀՈՎՀԱՆՆԵՍ ԹՈՒՄԱՆՅԱՆ

ՆՈՐԱՀԱՅՏ ՓԱՍՏԱԹՂԹԵՐ



ՄԵՍՐՈՊ ԱՐՔ. ԱՇԽԵԱՆ
ՍԱՏԵՆԱՇԱՐ
192

ARCH. MESROB ASHJIAN
BOOK SERIES
192

Signature

ԵՐԵՎԱՆ 2019



ՀՏԴ 821.19Թումանյան
ԳՄԴ 84(5Հ)
Թ950

**Հրատարակվում է ՀՀ ԳԱԱ պատմության ինստիտուտի գիտական
խորհրդի որոշմամբ:**

Կազմող, առաջաբանի և ծանոթագրությունների հեղինակ՝
պ.գ.թ., դոցենտ **Համո Սուքիասյան**

Խմբագիր՝
ՀՀ ԳԱԱ ակադեմիկոս Աշոտ Մելքոնյան

Թումանյան Հովհաննես

Նորահայտ փաստաթղթեր/ Հ. Թումանյան; Աշխատասիրությամբ՝
Թ 950 Հ. Կ. Սուքիասյանի. – Եր.: ՀՀ ԳԱԱ պատմության ինստիտուտ,
2019. – 120 էջ:

Ժողովածուում հրատարակվում են հայ մեծանուն բանաստեղծ Հովհան-
նես Թումանյանի հասարակական բազմաշերտ գործունեությունը լուսաբանող,
ինչպես նաև նրա հիսնամյակի և վաթսունամյակի տոնակատարություններին,
ստեղծագործությունների տպագրությանը, տարածմանն ու գնահատմանը վե-
րաբերող նորահայտ փաստաթղթեր: Ժամանակագրական տեսակետից դրանք
վերաբերում են 1918–1929 թվականներին:

Ժողովածուն հասցեագրվում է պատմաբաններին, բանասերներին, թու-
մանյանագետներին և թումանյանասերներին:

ՀՏԴ 821.19Թումանյան
ԳՄԴ 84(5Հ)

ISBN 978-9939-860-81-7

© Սուքիասյան Հ. Կ., 2019

© ՀՀ ԳԱԱ պատմության ինստիտուտ, 2019

ԱՌԱՋԱԲԱՆ

Ամենայն հայոց բանաստեղծ Հովհաննես Թումանյանը (1869–1923) գրական բեղուն գործունեությանը զուգահեռ ակտիվորեն զբաղվել է նաև հանրագուտ հասարակական աշխատանքներով: Այս առումով իր ծավալներով առանձնանում է հատկապես Առաջին համաշխարհային պատերազմի տարիներին և հաջորդող շրջանում Հ. Թումանյանի իրականացրած բուռն գործունեությունը, որի առանցքում Հայոց ցեղասպանության հետևանքով թուրքական յաթաղանից մազապուրծ եղած և Անդրկովկասում ապաստանած հարյուրհազարավոր հայ գաղթականների անհամար կարիքները դարմանելն էր:

Թումանյան գրող-հասարակական գործիչը մեկ դարից ավելի եղել է ուսումնասիրողների ուշադրության կենտրոնում, իսկ նրա կյանքին առնչվող շատ իրողություններ դարձել են համընդհանուր ուշադրության առարկա, բանաստեղծի կենսագրության և գրական ստեղծագործությունների մասին գրվել են բազմաթիվ արժեքավոր ուսումնասիրություններ, հրատարակվել հարյուրավոր փաստաթղթեր:

Չնայած այն հանգամանքին, որ Հովհ. Թումանյանն առավել շատ ուսումնասիրված հայ գրողներից է, վստահաբար նրա ստեղծագործություններն ու բազմաբովանդակ գործունեությունը ներկայում և ապագայում ևս հետազոտվելու է հայագետների նորանոր սերունդների կողմից: Հայագետների առաջնային խնդիր-

ներից է Մեծ բանաստեղծի կյանքի ու գործունեության մինչ այս անհայտ էջերի բացահայտումը, արխիվային նոր վավերագրերի հայտ բերելը՝ լրացնելով 10 հատորից բաղկացած նրա երկերի լիակատար ժողովածուն¹: Այս առումով կարևոր է պետական, կուսակցական և անձնական արխիվներում պահվող և Թումանյանի գործունեության տարբեր դրվագները բացահայտող անտիպ փաստաթղթերի հրապարակումը:

Վերջին մեկուկես տասնամյակում Հայաստանի ազգային արխիվում (ՀԱԱ) իրականացրած գիտահետազոտական աշխատանքների ընթացքում մեզ հանդիպել են Հովի. Թումանյանի հասարակական բազմաշերտ գործունեությանը վերաբերող բազմաթիվ փաստաթղթեր, որոնց զգալի մասն անտիպ է: Ամենայն հայոց բանաստեղծի և նրա ստեղծագործությունների հանդեպ ունեցած անսահման սերը պատճառ է հանդիսացել, որպեսզի հավաքենք դրանք՝ ապագայում հրատարակելու նպատակով: Որոշ փաստաթղթեր գիտական հանրության ուշադրությանն ենք ներկայացրել 2009, 2013 և 2014 թվականներին Հովի. Թումանյանին նվիրված գիտաժողովների ընթացքում²: Փաստաթղթերի մի խումբ էլ 2009 թվականին հրատարակել ենք Հայաստանի առաջին հանրապետության անկախացման գործընթացին նվիրված փաստաթղթերի և նյութերի ժողովածուում և

¹ Տե՛ս Թումանյան Հ., Երկերի լիակատար ժողովածու, հ. 1-10, Երևան, 1988-1999:

² Տե՛ս «Հովհաննես Թումանյանի հրապարակախոսությունը ժամանակի զուգահեռականներում» (Երևան, 19-20 փետրվարի 2009 թ.), «Հայ մեծ բանաստեղծ Հովհաննես Թումանյանի ծննդյան 140-ամյակին նվիրված հանրապետական գիտական նստաշրջան» (Երևան, 23 դեկտեմբերի 2009 թ.), «Հովհաննես Թումանյանը և արդիականությունը» միջբուհական գիտաժողով (Երևան, 29 մարտի - 2 ապրիլի 2013 թ.), «Թումանյան - 145» միջբուհական գիտաժողով (Երևան, 6-7 մայիսի 2014 թ.):

«Էջմիածին» ամսագրում³: Այս ընթացքում որոշ փաստաթղթեր հրապարակել են մեր գործընկերները⁴:

Հովհ. Թումանյանի ծննդյան 150-ամյա հոբելյանն առիթ հանդիսացավ, որպեսզի ի մի բերենք նրա կյանքին, հասարակական գործունեությանը, ժառանգներին, հետմահու ստեղծագործությունների ճակատագրին վերաբերող մեր հայտնաբերած, հավաքած փաստաթղթերը:

Ժողովածուում հրատարակված են Հովհ. Թումանյանի հասարակական բազմաշերտ գործունեությունը լուսաբանող, ինչպես նաև նրա հիսնամյակի և վաթսունամյակի տոնակատարություններին, ստեղծագործությունների տպագրությանը, տարածմանն ու գնահատմանը վերաբերող նորահայտ փաստաթղթեր: Ժամանակագրական տեսակետից դրանք վերաբերում են 1918–1929 թվականներին և տեղ չեն գտել գրողի երկերի լիակատար ժողովածուի բուն տեքստում և ծանոթագրություններում: Այս փաստաթղթերը լրացնում են բանաստեղծի ԵԼԺ-ում հրատարակված վավերագրերի տեղեկությունները՝ նոր մանրամասներ բացահայտելով նրա հանրագուտ գործունեության վերաբերյալ:

³ Տե՛ս Հայաստանի անկախության հռչակումը և իշխանության կենտրոնական մարմինների ձևավորումը (1918 թ. մայիս–հուլիս): Փաստաթղթերի և նյութերի ժողովածու, կազմող, առաջաբանի և ծանոթագր. հեղինակ Հ. Կ. Սուքիասյան, Երկրորդ հրատ., Երևան, 2009, էջ 84-92, 109-110, Սուքիասեան Հ., Թումանեան Լ., Նորայայտ փաստաթղթեր Յովհաննէս Թումանեանի մասին, «Էջմիածին», 2009, սեպտեմբեր (Թ), էջ 85-93:

⁴ Տե՛ս Մախմուդյան Գ., Հովհ. Թումանյանի ելույթները Հայոց ազգային խորհրդի և Ալեքանդրապոլի արտակարգ խորհրդակցության նիստերում (1918 թ. ապրիլ–հուլիս), «Պատմաբանասիրական հանդես», 2014, N 3, էջ 237-250, Մակարյան Լ., Փաստաթղթեր Հայաստանի օգնության կոմիտեի գործունեության վերաբերյալ, «Բանբեր Հայաստանի արխիվների», 2008, N 2, էջ 99-108, նույնի՝ Հայաստանի օգնության կոմիտեի գործունեությունը (1921–1937 թթ.), Երևան, 2018, էջ 32:

Փաստաթղթերն ընտրված են ՀԱԱ տարբեր ֆոնդերից և հրատարակվում են բնագրային տեսքով: Պահպանել ենք երկգրությունները, կատարել միայն անհրաժեշտ կետադրական և ուղղագրական շտկումներ, վերնագրել փաստաթղթերը, ծանոթագրել: Կիսատ բառերը լրացրել ենք, իսկ պակասողները՝ ավելացրել ուղղանկյուն փակագծերում ([]): Հրապարակումից դուրս թողնված հատվածները ցույց ենք տվել ուղղանկյուն փակագծերում կախման կետեր դնելով ([...]): Հիշատակել ենք նաև փաստաթղթերի նախորդ հրատարակությունները (վերջինների առկայության պարագայում):

Վստահաբար, ներկայացվածով չեն սպառվում Ամենայն հայոց բանաստեղծի գործունեությունը լուսաբանող անտիպ վավերագրերը:

ՓԱՍՏԱԹՂԹԵՐ

№ 1

Հովհ. Թումանյանի ղեկավարած Հայ հայրենակցական միությունների միության հիմնադիր ժողովի արձանագրությունը

1 մարտի 1918 թ.

Թիֆլիս

Մարտի 1-ին, ցերեկ[այ] ժամը 12-ին Հայոց բարեգործական ընկերության Թիֆլիսի դահլիճում տեղի ունեցավ Թիֆլիսի բոլոր հայրենակցական միությունների ընդհանուր ժողովը: Ժողովին մասնակցեցին հետևեալ հայրենակցական միությունների ներկայացուցիչները. 1. Ախալցխայի, 2. Ախալքալաքի, 3. Գանձակի, 4. Լոռու, 5. Հին Նախիջևանի, 6. Ղարաբաղի և Զանգեզուրի, 7. Ղազախ-Շամշադնի, 8. Նուխայ և Արեշի, 9. Նոր Բայազետի:

Ժողովը բաց է անում Յովհ. Թումանեանը և առաջարկում է ընտրել նախագահ և քարտուղար: Ընտրում են՝ նախագահ՝ Յովհ. Թումանեանը և քարտուղար՝ Ար. Տէր-Գրիգորեանը:

Նախագահը յայտարարում է, որ ժամանակի բացառիկ պայմանները առաջ են բերել Թիֆլիսում հայրենակցական միություններ, որոնց գործունեությունը, բնականաբար, առաջ է գնում միևնոյն ձևով և միևնոյն սահմաններում: Սակայն ի նկատի առնելով, որ ընդհանուր ոյժերով և համերաշխ գործելով աւելի յաջող կերպով պէտք է հնարաւոր լինի դրական արդիւնքներ ստա-

նալ, միտք է ծագել բոլոր հայրենակցական միութիւնների միութիւն կազմել: Այդ ընդհանուր միութեան նպատակը պարզ է ինքնըստինքեան. ամէն կերպ ձգտել հաշտ ու խաղաղ ապրել մեր բոլոր հարևանների հետ և այս պատմական ծանր րոպէին փրկել մեր ժողովրդի կեանքը¹:

Ժողովն ընդհանուր առմամբ համաձայնելով միութիւնների միութիւն հաստատելու անհրաժեշտութեանը և նպատակին՝ վերջին հարցի քննութիւնն ու կոնկրետ որոշումը թողնում է յետագային: Երկար թեր և դէմ վիճաբանութիւնից յետոյ ընդունւում է հետևեալ բանաձևը. «Թիֆլիսի բոլոր հայրենակցական միութիւններից կազմել միութիւնների միութիւն Թիֆլիսում»:

Ապա քննում է այն հարցը, թէ ամէն հայրենակցական միութիւնից քանի՞ հոգի պէտք է ընտրուի իբր ներկայացուցիչ միութիւնների միութեան մէջ, և այդ թիւը որոշում է՝ երկու:

Միութիւնների միութեան առաջին նիստը նշանակւեց կիրակի, ժամը 5-ին (մարտի 5-ին):

Ժողովը փակւեց ժամը 2-ին:

Նախագահ՝ Յ. Թումանեան
Քարտուղար՝ Ա. Տէր-Գրիգորեան

ՀԱՍ. ֆ. 245, ց. 3, գ. 4, թ. 1 և շրջ.: Բնագիր: Ձեռագիր:

¹ Թիֆլիսի “Кавказское слово” թերթի 1918 թ. մարտի 28-ի համարում տպագրած «Հանգրեք հրդեհը» հոդվածում Հովհ. Թումանյանը երկրամասի ժողովուրդներին խաղաղ գոյակցելու կոչ էր անում (Թումանյան Հ., Երկերի լիակատար ժողովածու (ԵԼԺ), հ. 7, Երևան, 1995, էջ 352-354):

№ 2

**Հայ հայրենակցական միությունների կենտրոնական
խորհրդի գրությունը Հայոց ազգային խորհրդին՝
Նոր Բայազետի քաղաքային ինքնավարությանն
ավտոմոբիլներ տրամադրելու հարցով**

12 մարտի 1918 թ.

N 2

[Թիֆլիս]

Հայրենակցական միությունների կենտրոնական խորհուրդը
խնդրում է Ազգային խորհրդին միջնորդել, որպեսզի ներկայումս
լիկուիդացիայի ենթարկուղ հիմնարկություններից մէկ կամ երկու
աւտոմոբիլ տրուի Նոր Բայազետի քաղաքային ինքնավա-
րութեանը՝ կանոնաւորելու Նոր Բայազետի և Դիլիջանի մէջ
եղած երթևեկութիւնը, որ շատ անհրաժեշտ է տեղի ազգաբնակ-
չութեան թէ՛ ինքնապաշտպանութեան և թէ՛ պարենաւորման
գործի համար:

Նախագահ խորհրդի՝ Յ. Թումանեան
Քարտուղար՝ Հ. Համբարձումեան

ՀԱԱ, ֆ. 245, ց. 3, գ. 5, թ. 1: Բնագիր: Ձեռագիր:

№ 3

**Քաղվածք Անդրկովկասյան սեյմի, կառավարության հայ
անդամների և գավառների ներկայացուցիչների
մասնակցությամբ կայացած Հայոց ազգային խորհրդի
նիստի արձանագրությունից**

30 մարտի 1918 թ.

[Թիֆլիս]

Նախագահում է Ա. Ահարոնեան, որ նիստը բանալով հաղորդում է հաշտության բանակցությունների մասին մի քանի տեղեկություններ¹: Թիրքիան ներկայացրել է ուլտիմատում՝ պահանջելով 48 ժ. ընթացքում պատասխանել, թե ընդունում են Բրեստ-Լիտովսկի պայմանագիրը, թե՛ ոչ: Եթե վրացիներն ընդունեն, մենք ինչ դիրք ենք բռնելու, շարունակելու՝ ենք պատերազմը, թե՛ ոչ: [...]

Յով. Թումանեան². Ի նկատի առնելով, որ հաց, զօրք, տրամադրություն և կազմակերպչական շնորհք չկայ, առաջարկում է հաշտել՝ մանաւանդ դրսից որևէ օգնության յոյս չկայ: Պէտք է կենդանի ոյժը փրկել: Ժողովրդին բնաջնջումից փրկել, ինչ գնով էլ լինի: [...]

Եթե ուրիշ ելք չկայ այս դրությունից դուրս գալու, և Թիրքիան էլ առաջ է գալու, ի հարկէ, այլևս խօսք չի կարող լինել հաշտության մասին, և պէտք է կռիւր շարունակել, ինչքան էլ ծանր ու դժուար լինի մեզ համար: Միայն պէտք է ամէն միջոց գործ դնել՝ թոյլ չտալու էքսցեսներ խաղաղ թիրք ազգաբնակչության նկատմամբ:

[...] Վիճաբանությունները ընդհատում են: Ժողովի ցանկութեամբ գործնական առաջարկներ չեն արում: Միայն յանձնարարում է Սէյմի անդամներին³ վճիռ կայացնելիս ի նկատի

¹ Խոսքը Տրապիզոնում Օսմանյան կայսրության և Անդրկովկասի պատվիրակությունների միջև կայացած, սակայն անարդյունք ավարտ ունեցած բանակցությունների մասին է:

² Հովհ. Թումանյանը նիստին մասնակցում էր իբրև ՀՅԴ ներկայացուցիչ: Նա ներկա է գտնվել նաև Ազգային խորհրդի նախորդ՝ մարտի 27-ի նիստին, սակայն ելույթ չի ունեցել:

³ Այն է՝ Անդրկովկասյան սեյմի հայ անդամներին:

առնեն այս տրամադրությունները և գործնական քայլեր անեն այս սահմանում:

ՀԱՆՐԱՊԵՏՈՒԹՅԱՆ ՔՐԴԱԴԱՐԱՆ, ֆ. 222, ց. 1, գ. 141, թ. 173 շրջ.-174, 175-176: Վավերացված պատճեն: Մեքենագիր:

«Պատմաբանասիրական հանդես», 2014, N 3, էջ 241-245:

№ 4

Հովհ. Թումանյանի մասնակցությունը հայ դեկավար գործիչների արտակարգ խորհրդակցությանը¹

8 ապրիլի 1918 թ.

Ալեքսանդրապոլ

4-րդ նիստ

Նիստը բացեց առ[աւօտեան] ժ. 10 1/4-ին, նախագահութեամբ Ա. Ահարոնեանի և քարտուղարութեամբ Ա. Արեղեանի: Օրակարգի խնդիրներ էին՝ 1. իշխանութեան խնդիր, 2. ինքնապաշտպանութեան խնդիր:

[...] 3. Թումանեան². Կովկ[ասի] ո՛չ մի ժողովրդի համար այնչափ անհրաժեշտ չէ ընդհ[անրական] իշխանութիւնը, կենտրոնը, որչափ մեզ համար: Անջատումն Անդրկ[ովկասի] մասերի՝ կնշանակէ կռիւ առանձին մասերի դէմ, կռիւ ոչ միայն Տաճկ[աստանի], այլև Ադրբեջ[անի] և Վրաստ[անի] դէմ, թոյլ չափտի տալ առանձին կառավ[արութիւններ] ստեղծելը: Առանձին կառավ[արութիւն]՝ կնշանակէ առ[անձին] թշնամի, բարե-

¹ 1918 թ. ապրիլի 6-8-ը Ալեքսանդրապոլում գումարվել է Անդրկովկասյան սեյմի և կառավարության հայ անդամների, Հայոց ազգային խորհրդի, հայկական քաղաքական կուսակցությունների անդամների, հասարակության ներկայացուցիչների արտակարգ խորհրդակցություն:

² Բանաստեղծը խորհրդակցությանը մասնակցում էր իբրև Հայոց ազգային խորհրդի փազոր:

կամ[ութիւն] պիտի ստեղծել հարկանների հետ: Ժամանակն է խոստովանիլ, որ պարտւած ենք մենք, մեր իտէալները՝ ջախջախւած: [...]

4-րդ նիստ, Երեկոյեան Ժ. 6 1/2-ին

Նախագահութեամբ Ա. Ահարոնեանի և քարտուղարութեամբ Ա. Ստամբուլցեանի:

[...] Յովհ. Թումանեան. Առաջարկում է ստեղծել մի կամք և հեղինակութիւն, իսկ մեզանում երկու իշխանութիւն կայ՝ Ազգ[ային] խորհուրդ և Հ. Յ. Դաշնակցութիւն, այս հանգամանքը քայքայիչ ազդեցութիւն է ունենում մեր գործի վրայ, ապացոյց՝ թուրք-հայկական ընդհարումները, որի հանդէպ Ազգ[ային] խ[որհուրդ]ի լիազօրները խաղաղարար ընթացք են բռնում, իսկ խմբերը՝ ընդհակառակը: Պէտք է վերջ տալ այս բոլորին, որովհետև հետևանքները շատ վատ կլինեն: [...]

5-րդ նիստ

[...] Յ. Թում[անեան]. Մի հեղինակութիւն, մի կամք: Ազգային խորհուրդ և ՀՅԴ: Իրար խանգարում են¹: [Նրանց լիազօրութիւնների] սահմանները որոշւած չէ: Մի քանի լիազօր ... [...]

ՀԱԱ, ֆ. 222, ց. 1, գ. 123, թ. 15, 16 և 2րջ., 21 2րջ., 23: Բնագիր: Ձեռագիր (սղագրութիւն):

«Պատմաբանասիրական հանդես», 2014, N 3, էջ 245-246:

¹ Այդ օրերին նշալ խնդրի վերաբերյալ Թիֆլիսում մի շարք քննարկումներ տեղի ունեցան:

№ 5

**Ստեփան Մամիկոնյանի¹ հայտարարությունը Հայոց
ազգային խորհրդի նիստում՝ Հոկի. Թումանյանին
ուղղած իր խնդրանքի մասին**

19 մայիսի 1918 թ.

[Թիֆլիս]

[...] Ս. Մամիկոնեան. [...] Լոռույ գունդը պետք է վերակազմել, գնդապետը անպետք է: Արամեանի գոյքը պահելու համար իբրև պահակ ուղարկած էր, առիթ է տուել բուլճարական տրամադրության: Ինքը խնդրել է Յով. Թումանեանին, որ գնայ, կարգի բերի գունդը և դնի կորպուսի հրամանատարի տրամադրության տակ²: [...]

Նախագահ

Անդամ-քարտուղար

ՀԱԱ, ֆ. 222, ց. 1, գ. 141, թ. 213 շրջ.: Պատճեն: Մեքենագիր:

Տե՛ս նաև՝ «Պատմաբանասիրական հանդես», 2014, N 3, էջ 238:

№ 6

**Քաղվածք Հոկի. Թումանյանի մասնակցությամբ կայացած
Հայոց ազգային խորհրդի նիստի արձանագրությունից**

24 հունիսի 1918 թ.

[Թիֆլիս]

¹ Ս. Մամիկոնյանը Հայոց ազգային խորհրդի գինվորական մասի վարիչն էր:

² 1918 թ. մայիսի 16-ին Հոկի. Թումանյանը Ղարաքիլիսայում հանդես է եկել լոռեցիներին ուղղված կոչով՝ հորդորելով կենաց ու մահու պայքարի դուրս գալ թուրք զավթիչների դեմ. «Թող թշնամին էլ տեսնի, աշխարհքն էլ, որ կարելի է էրզրումի վրից էլ անցնել, Ղարսի վրից էլ, բայց Լոռու սարերից անցնել չի կարելի» (Թումանյան Հ., ԵԼԺ, հ. 7, Երևան, 1995, էջ 354):

[Ներկաներ]՝ Ա. Սահակեան, Ս. Տիգրանեան, Մ. Ղարաբեգեան, Յ. Դաթեան, Ռ. Տէր-Մինասեան, [Ա.] Բաբալեան, Ն. Աղբալեան, Ռ. Քաջազնունի, Խ. Կարճիկեան, Ան. Ստամբուլցեան, Ս. Մամիկոնեան, Լ. Թումանեան, Յով. Թումանեան¹, Ա. Երզնկեան]:

[...] [Լսեցին]. II. Ռ. Քաջազնունի². Հետևեալ խնդիրներն է դնում. կառավարութիւն չկայ այն մասերով, որ ինքը ուզում էր՝ արտաքին, զինուորական] և ֆինանսական: Արտաքինը չկա. Ալլեքսանդր] Խատիսեանը [Կ.] Պոլիս է, նրան փոխարինող չկա, թէև [իր կողմից] դիմումներ եղել են: Ֆինանսների մինիստրութեան հարցը քաջքշում է, որ Հ[այ] ժողովրդական] կուսակցութիւնը] կէս իրաւունք չէր համաձայնում, մինչև պարզէր: Բայց ես ժամանակաւորապէս առաջարկեցի Խ[աչատուր] Կարճիկեանին] և Գ[եղամ] Տէր-Յարութիւնեանին]: Մնում է միայն զինւորական մինիստր գ[ետնեալ] [Հ.] Հախվերդովը, որ տանում է իր գործը: Վերջերս նորից խօսեցի Հ[այ] ժողովրդական] կուսակցութեան] հետ: Նրանք խոստացան վերջնական պատասխան տալ: 14 օրից անցել է, բայց կառավարութիւն չկայ: Երբ լինի էլ, այստեղ չի կարող մնալ:

[...] Յ. Թումանեան. Կառավարութիւնը պէտք է երկրում լինի, կտրուած է երկիրը: Ձեր մասին ոչինչ չգիտեն: Հայերին սեղ-

¹ Հունիսի 23-ին Լոռուց Թիֆլիս վերադարձած Հ. Թումանյանը Հայոց ազգային խորհրդի նիստին իրավիրվել էր Լոռու շրջանի վերաբերյալ տեղեկութիւններ հայտնելու համար:

² 1918 թ. հունիսի 7-ին Հայոց ազգային խորհուրդը Հովհաննես (Ռուբեն) Քաջազնունուն հանձնարարել էր կազմել նորանկախ Հայաստանի Հանրապետության կառավարությունը: Կառավարությունը վերջնականապէս կազմավորվել է հուլիսի 24-ին, Երևանում (Սուքիասյան Հ. Կ., Հայաստանի անկախացումը և պետական կառավարման մարմինների ձևավորման գործընթացը (1918 թ. մայիս-օգոստոս), «Վէմ» համահայկական հանդես, 2018, N 4, էջ 63-68):

մել են: Իրատունքով, թե՛ ուժով եք կառավարութիւն կազմելու: Երբ ասել են կառավարութիւն կազմիր, ասելի լաւ ձեր [...]':

Դրութիւնը լուրջ է, պէտք է գնալ, տէր դառնալ և կառավարել [երկիրը]: Ժողովրդին փչացնում են²: Ճանապարհից: Եթէ կառավարութիւն լինի, շատ բան այսպէս չէր լինի:

[...] Ինքը կարող է [կառավարութեանը Երևան] տանել ձիով՝ Սանահինից Դիլիջան:

[...] [Լսեցին]. III. Յ. Թում[անեանի] զեկուցումը³. Թուրքերը բռնել են բոլոր Դվալի գագաթները⁴՝ Զալալօղլիից⁵–Ձորի գէղ–Գոլագերանը⁶–Դսեղ՝ դէպի Համզաչիման⁷: Դսեղում մի պահակներ են: [Օսմանցի] փաշան Ձորագէղում է: Նախքան գերմ[անացիների] գալը [օսմանցիները] կարծես գնում էին. ժողովրդին պատուիրեցին դուրս չգալ. յետոյ գերմանացիք երևացին, նրանք նորից հետ դարձան, լաւ դիրքեր բռնեցին, ակոսներ⁸ շինեցին, Դսեղների լաւ դիրքերը գրաւել [են]: Գերմ[անացիք] զգում են, որ դժուար է նրանց՝ այդտեղից քշել: Ըստ իմ տեղեկ[ութեան]՝ օսմ[անցիների] [թիւը] 1500-2000 է: Թնդանոթներ շատ չունեն՝ 2 հատ է: Գերմ[անացիք] գալիս են Վորոնցովկից⁹: Թէև քիչ են, բայց թուրքերի վրա սարսափ են ազդում: Օսմ[անցիները] շատ կատաղած են վրացիների [դէմ]: Շատ հայ լրտեսներ կան:

¹ Թերթի վերջին տողը վնասված է:

² Այսինքն՝ կոտորում, սպանում են:

³ Հովի. Թումանյանի զեկուցման մեջ բարձրաձայնված դրույթներից որոշները նրա անհատական տպավորության արդյունք է:

⁴ Խոսքը Բազումի լեռնաշղթայի մասին է:

⁵ Ներկայումս Լոռու մարզի Ստեփանավան քաղաքը:

⁶ Քոլագերան. Քոլագիրան: Ներկայումս Լոռու մարզի Թումանյան երկաթուղային կայարանը:

⁷ Ներկայումս Լոռու մարզի Մարգահովիտ գյուղը:

⁸ Խրամատ:

⁹ Վորոնցովկա: Ներկայումս Լոռու մարզի Տաշիր քաղաքը:

Նրանց միջոցով իմացայ, թէ ինչ են ուզում. վախում են Դսեղից: Շրջաբերական գրեցի, որ կանոնավոր զորքի դէմ դուրս չգան, [դուրս գան] միայն խուժանի դէմ: Փաշային գրեցի, որ ուզում եմ տեսնել: Տեղական յոյներն ու ռուսները վատ դեր են կատարել: Ինքը գնալու է, փոխարէնը եկաւ այստեղ: Անցեալ օրը [փաշան] եկաւ իր սվիրտով¹, ինձ կանչեց, խոսակցութիւնից իմացա, որ ուզում են մեր գիւղի դիրքերը բռնել: Եկան, գերմանացիք եկան: Թուրքերը դիրք մտան, յետոյ փախան: Գերմանացոնց ասեցի, որ էս դիրքերը բռնեն: Նրանք ինձ ...² տւին: Եկող գիծը բռնած է վրաց-գերմ[անական] զօրքով:

Դեռ ճանապարհից էն կողմ ապահով չեն: Օսմ[անցիները] Ջալալօղլին թալանում են, հայոց սայլերով տանում են: Հայ գիւղերը տուժել են իրենց վատ հարաբերութիւնների պատճառով: Գերիների սպանութիւնը Ջալալօղլում շատ վատ է ազդել: Անդրանիկի օրինակն ուզում են իրենք գործադրել: Սկզբում շատ խիստ էին, լրտեսները գործում էին, մի քանի տեղ զինաթափ են արել: Ջալալօղլի Անդրանիկից հետո, երբ նա չմտներ, թուրքը չէր մտնի. Ղարախաչը կոտորեցին, թուրքերը եկան, թալանեցին, ջարդեցին: Յետոյ մնացածներին հաւաքել [են]: Մի քանի տեղ բռնաբարել են, դիմադրեցին մի քանի ...³:

Անդրանիկի Լոռի գալը. Դսեղ եկաւ: Անդրանիկի վերաբերմունքը դէպի գիւղացիները: Ղարաքիլիսի կոչիւր: Նամակ է ստանում Մանասից⁴ ու Գ. Ղազարեանից, որ կուելու են, օգնեցէք: Ես ուղարկեցի Վեհիբ փաշի թղթերը: Մինչ այդ ինձանից ձայն:

¹ Свита – շքախումբ:

² Մեկ անընթեռնելի բառ:

³ Մեկ անընթեռնելի բառ:

⁴ Հայկական կորպուսի հրամանատարի օգնական Սարգիս Մանասյանը:

Անդրանիկը հեռագիր ստացավ՝ գիծը պահեն, Դվալը չբռնել։
Եկան թուրքերը բռնեցին։ Երկրորդ օրը նա գրութիւն ստացավ՝
դիրք բռնելու, բայց չարին, փախան Դիլիջան¹։


Ժողովուրդը, գաղթականները՝ թալանչի, անխղճմտանք,
աներևակայելի է, անխիղճ՝ ջարդուած զինվորին թալանել, սպա-
նել [են]։ Զարհուրելի վախկոտած ու փախած։ Նոյնը գաղթա-
կանները. ունի 3-4 հրացան, նաև ռիֆլէս գողացան, բռնեցի։
Գերմանացու թանքն էին բռնել, գողացել էին։ Յիմար, ցած,
վախկոտ, սրիկայ, չարչի, անխիղճ, փրբ ժողովուրդ է էս րոպէիս։
Հայ զինուորները նոյնպէս։ Երբ մեր լոգունգը լինէր թալանը,
գուցէ ավելի յաջողութիւն ունենայինք։ Թուրքերն աւելի քիչ
թալան[եցին] ու կողոպտեցին։ Թուրքերի շնորհիվ աւերակ չի
եղել։ Բորչալուի շրջանում կայարաններն աւելի լաւ են մնացել,
քան հայկ[ական] շրջանում։ Ղարաքիլիսէի դէպքը (գերիները
հանեցին և կրակեցին թալանչիներին)։ Մոլոկաններն ու յոյները,
մանաւանդ վերջինները, շատ վաւ դեր կատարեցին։ Վորոն-
ցովկա ...

**ՀԱՍ, ֆ. 222, ց. 1, գ. 120, թ. 47 շրջ.-48, 50-51 շրջ.: Բնագիր: Ձեռագիր
(սղագրութիւն):**

Մեքենագիր պատճենից հրատարակված է՝ «Պատմաբանասիրական
հանդէս», 2014, N 3, էջ 246-247: Տե՛ս նաև՝ Հայաստանի անկախութան
հռչակումը և իշխանութան կենտրոնական մարմինների ձևավորումը (1918
թ. մայիս-հուլիս): Փաստաթղթերի և նյութերի ժողովածու, երկրորդ հրատ.,
Երևան, 2009, էջ 84-90:

Nº 7

¹ Շաբաթներ անց Հովի. Թումանյանը մամուլում հանդէս եկավ «Անդրանիկը և Ղա-
րաքիլիսան» հոդվածով, որտեղ բացատրում էր Ղարաքիլիսայի ճակատամարտին
Անդրանիկի չմասնակցելու պատճառները («Հորիզոն», 10 օգոստոսի 1918, N 158):



**Հայոց ազգային խորհրդի նամակը Կ. Պոլսում
գտնվող ՀՀ պատվիրակությանը¹ Լոռու վերաբերյալ
Հովհ. Թումանյանի հաղորդած տեղեկությունների մասին**

25 հունիսի 1918 թ.²

Թիֆլիս

Օգտելով գերման[ական] առաքելութեան սիրալիր պատ-
րաստականությունից՝ հաղորդում ենք մի քանի տեղեկություններ
այստեղի անցուդարձի և կացութեան մասին: [...]

Ճամբաների խնդիրը. Մինչև այսօր ապահով ճանապարհ
չկայ դեպի Ղարաքիլիսա և Երևան: Գերմանական և վրացական
զորքերը կռուվ ճանապարհը բացին մինչև Սանահին և մի քիչ
այն կողմը: Շուկավերից արդեն կարողանում են մարդիկ գալ ու
գնալ: Բայց երեկ լուր տարածեց, որ գերմանացիք յետ են գալիս
և իբր անցել են Սադախլուից այս կողմը, որ արդեն տաճիկներն
են գրավել [Սադախլուն]: Վերջին կետը ստուգման կարօտ է,
բայց ճիշտ է, որ տաճիկները գրավել են Դսեղը, որի մօտերքն
էին: Երկու օր առաջ եկաւ Յ. Թումանեանը և սրտաճմլիկ բաներ
պատմեց գաղթականների դրութեան մասին, որոնց կոտորում
են անխնայ: Ճիշտ է Ջալալօղլու աւերածը և մասնակի կոտորա-

¹ Քաղակ դաշինքի երկրների և կովկասյան հանրապետությունների միջև կայա-
նալիք կոնֆերանսին մասնակցելու համար Ավետիս Ահարոնյանի ղեկավարած
պատվիրակությունը (անդամներ՝ Ալեքսանդր Խատիսյան, Միքայել Պապաջանյան)
Թիֆլիսից Կ. Պոլիս էր մեկնել 1918 թ. հունիսի 13-ին: ՀՀ պատվիրակությունը Կ.
Պոլսում մնաց մինչև նոյեմբերի 1-ը: Կոնֆերանսն այդպես էլ չգումարվեց (Սուքիաս-
յան Հ., Կոստանդնուպոլսում Հայաստանի Հանրապետության պատվիրակության
գործունեության լուսաբանումը պատվիրակների օրագրություններում (1918 թ.
հունիս-նոյեմբեր), «Առաջին աշխարհամարտը և հայ ժողովուրդը (պատմություն և
արդիական խնդիրներ)» միջազգային գիտաժողովի զեկուցումների ժողովածու,
Երևան, 2015, էջ 193-195):

² Նամակը Կ. Պոլսում ստացվել է 1918 թ. հուլիսի 14-ին:

ծը. աւարի է ենթարկւել և Դիլիջանը մերոնց կողմից (թիրջահայ զինւորներ, որ անցել են Նոր Բայազէտ): Բորչալուի խճուղին ևս անապահով է հայերի համար, ինչպէս և շրջանը: Ճամբաների ապահովութիւնը տառացի իմաստ ունի. ճամբից մի քանի սա-
ծէն¹ այն կողմ արդէն անապահով է: Փախստական զինւորները մեզ պատմեցին, որ մի ամբողջ գնացք որբեր կոտորվել են Խրամի մօտ, ինչպէս և գաղթականներ: Գետափի մասուրների մէջ պահուած և ապա մի կերպ մեր կողմերն ընկած մի վարժուիի անձամբ տեսել էր մանուկների դիակները իրենց վարժուիու դիակի կողքին: Վրաց-գերմանական զօրքերը Խրամի մօտ կռիւ ունենելով՝ գերի էին բռնել շատերի, որոնց մէջ և մի տաճիկ գնդապետ և զինւորներ, թէև կռիւլ ուղղուած էր բանդաների դէմ և ասում էին, որ նրանք են ճամբան գոցում: Մի քանի թուրք գիւ-
ղեր աւերած ու հրդեհած են այդ շրջանում: Թուրքերը մի պատ-
գամաւորութեամբ իրենց հպատակութիւնն են յայտնել վրաց կա-
ռավարութեան: Անհնարին է հայերի համար ազատ երթևեկութե-
ւինը Բորչալուի գաւառում՝ մինչև իսկ դաշտային աշխատանքը. միայն երկաթուղին է, որով կարելի է դեռ երթևեկել մինչև Սա-
նահին (եթէ Սադախլուն երեկ չեն վերագրաւել տաճիկները): [...]

Ի դիմաց [Հայոց] ազգ[ային] խորհրդի՝ Ն. Աղբալեան

ՀԱԱ, ֆ. 200, ց. 1, գ. 657, թ. 13, 15-16, 18 շրջ.: Բնագիր: Ինքնագիր:

Հայաստանի անկախության հռչակումը և իշխանության կենտրոնական մարմինների ձևավորումը (1918 թ. մայիս-հուլիս): Փաստաթղթերի և նյութերի ժողովածու, Երկրորդ հրատ., Երևան, 2009, էջ 91-92:

¹ Երկարության միավոր: 1 սաժենը հավասար է 2,134 մետրի:

**Հայոց ազգային խորհրդի Փոքր խորհրդի որոշումը
Հովհ. Թումանյանին ազգային խորհրդի լիազորի
պարտականություններից ազատելու մասին**

30 հունիսի 1918 թ.

[Թիֆլիս]

[...] [Լսեցին]. 3. Յ. Թումանյան. Հրաժարում է Ազգ[ային] խ[որհրդ]ի լիազորությունից¹: Խնդրում է իր արած ծախսի պակասորդը լրացնել որևէ ուրիշ ընկերությունների միջոցներից:

[Որոշեցին]. Հրաժարականն ընդունել, գործը լիկվիդացիայի ենթարկել և [այս]պես ներկայացնելով: [...]

ՀԱԱ, ֆ. 441, ց. 1, գ. 11, թ. 3: Բնագիր: Ձեռագիր (սղագրություն):

«Էջմիածին», 2009, սեպտեմբեր (Թ), էջ 86:

№ 9

**Բաթում ուղարկված հայկական պատվիրակության²
հեռագիրը Կ. Պոլսում գտնվող պատվիրակության
նախագահ Ավետիս Ահարոնյանին**

4 հուլիսի 1918 թ.

Բաթում

¹ 1918 թ. փետրվարին Հովհաննես Թումանյանը Հայոց ազգային խորհրդի կողմից նշանակվել էր Լոռու, Փամբակի, Ղազախ-Շամշադինի և Բորչալուի ընդհանուր լիազոր: Նա պաշտոնից հրաժարվել է հունիսի 27-ին:

² Սամսոն Հարությունյանից, գեներալ Իվան Բաղդամյանից և Հովհաննես Թումանյանից կազմված պատվիրակության առջև խնդիր էր դրվել համոզել Կովկասյան ճակատի օսմանյան բանակների նորանշանակ հրամանատար Էսսադ փաշային, 1918 թ. հունիսի 4-ի Բաթումի դաշնագրին համապատասխան, Հայաստանի Հանրապետության սահմաններից հեռացնել զորքերը, հայ գաղթականներին թույլատրել վերադառնալ թուրքերի կողմից ռազմակալված տարածքները, ինչպես նաև առևտրական հարաբերություններ սկսել Օսմանյան կայսրության հետ: Այդ մասին վկայում է Հ. Թումանյանը («Հորիզոն», 9 յուլիսի 1918, N 133):

Ելնելով նրանից, որ Հայաստան տանող բոլոր ճանապարհները փակ են, փոստային և հեռագրային հաղորդակցությունն ընդհատված է, երկաթուղային ճանապարհները գրավված են վրացական և գերմանական զորքերի կողմից, մեր կառավարությունը և Ազգային խորհուրդը հնարավորություն չունեն մեկնել Երևան: Քանի որ Լոռու և Փամբակի շրջանները գրավված են օսմանյան զորքերի կողմից, հարյուրհազարավոր քաղցած և մերկ հայ գաղթականներ, կտրված իրենց տներից, թափառում են լեռներում և անտառներում, ինչի հետևանքով յուրաքանչյուր օր մեծաքանակ զոհեր են լինում: Այդ բոլոր հանգամանքների արդյունքում Հայոց ազգային խորհուրդը մեզ հանձնարարեց ճանապարհվել Բաթում, որպեսզի այդ մասին հաղորդենք նորին գերագանցություն Էսսադ փաշային և այստեղ երեք հարց կարգավորենք. առաջին՝ Հայկական Հանրապետությանը փոխանցել իր տարածքում գտնվող երկաթուղագիծը՝ համաձայն խաղաղության պայմանագրի, երկրորդ՝ Հայկական Հանրապետության տարածքից տարհանել օսմանյան զորքերը՝ համաձայն այդ պայմանագրի, և երրորդ՝ հայ բոլոր գաղթականներին թույլատրել տուն վերադառնալ՝ լիակատար անվտանգության երաշխիքով:

Նորին գերագանցություն Էսսադ փաշան սիրալիք ընդունեց հայկական պատվիրակությանը և մեծ համակրանք արտահայտեց հայերի հանդեպ: Նա կարծում է, որ գաղթականների վերադարձը այն գավառները, որտեղ մուսուլմանների և հայերի միջև բախումներ չեն եղել, հիմա արդեն հնարավոր է, միաժամանակ՝ հայ գաղթականների վերադարձը այն շրջաններ, ուր նրանց միջև լավ հարաբերությունները դեռ չի վերականգնվել, պետք է հետաձգվի մինչև հասարակական կարծիքի լիակատար հանդարտեցումը: Նա Ալեքսանդրապոլի և Կարսի գաղթական-

ներին թույլատրեց իրենց անձնական գործերով այդ քաղաքներ այցելել: Վերջապես, նա խոստացավ օսմանյան բոլոր գորամասերին հրաման ուղարկել՝ հայ բնակչությանը որևէ կերպ չճնշելու և այդ շրջաններում հնարավոր բախումների դեմ անհրաժեշտ միջոցներ ձեռնարկելու մասին: Ինչ վերաբերում է օսմանյան զորքերի տարհանմանը և երկաթուղագիծը Հայկական Հանրապետության կառավարությանը վերադարձնելուն, էսսադ փաշան կարծում է, որ այդ հարցերը պետք է լուծվեն Կ. Պոլսի կոնֆերանսում:

Քանի որ այդ հարցերը շատ կարևոր և հրատույզ են հայերի համար, մենք կարծում ենք, որ Կ. Պոլսում մեր պատվիրակությունը, չսպասելով կոնֆերանսին, կարող է օսմանյան կառավարության հետ այն կարգավորել՝ հիմնվելով խաղաղության պայմանագրի պայմանների վրա: Այդ պատճառով մենք խնդրում ենք, որքան հնարավոր է շուտ, այդ հարցով բանակցություններ վարել օսմանյան կառավարության հետ և աշխատել հանգել բարեհաջող ու արագ լուծման, ինչպես նաև բոլոր գաղթականների վերադարձին: Հեռագրեցեք կամ ցրիչի հետ պատասխան ուղարկեք Թիֆլիս, ուր մենք մեկնում ենք վաղը:

պատվիրակներ՝ Սամսոն Հարությունյան, գեներալ [Իվան]

Բաղրամով, Հովհաննես Թումանյան,

քարտուղար՝ Երվանդ Միրզոյանց

ՀԱԱ, ֆ. 200, ց. 1, գ. 657, թ. 49-50: Պատճեն: Մեքենագիր: Թարգմանություն ուսերենից¹:

Տե՛ս Հայաստանի անկախության հռչակումը և իշխանության կենտրոնական մարմինների ձևավորումը (1918 թ. մայիս-հուլիս): Փաստաթղթերի և նյութերի ժողովածու, Երկրորդ հրատ., Երևան, 2009, էջ 109-110:

¹ Հեռագրի ֆրանսերեն օրինակը տե՛ս ՀԱԱ, ֆ. 200, ց. 1, գ. 657, թ. 47 և շրջ.:

**Քաղվածք Հովհ. Թումանյանի մասնակցությամբ կայացած
Հայոց ազգային խորհրդի նիստի արձանագրությունից**

6 հուլիսի 1918 թ.

[Թիֆլիս]

Նախագահությամբ՝ Ա. Սահակեանի: Ներկայ էին Խորհրդի անդամներից՝ Ս. Մամիկոնեան, Ս. Տիգրանեան, բժ. Յ. Դաւթեան, Ռ. Տէր-Մինասեան, բժ. Ա. Բաբալեան, Ա. Երզնկեան, Մ. Ղարաբէգեան, Լ. Թումանեան, Ա. Ստամբոլցեան, Ս. Յարութինեան, Ա. Մխիթարեան, կառավարութեան նախագահ [Յ.] Քաջաղունի, Բաթումի պատիրակութեան անդամներ՝ Յ. Թումանեան, գեն. [Ի.] Բաղդամեան, Երևանի ներկայացուցիչ Մարգար և Տ. Յովհաննիսեան՝ Բազի Ազգային խորհրդի նախագահը:

[...] II. Բաթումի պատիրակութեան զեկուցումը:

Ս[ամսոն] Յարութինեան զեկուցում է. Մենք՝ ես, Յ[ովհաննէս] Թումանեան, գեն. .[Իվան] Բաղդամեան և թարգման [Երուանդ] Միրզոյեան մեկնեցինք և հասանք մեծ դժարութիւններով, որովհետև նախօրօք չէր յայտնուած նրանց (իմա թուրքերին – Հ. Ս.): Բաթումում մեզ լաւ ընդունելութիւն ցոյց տւին: Հետևեալ առաւօտ մենք տեսնուեցինք Էսսատ փաշային հետ: Ես Խորհրդի անունից ողջոյնի խօսք ասեցի՝ յոյս յայտնելով, որ մեր բարեկամական յարաբերութիւնները այսուհետեւ աւելի կամրապնդեն: Անցանք գործի: Նախօրօք մենք պատրաստել էինք մի յուշագիր (մեմորանդում) այն հարցերի մասին, որ պիտի կազմէր մեր խօսակցութեան նիւթը, այն է՝ սահմանների, գաղթականութեան և թուրք[ական] զօրքի կատարած բռնաբարութիւնների մասին

(կարդում է այդ յուշագիրը¹): Ամեն մի կէտը մենք պարզաբանում էինք պարզ ու կտրուկ կերպով: Յետոյ խօսեց Յ. Թումանեան այն բռնութիւնների մասին, որոնց ինքը ականատես է եղել Լոնայ շրջանում: Փաշան պատասխանեց՝ ինքը կարգապահութեան և արդարութեան կողմնակից է և իրենից կախած միջոցները ձեռք կառնի՝ բաւարարելու հայերի պահանջները, թէև այդ խնդիրների վերջնական լուծումը տեղի կունենայ [Կ.] Պոլսի խորհրդաժողովում: Մեր անկեղծ ցանկութիւնն է, ասաց նա, որ ձեր տերիտորեան մեծանայ, եթէ այժմ մեր զօրքերը գրաւել են որոշ տեղեր, այդ եղել է ձեր օգտին, որովհետև գերմանո-վրացական զօրքերը ուզում են գրաւել, մանաւանդ որ գեներալ [Թ.] Նազարբէկովը համաձայնել է դրան, թէև, ի հաստատութիւն վերջինիս, գրաւոր ապացոյց [չ]տուեց: Ես նրան պատասխանեցի, որ գերմանացիք էլ նոյնն են ասում մեզ, ասելի լաւ է դուք ձեր զօրքերը յետ քաշէք, մենք մեր զօրքերով կպահենք մեր սահմանները, եթէ չկարողանանք, կդիմենք ձեր օգնութեան՝ իբրև բարեկամ պետութեան: Նա ասեց, որ չի հաւատում, թէ դուք կարողանաք այդ անել:

Ախալքալաքի գաղթականութեան մասին յայտնեց, որ, շնորհիւ հայերի գազանութիւնների (400 մարդ սպանւած) [տեղի բնակչութեան] մտքերը գրգռւած են, առայժմ չի երաշխաւորում ապահովութիւն տեղական մահմեդականների վրէժխնդրութիւնից, ուստի պէտք է առժամանակ սպասել: Ինչ վերաբերում է մասնակի² մարդկանց, թոյլատրւում է նրանց գնալ Ալեքսանդրապօլ, Ղարս՝ անձնական գործերով, դրա համար գրութիւն է

¹ Այս և հաշվետու զեկուցման մեջ հիշատակվող մյուս փաստաթղթերն արխիվային գործում բացակայում են:

² Այն է՝ մասնավոր:

տւել Թահսին բէյի անունով, որ այդ գործը կազմակերպի: Այն մասին, թէ Ղարաքլիսում¹ 3 օր կոտորած անելու իրաւունք է տրւած, համարում է սխալ և ապահովութիւն է տալիս մարդիկ ուղարկելու քննութիւն կատարելու համար ոչ միայն Ղարաքլիսի, այլև միւս վայրերի նկատմամբ: Այդ հարցերի առթիւ մենք լրացուցիչ յուշագիր ներկայացրինք (կարդում է): Նրանք մեզ գրաւոր պատասխանեցին (կարդում է): Ղարաքլիսէի դէպքը հերքում են: Բաշաբարանից իրենք զօրքերը իբր թէ յետ են քաշել: Ղամաղլում հայերը յարծակել [են] թուրքական զօրքի վրայ, 23 ասպեար սպանել և շատերին վիրաւորել. այս դէպքերը վրդովեցուցիչ են, բայց չենք ուզում ընդհանրացնել և կիսնդրէինք նման դէպքեր այլևս չկրկնեն: Մենք պատասխանեցինք, որ երկրից կտրւած լինելով չենք կարողանում իրազեկ լինել և տեղն ու տեղը մեր ազդեցութեամբ խնդիրները լուծել: Դրա համար անհրաժեշտ է, որ ճանապարհները բացւեն, սահմաններից զօրքերը քաշւեն՝ թողնելով, որ սահմանների խնդիրը՝ իբրև ներքին գործ, լուծի մեր հարևանների փոխադարձ համաձայնութեամբ: Երբ դժարանում էր պատասխան տալ, մենք նրա թոյլտուութեամբ հեռագիր ուղարկեցինք Պոլիս՝ մեր պատմիրակութեան՝ շուտափոք պատասխան խնդրելով²: Բայց ոչ մի պատասխան չստացանք, [Էսսատ փաշան] խոստացաւ պատասխան ստացւելուն պէս մեզ ուղարկել³: Ապա վերջում յանձն առաւ մի կտրուկ շրջաբերական ուղղելու զօրքին ու ժողովրդին, որ բարեկամական յա-

¹ Ղարաքլիսայում:

² Տե՛ս № 9 փաստաթուղթը:

³ Կ. Պոլսի ՀՀ պատմիրակության պատասխան հեռագիրը տե՛ս Հայաստանի անկախության հռչակումը և իշխանության կենտրոնական մարմինների ձևավորումը (1918 թ. մայիս-հուլիս): Փաստաթղթերի և նյութերի ժողովածու, երկրորդ հրատ., Երևան, 2009, էջ 110-111:

րաբերութիւններ պահեն հայերի հետ, խոստացաւ նաև անձամբ շրջագայել նոյն նպատակով: Իսկ եթէ որևէ բան պատահի, դիմէք ինձ փաստերի ճշգրիտ արձանագրութեամբ, իսկ եթէ ինձ էլ չհաւատաք, ես դիրքս կտամ քննութիւն նշանակելու կատարած դէպքերի մասին: Մեկնելիս մենք շնորհակալական հեռագիր ուղղեցինք նրան (կարդում է այդ հեռագիրը):

Բագրի վերաբերմամբ նա տուեց մեզ մի գրութիւն: Խնդրում են ճիշտ կերպով իրագործել դաշնագրի այդ կէտը¹, մանաւանդ որ բուլշևիկ զօրքերի մեծ մասը հայեր են: Խնդրում են, որ Ազգային խորհուրդը լրացուցիչ հրահանգ տայ գիւղացիներին, որ չդիմադրեն օսմանցոց, ինչպէս այդ եղել է Կայաբաշ² հայ գյուղերում (կարդում է նրանց գրութիւնը): Մենք պատասխանեցինք, որ հայ զօրքերի բուլշևիկացման մէջ մեղաւոր են տեղական թուրքերը, որոնք ճանապարհը փակեցին և թոյլ չտւին հայ զօրքերին հայրենիք վերադառնալու: Դրանից էլ օգտուեցին բուլշևիկները և ահագին ոռճիկներով կարողացան իրենց ազդեցութեան տակ գցել: Այնուամենայնիւ, Ազգային խորհուրդը իր վերցրած պարտականութիւնը կատարելու է. Գանձակում անյաջողութեան է հանդիպել³, բայց նա կշարունակի այն գործը այլ ուղղութեամբ (կարդում է գրաւոր պատասխանը):

Այսպիսով, մեր պատւիրակութեանը յաջողեց. 1) պարզել գաղթականութեան խնդիրը, նրանց վերաբերմունքը այդ գոր-

¹ Խոսքը 1918 թ. հունիսի 4-ի Բաթումի հայ-թուրքական պայմանագրի մասին է, որով ՀՀ-ն պարտավորվել էր քայլեր ձեռնարկել Բաքվից հայկական գիւնուժը հեռացնելու նպատակով:

² Այդ անվանումով գյուղեր կան Երևանի նահանգի Նոր Բայազետի և Ելիզավետպոլի նահանգի Շուշիի գավառներում:

³ Ճանապարհները փակ լինելու պատճառով Հայոց ազգային խորհրդի ներկայացուցիչներ Մարտիրոս Հարությունյանին և Միշա Արզումանյանին չէր հաջողվել Գանձակով Բաքու մեկնել:

ծին: 2) Իրաւունք ստացւեց քննութիւն կատարելու բռնութիւնների և կոտորածների վերաբերմամբ: Կիսատ մնաց սահմանների խնդիրը, որ, թերևս, շուտ լուծում ստանայ, եթէ Վրաստանի հետ համաձայնութեան գանք: Բազմի խնդիրը կարող է շատ լուրջ հետևանքներ ունենալ, պէտք է միջոցներ ձեռք առնել այդ ուղղութեամբ: Առաջարկում է սրանից բխող բոլոր խնդիրները քննութեան ենթարկել առաջիկայ ժողովում կամ Փոքր խորհրդում:

Վերջում հաղորդում է իր տպաւորութիւնները: Նրանք միշտ փաստերով են խօսում, մենք ևս նոյնն ենք անելու, եթէ ուզում ենք որևէ շօշափելի բան անել: Էսսատ փաշան խելօք է և դէպի հայերը լաւ տրամադրւած է երևում: Մի աստրիացի սպայ մեզ յայտնեց, որ Էսսատը խելօք, հաստատակամ և վստահելի մարդ է, Նա հակառակ է եղել կառավարութեան հայաջինջ քաղաքականութեան, ինչպէս և Վեհիբ փաշան, և նրանք են փոխել Էնվերի տրամադրութիւնը դէպի հայերը: Նրա ասելով՝ ավստրիացիք, բոլգարացիք ուզում են, որ Կովկասում կազմի մի կռաւիցիոն խնամակալութիւն երեք պետութիւնների վրայ, որովհետև հազիւ թէ նրանք կարողանան ինքնուրոյն գոյութիւնը պահել: Մի ուրիշ աստրիացի պատմում էր, որ Տաճկաստանում մեծ դժգոհութիւն կայ պատերազմի դէմ, իբրև դրա հետևանք Պոլսում այրւած է 11.000 տուն, ահագին դասալքութիւն կայ ամբողջ երկրում:

Երևանի ներկայացուցիչ Մարգարը յայտնում է, որ, իրօք, Ղամարլ[ւ]ում այդ դէպքը տեղի է ունեցել: Մեր զօրամասն այնտեղից հանւած է, բայց տեղացիք դիմադրել են թուրքերին, որոնցից սպանւած է մինչև 38 ասկեար: Այդ առթիւ ուլտիմատում գրութիւն ստացւեց, հետևանքը իրեն յայտնի չէ:

Վերջում Յ. Թումանյան յայտնում է, որ, ինչպես երևում է, Վեհիբ փաշան շրջաբերական է ուղարկել հայերի հետ լաւ վարելու, լաւ կլինի, որ Ազգային խորհուրդը իր կողմից մի կոչ ուղղի ժողովրդին նման բովանդակութեամբ:

Նիստը փակեց ժամը 12 և կէսին:

Նախագահ՝ [Ա. Սահակեան]

Անդամ-քարտուղար՝ [Ա. Ստամբուլցեան]

ՀԱԱ, ֆ. 222, ց. 1, գ. 141, թ. 285, 289-290 շրջ.: Պատճեն: Մեքենագիր:
«Պատմաբանասիրական հանդես», 2014, N 3, էջ 248-250:

№ 11

**Հայոց ազգային խորհրդի ժամանակավոր նախագահ
Ավետիք Սահակյանի նամակը Կ. Պոլսում գտնվող ՀՀ
պատվիրակության նախագահ Ավետիս Ահարոնյանին՝
Բաթում մեկնած հայկական պատվիրակության
գործունեության արդյունքների մասին**

7 հուլիսի 1918 թ.

Թիֆլիս

Յուսով ենք, որ մեր ուղարկած հեռագիրները ստացած էք: Պատճենները ներփակ ուղարկում ենք Ձեզ: Աւստրիացի կուրիերի միջոցով ուղարկած ենք նաև մի ընդարձակ նամակ, քարտեզներ և թերթեր: [...]

Գաղթականութեան դրութիւնը քանի գնում, այնքան սոսկալի է դառնում: Մասնավորապես ծանր է Ախալքալաքի գաղթականութեան դրութիւնը. թափած Բակուրիանի, պաշարը հատնելու վրայ, այդ գաղթականութիւնը անկարող է վերադառնալ իր հացառատ շրջանը: Ներփակ նամակից, որ ստացած ենք

Էսաադ փաշայից, դուք կտեսնեք, որ տաճիկ հրամանատարությունը դեմ է], որ Ախալքալաքի հայությունը վերադառնայ իր շրջանը:

Երևանից մեզ հաղորդում են, որ տաճիկները մերժում են այդ շրջանում տեղափոխված գաղթականությանն էլ վերադառնալ իրենց տեղերը՝ պատճառաբանելով, որ դաշնագրի մէջ այդպիսի կէտեր չկան:

Մեր պատգամատրությունը, որ գնացել էր Բաթում (Ս. Յարութինեան, գեներալ [Ի.] Բաղդամով և Յովհ. Թումանեան) Էսաադ փաշայի մօտ, առանձին գրություններով դրել էր այդ հարցը Էսաադ փաշայի առաջ և բանակցությունների մէջ պարզել էր, որ մեր գաղթականութեանը առայժմ չպիտի թոյլատրուի վերադառնալու իւր տեղերը, որ մեր տերիտորիան այժմ իսկ չի պարպելու և որ ջարդեր ու թալաններ բնաւ չեն եղել: Եւ համարեայ ձեռնունայն նրանք Բաթումից վերադարձան Թիֆլիս: [...]

Բարևներով՝ ի տ. նախագահի՝ Ա. Սահակեան

ՀԱԱ, ֆ. 200, ց. 1, գ. 657, թ. 59, 60 և շրջ., 63: Բնագիր: Ինքնագիր:

№ 12

**Հայ հայրենակցական միությունների կենտրոնական
խորհրդի գրությունը Վրաստանի Հայոց ազգային
խորհրդին՝ գաղթականության խնդրին նվիրված
խորհրդակցություն գումարելու պահանջով**

4 սեպտեմբերի 1918 թ.

N 40

[Թիֆլիս]

Հայրենակցական միությունների միությունը իր սոյն թուի սեպտեմբերի 3-ի Ընդհանուր ժողովի նիստում, լսելով յայտարարություններ գաղթականական հարցի ներկայ դրության և նրա ցանկալի լուծման մասին, գտաւ, որ այդ խնդիրը իր վերջնական տնօրինութեան համար պահանջում է բազմակողմանի և մանրամասն քննութիւն, որպիսին անհրաժեշտ է կատարել ամենամօտ ապագայում և որ այդ՝ մեր իրականութեան ամենահրատապ ու ծանրակշիռ հարցի քննութեան ու լուծման նպատակով անհրաժեշտ է Վրաստանի Հայոց ազգային խորհրդի, Փախստականական գլխաւոր խորհրդի ձեռներեցութեամբ, Հայրենակցական միությունների միութեան մասնակցութեամբ գումարել մի ընդհանուր խորհրդակցութիւն՝ բաղկացած նաև միւս հայկական հաստատութիւնների ներկայացուցիչներից, համարելով, որ միայն այդպիսի խորհրդակցութիւնը կարող կը լինի իր կազմով ու հեղինակութեամբ բաւարար կերպով տնօրինել գաղթականութեան հարցը իր ամբողջ ծաւալով, ուստի Միությունների միությունը, դիմելով Վրաստանի Հայոց ազգային խորհրդին, խնդրում է միջոցներ ձեռք առնել ամենամօտ ապագայում գումարելու վերոյիշեալ խորհրդակցութիւնը:

Նախագահ՝ Յ. Թումանեան

Քարտուղար՝ Հ. Համբարձումեան¹

ՀԱՍ, ֆ. 441, ց. 1, գ. 29, թ. 1 և շրջ.: Բնագիր: Ձեռագիր:

«Էջմիածին», 2009, սեպտեմբեր (Թ), էջ 86-87:

¹ Բանաստեղծ: Նոր Բայազետի հայրենակցական միության ներկայացուցիչ: Հետագայում՝ գիտության վաստակավոր գործիչ:

**Հայ հայրենակցական միությունների կենտրոնական
խորհրդի գրությունը Վրաստանի Հայոց ազգային
խորհրդին՝ վերջինի կազմը միության
ներկայացուցիչներով համալրելու մասին**

13 սեպտեմբերի 1918 թ.

N 41

[Թիֆլիս]

Հայրենակցական միութիւնների միութիւնը իր սոյն թուի օգոստոսի 20-ի նիստում, քննութեան առնելով Վրաստանի Հայոց ազգային խորհրդին ներկայացուցիչների միջոցով մասնակցելու հարցը և նկատելով, որ Ազգային խորհուրդը, ըստ իր կազմի, հիմնականում լինելով կուսակցական սկզբունքի վրայ, միակողմանի է և, որպէս այդպիսին, չի համապատասխանում գաւառների ներկայացուցչութեան սկզբունքին, և որ այդ պակասը լրացնելու նպատակով Ազգային խորհրդի մէջ ներկայացուցիչներ պէտք է ունենայ Հայրենակցութիւնների միութիւնը, որը բաղկացած է գաւառների ներկայացուցիչներից, որոշեց. մասնակցել Վրաստանի Հայոց ազգային խորհրդին՝ ուղարկելով Միութիւնների միութեան կողմից ութ ներկայացուցիչներ:

Յայտնելով վերոյիշեալը Վրաստանի Հայոց ազգային խորհրդին՝ Հայրենակցութիւնների կենտրոնական խորհուրդը պատիւ ունի խնդրելու ընդունել միութիւնների միութեան ներկայացուցչութիւնը:

Այսուհանդերձ, խորհուրդս յայտնում է, որ միութեան ներկայացուցչութեան անհրաժեշտութիւնը Ազգային խորհրդում պաշտպանելու և այդ մասին բացատրութիւններ տալու համար

լիազորած են խորհրդիս անդամներ Պ. Աբելեանը և Բ. Օհան-
ջանեանը:

Նախագահ՝ Յ. Թումանեան
Քարտուղար՝ Հ. Համբարձումեան

ՀԱԱ, ֆ. 441, ց. 1, գ. 29, թ. 2 և շրջ.: Բնագիր: Ձեռագիր:
«Էջմիածին», 2009, սեպտեմբեր (Թ), էջ 87:

№ 14

**Հայ հայրենակցական միությունների կենտրոնական
խորհրդի գրությունը Վրաստանի Հայոց ազգային խորհր-
դին՝ գաղթականության խնդրին նվիրված խորհրդակ-
ցություն գումարելու հարցի մասին**

2 հոկտեմբերի 1918 թ.

№ 42

[Թիֆլիս]

Խորհուրդս սոյն թուի սեպտեմբերի 4-ի N 40 գրութեամբ դի-
մել էր Ազգային խորհրդին և խնդրել գումարել ամենամօտ
ապագայում գաղթականական խորհրդակցութիւն՝ կազմուած
Հայոց գլխաւոր հաստատութիւնների ներկայացուցիչներից՝
քննելու համար գաղթականական խնդիրը իր ամբողջ ծաւալով:
Ի պատասխան այս գրութեան՝ Ազգային խորհրդի գործադիր
մարմինը յայտնել էր խորհրդիս ներկայացուցիչներին, որ գաղ-
թականական խորհրդակցութիւնը կը գումարուի շատ շուտով, և
որ այդ խորհրդակցութեանը կը հրաւիրուին Միութիւնների
միութեան ներկայացուցիչները: Սակայն մինչև այսօր այդ
խորհրդակցութիւնը ո՛չ միայն Ազգային խորհրդիդ կողմից չի
գումարուել, ո՛չ միայն այդ ուղղութեամբ քայլեր չեն արուած, այլ
նոյնիսկ Միութիւնների միութեան խորհրդիս վերոյիշեալ գրութե-

իւնը ցայսօր մնում է առանց պատասխանի և առանց հետևանքի, ուստի խորհուրդս պատիւ ունի խնդրելու՝ քննել այս դէպքը, պարզել նրա պատճառները և հետևանքի մասին տեղեկացնել Միութիւնների միութեանը:

Նախագահ՝ Յ. Թումանեան
Քարտուղար՝ Հ. Համբարձումեան

ՀԱԱ, ֆ. 441, ց. 1, գ. 29, թ. 3 և շրջ.: *Բնագիր: Ձեռագիր:*
«Էջմիածին», 2009, սեպտեմբեր (Թ), էջ 87-88:

№ 15

**Հայ հայրենակցական միությունների կենտրոնական
խորհրդի գրությունը Վրաստանի Հայոց ազգային
խորհրդին՝ գաղթականության խնդրին նվիրված
խորհրդակցության հետաձգման առթիվ**

11 հոկտեմբերի 1918 թ.

N 45

(Թիֆլիս)

Քննելով Հայաստանի դիւանագիտական ներկայացուցչի¹ կողմից գումարելիք փախստականական խորհրդակցութեան յետաձգումը, որը, ինչպէս այդ յայտարարութեց խորհրդիս նիստում, պայմանաւորած է Փախստականական գլխաւոր խորհրդի վարիչ Յովսէփ Արղուրեանի՝ Թիֆլիսից Յալկա² մեկնելու հետևանքով: Խորհուրդս իր սոյն թուի հոկտեմբերի 10-ի նիստում գտաւ, որ վերոյիշեալ խորհրդակցութիւնը, որը կոչւած է քննութեան առնելու գաղթականութեան վերաբերեալ յոյժ կարևոր և միան-

¹ 1918 թ. հուլիսի 14-ին Հայոց ազգային խորհուրդը Վրաստանում ՀՀ դիւանագիտական ներկայացուցիչ էր նշանակել դաշնակցական գործիչ Արշակ Զամալյանին:

² Այսինքն՝ Ծալկա:

գամայն անյետաձգելի խնդիրներ, չպետք է յետաձգման ենթարկուի և ոչ մի օրով, մանաւանդ երբ յետաձգման պատճառը արտայայտուում է, ինչպէս այս դէպքում, այս կամ այն անձի բացակայութեամբ:

Յայտնելով այս մասին՝ խորհուրդս խնդրում է անյապաղ գումարել վերոյիշեալ խորհրդակցութիւնը:

Նախագահ՝ Յ. Թումանեան

Քարտուղար՝ Հ. Համբարձումեան

ՀԱԱ, ֆ. 441, ց. 1, գ. 29, թ. 4 և շրջ.: Բնագիր: Ձեռագիր:

«Էջմիածին», 2009, սեպտեմբեր (Թ), էջ 88:

№ 16

**Հայ հայրենակցական միութիւնների կենտրոնական
խորհրդի հրավերը՝ Հաշտության համագումարին հուշագիր
ներկայացնելու համար գումարվող հանձնաժողովի
նիստին մասնակցելու մասին**

1 նոյեմբերի 1918 թ.¹

N 47

[Թիֆլիս]

Հայրենակցական միութիւնների կենտրոնական խորհրդին կից՝ Հաշտութեան համագումարին հայ ժողովրդի կողմից ներկայացւելիք յուշագիրը (memorandum) կազմելու նպատակով գումարած յանձնաժողովը պատիւ ունի խնդրելու Ձեզ շնորհ բե-

¹ Փաստաթուղթը Վրաստանի Հայոց ազգային խորհրդում ստացվել է նույն օրը: Հանձնաժողովի նիստը Վրաստանում ՀՀ դիվանագիտական ներկայացուցիչ Արշակ Ջամալյանի մասնակցությամբ գումարվել է նոյեմբերի 2-ին (Հայ ժողովրդի կորուստները Առաջին աշխարհամարտի տարիներին («Համաշխարհային պատերազմից հայ ժողովրդի կրած վնասների քննիչ հանձնաժողովի» փաստաթղթերի և նյութերի ժողովածու), կազմող՝ Ա. Զաքարյան, Երևան, 2005, էջ 26-27):

րել՝ մասնակցելու այդ յանձնաժողովի առաջիկայ նիստին, որը կկայանայ սոյն թուի նոյեմբերի 2-ին՝ շաբաթ օրը, երեկոյեան ժամը 7-ին պ. Յովհաննէս Թումանեանի բնակարանում (Вознесенская 18):

Նախագահ՝ Յ. Թումանեան
Քարտուղար՝ Հ. Համբարձումեան

ՀԱԱ, ֆ. 441, ց. 1, գ. 29, թ. 5: Բնագիր: Ձեռագիր:

«Էջմիածին», 2009, սեպտեմբեր (Թ), էջ 88-89:

№ 17

Հայ հայրենակցական միությունների կենտրոնական խորհրդի գրությունը միությունների վարչություններին՝ վճարումները ժամանակին կատարելու մասին

5 դեկտեմբերի 1918 թ.

N 73

[Թիֆլիս]

Հայրենակցական միութիւնների կենտրոնական խորհուրդը, նկատի առնելով, որ իր ընթացիկ անհրաժեշտ ծախքերը ծածկելու համար հարկաւոր են անյետաձգելի կերպով միջոցներ, համաձայն իր անցեալ որոշումների, խնդրում է հայրենակցութիւնների վարչութիւններին վճարել ոչ ուշ, քան մինչև սոյն դեկտեմբերի 31-ը իրենց գանձած գումարների՝ խորհրդիս հասանելի 5 %: Այդ %% ստանալու և հաւաքելու համար լիազօրում է խորհրդիս քարտուղարը:

Նախագահ՝ Յ. Թումանեան
Քարտուղար՝ Հ. Համբարձումեան

ՀԱԱ, ֆ. 245, ց. 3, գ. 7, թ. 30: Բնագիր: Ձեռագիր:

**Հայ հայրենակցական միությունների կենտրոնական
խորհրդի գրությունը Հայաստանի Հանրապետության
կառավարությանը՝ վրաց-հայկական պատերազմին
վերջ դնելու հարցով**

[18 դեկտեմբերի 1918 թ.¹

Թիֆլիս]

Հայ հայրենակցական միությունների կենտրոնական խորհուրդը իր դեկտեմբերի 18-ի արտակարգ նիստում քննելով հայ-վրացական ընդհարման² խնդիրը եւ ի նկատի ունենալով,

1. որ հարեւան եւ ազգակից ժողովուրդների միջեւ առաջ եկած եղբայրասպան պատերազմը յղի է սարսափելի ծանր ու կործանարար հետեւանքներով,

2. որ այդ ժողովուրդների բարեկամ ու խաղաղ համակեցութիւնն է միակ գրաւականը նրանց քաղաքակրթական յառաջադիմութեան եւ քաղաքական ու տնտեսական բարգաւաճման,

3. որ այդ երկու եղբայր ժողովուրդների պատմութեան մէջ չեղած³ համակեցութեան խախտումը կնշանակի ոճիր գործել այդ ժողովուրդների խղճմտանքի դէմ,

4. որ չկայ եւ չի կարող լինել այդ երկու ազգակից ժողովուրդների միջեւ եւ ոչ մի դէպք ու ոչ մի խնդիր, որ անկարելի լինէր լուծել հաշտ ու խաղաղ ճանապարհով,

¹ Թվագրվում է համաձայն բովանդակության:

² Վրաց-հայկական պատերազմը սկսվել էր 1918 թ. դեկտեմբերի 13-ին: Ռազմական գործողություններն ընթացել են մինչև դեկտեմբերի 31-ը:

³ Այդպես է փաստաթղթում: Պետք է լինի՝ «եղած»:

5. որ այդ համակեցության խախտումը կատարում է այն ժամանակ, երբ այդ ժողովուրդները մտնում են նոր՝ լուսաւոր կեանքի շրջանը,

Որոշեց. ա. բռն կերպով բողոքել կատարող արինահեղության դէմ, բ. պահանջել անմիջապէս դադարեցնել թշնամական գործողութիւնները, գ. ընդհարման պատճառները վերացնելու համար անմիջապէս գումարել հայ-վրացական կոնֆերանս, որի իրաւասութեանը յանձնել նաեւ միւս բոլոր վիճելի խնդիրները¹, դ. տրամադրել երկու կառավարութիւններին խորհրդիս լայն աջակցութիւնը՝ վերոյիշեալ նպատակներին հասնելու համար եւ ե. այս որոշումը յայտնել երկու կառավարութիւններին, երկու ժողովուրդների ազգային-հասարակական հիմնարկութիւններին եւ ամէն կերպ տարածել այդ ժողովուրդների ամենալայն խաւերի մէջ:

Հայրենակցական միութիւններ. Ալեքսանդրապօլի, Ախալցխայի, Ախալքալաքի, Գանձակի, Գողթնի, Ղազախ-Շամշադինի, Ղարսի, Ղարաբաղի, Լոռու, Հին Նախիջեանի, Նոր Բայազէտի, Պարսկաստանի, Փամբակի, Շամախու եւ Շուլավերի
Կենտրոնական խորհրդի նախագահ՝ [Յ. Թումանեան]
Քարտուղար՝ [Հ. Համբարձումեան]

ՀԱՍ., ֆ. 245, ց. 3, գ. 14, թ. 18 և շրջ.: Թողոն: Մեքենագիր:

¹ Վրաց-հայկական պատերազմի ավարտից հետո՝ 1919 թ. հունվարի 9-ին, Դաշնակից պետութիւնների ներկայացուցիչների մասնակցությամբ Թիֆլիսում գումարվեց վրաց-հայկական կոնֆերանս՝ երկու հանրապետութիւնների միջև առկա խնդիրներին լուծում գտնելու նպատակով (մանրամասն տե՛ս Հարությունյան Մարտիրոս, Հայ-վրացական հարաբերութիւնները 1918–1919 թվականներին (նամակներ, զեկուցագրեր), Երևան, 2017):

**Հայ հայրենակցական միությունների
կենտրոնական խորհրդի հիմնավորումը՝
միությունների անհրաժեշտության մասին**

5 փետրվարի 1919 թ.

Թիֆլիս

Անդրկովկասում առաջացած ներկայ սահմաններում բազմահազար հայեր բովանդակող երեք հանրապետութեան՝ Վրաստանի, Հայաստանի և Ատրպատականի՝ իշխանութիւնները դեռևս այնքան անկատար են, որ չեն կարողանում բաւարարել ինչպէս բնակչութեան բոլոր խաւերի, նոյնպէս և մանաւանդ գաւառների պահանջներին: Գաւառի բազմաթիւ կարիքները զանց են առնում զխաւորապէս այն պատճառով, որ յիշեալ պետութիւնների մէջ գործող ներկայացուցչական մարմինները՝ պառլամենտները, խորհրդարանները, ազգային խորհուրդները և նմանօրինակ հաստատութիւնները կազմուած են զուտ կուսակցական սկզբունքով և իրենց մէջ չեն պարունակում գաւառների ներկայացուցիչներին: Միւս կողմից, շնորհիւ Անդրկովկասում տիրող քառսային վիճակի, իրենք՝ գաւառներն էլ տակաւին չեն կարողացել իրենց սահմաններում գէթ իրենց տեղական կարիքները հոգալու համար ստեղծել համաժողովրդական ընտրական սկզբունքի վրայ հիմնուած և փոքր ի շատէ կանոնաւոր գործող հիմնարկութիւններ:

Այս պայմաններում հայրենակցութիւնները, որ չեն ընտրուած կուսակցական սկզբունքով, հանդիսանում են այն միակ կազմակերպութիւնները, որ, իբրև օժանդակ մարմիններ, տեղ են հասց-

¹ Նկատի է առնվում Ադրբեջանը:

նում և լսելի են դարձնում գաւառի ծայնը: Հայրենակցութիւնները և նրանց միութիւնը հեռու են քաղաքական պայքարից և իրենց առաջ տեսնում են երկու մեծ նպատակ՝ անդրկովկասեան ազգերի համերաշխութիւնը և հայ ժողովրդի ֆիզիկական ու կուլտուրական գոյութեան ապահովումը: Սակայն հայրենակցութիւնները և նրանց ընդհանուր օրգանը՝ Հայրենակցութիւնների միութիւնը, իրենց վրայ դրուած ծանր և յոյժ պատասխանատու գործը չեն կարող կատարել առանց իրենց հայրենակիցների բարոյական և նիւթական աջակցութեան: Հայրենակցութիւնները, մանաւանդ նրանցից ոմանք, որ գաղթականներ ունեն, իրենց վարչական ծախսերի, գրասենեակներ պահելու վարձատրութեամբ, աշխատաւոր անդամներ ունենալու, գաւառներ ժամանակաւոր կամ մշտական ներկայացուցիչներ ուղարկելու և այլ կարիքների համար նիւթական միջոցների պահանջ են զգում: Այդ միջոցները, դժբախտաբար, չկան, ուստի հայ ժողովրդի համար էական նշանակութիւն ունեցող շատ գործեր մնում են չկատարուած ...

Հայրենակցութիւնների միութեան խորհուրդը այսու դիմում է բոլոր հայերին և յատկապէս հայրենակցութիւնների անդամներին՝ առաջարկելով բոլորին աջակցել հայրենակցութիւնների վարչութիւններին թէ՛ բարոյապէս և թէ՛ նիւթապէս: Նիւթական աջակցութեան կարևորութիւնը պէտք է շեշտել մանաւանդ այն պատճառով, որ հայրենակցութիւնները, բացի նրանց նշանակութիւնը գիտակցողների օժանդակութիւնից, իրենց վարչական կարիքները հոգալու համար ուրիշ աղբիւրներ չունեն:

Հայրենակցութիւնների միութեան խորհուրդը յոյս է տածում, որ հայերը առհասարակ և թիֆլիսաբնակ մեր հայրենակիցները՝ մասնաւորապէս, վերջ կտան հայրենակցութիւնների համար սպանիչ հետևանքներ ունեցող իրենց անտարբերութեան,

կիսմբուին այդ կազմակերպությունների շուրջը և կաջակցին նրանց բարգաւաճմանը թե՛ բարոյապես և թե՛ նիւթապես: Հայրենակցութիւնները այժմ էլ, իրենց ներկայ ծանր պայմաններում, հայ ժողովրդի համար կատարում են համեստ, բայց անփոխարինելի մի գործ: Եթէ մեր հասարակութիւնը, գիտակցելով այդ կազմակերպութիւնների գոյութեան անհրաժեշտութիւնը, չմերժի նրանց իր հումկու աջակցութիւնը, այդ դէպքում հայրենակցութիւնները կդառնան մի դարբնոց, որտեղ ժողովրդի մշակները կկոփեն հայութեան համար ոչ երկրորդական նշանակութիւն ունեցող մի գործ ...

Նախագահ՝ Յ. Թումանեան
Քարտուղար՝ Հ. Համբարձումեան

ՀԱԱ, ֆ. 245, ց. 3, գ. 20, թ. 6-7: Բնագիր: Ձեռագիր:

«Մշակ» թերթի 1919 թ. մարտի 7-ի համարի հիման վրա տպագրվել է՝ Թումանյան Հ., ԵԼԺ, հ. 7, Երևան, 1995, էջ 385-387:

№ 20

ՀՀ մինիստրների խորհրդի որոշումը՝ հորեւյանի առթիւ Հովհ. Թումանյանին շնորհավորելու մասին

25 փետրվարի 1919 թ.

[Երևան]

[...] 7. Լսեցին. Մինիստր-նախագահի տեղակալի¹ առաջարկութիւնը՝ բանաստեղծ Յովհաննէս Թումանեանի ծննդեան յիսնամեակը շնորհատրելու մասին:

Որոշեցին. Ուղարկել շնորհատրական հեռագիր²: [...]

¹ Այսինքն՝ Ալեքսանդր Խատիսյանի:

² Մարտի 8-ին Հովհ. Թումանյանը շնորհակալական հեռագիր ուղարկեց ՀՀ վարչապետի պաշտոնակատար Ա. Խատիսյանին՝ պատրաստակամութիւն հայտնելով

ՀԱԱ, ֆ. 199, ց. 1, գ. 43, թ. 31 շրջ.: **Բնագիր: Մեքենագիր:**

Հայաստանի Հանրապետության կառավարության նիստերի արձանագրություններ. 1918–1920 թթ., Երևան, 2014, էջ 118:

№ 21

**Հայ հայրենակցական միությունների միության
կենտրոնական խորհրդի հրապարակային նիստը՝
նվիրված Հովհ. Թումանյանի հիսնամյակին**

27 փետրվարի 1919 թ.

[Թիֆլիս]

1919 թ. փետրվարի 27-ին Կովկասի] Հայոց բարեգործական] ընկերության ընթերցարանում Մարգար Աւետիսեանի նախագահութեամբ, Ախալքալաքի, Լոռու, Ախալցխայի, Գանձակի, Փամբակի, Նոր Բայազետի, Շուլաւերի, Ղարսի, Ղազախի, Գողթնի, Ղարաբաղի, [Հին] Նախիջևանի հայրենակցութիւնների ներկայացուցիչների մասնակցութեամբ կայացաւ Միութիւնների միութեան կենտրոնական խորհրդի հրապարակական՝ նիստը՝ նուիրուած միութեան նախագահ Յովհաննէս Թումանեանի յիսնամեակին:

Նիստին ներկայ էին բազմաթիւ հանդիսատեսներ:

Բանալով նիստը՝ Մ. Աւետիսեանը առաջարկում է պատգամատրութիւն ուղարկել խորհրդի կողմից Յովհաննէս Թումանեանին հրաւիրելու՝ ներկայ լինելու. նոյն նիստին: Խորհուրդը որոշում է ընտրել պատգամատրներ Մադաթ Պետրոսեանին և [Բագրատ] Շահպարոնեանին՝ յանձնարարելով նրանց անմիջապէս գնալ Յովհաննէս Թումանեանին հրաւիրելու:

իր երեսնամյա գրական գործունեության առթիվ (1920 թ.) Երևան ժամանել (Թումանյան Հ., ԵԼԺ, հ. 10, Երևան, 1999, էջ 307):

¹ Այն է՝ հրապարակային:

Համաձայն այս որոշման՝ Մ. Պետրոսեանը և [Բ.] Շահաարոնեանը թողնում են դահլիճը՝ յանձնարարութիւնը կատարելու նպատակով:

Յայտնելով ժողովին, որ առաջարկ կայ Յովհաննէս Թումանեանի՝ որպէս Միութեան նախագահի, յրեւեանին նուիրուի մի բանկետ՝ կազմակերպուած Հայրենակցութիւնների միութեան անունից, նախագահը առաջարկում է արտայայտել այս խնդրի մասին: Խորհուրդը, մտքերի կարծ փոխանակութիւնից յետոյ, որոշում է սկզբունքով ընդունել բանկետ կազմակերպելու առաջարկը, իսկ նրա կազմակերպութեան, ձևի և բովանդակութեան հարցերը քննութեան առնել հետևեալ նիստին:

Այնուհետև յայտնում է, որ արդէն գալիս է Յովհաննէս Թումանեանը: Նրան ընդառաջ իջնում է փոխնախագահ Մարգար Աւետիսեանը: Յորեւարին, երբ նա Մարգար Աւետիսեանի, Մ. Պետրոսեանի և [Բ.] Շահաարոնեանի ուղեկցութեամբ ներս է մտնում դահլիճ, ժողովն ընդունում է ոտքի կանգնելով, ոգևորւած և երկար ու բուռն ծափահարութիւններով:

Դիմելով Յովհաննէս Թումանեանին՝ Մարգար Աւետիսեանը ողջունում է նրան Հայրենակցութիւնների միութեան խորհրդի կողմից, բնորոշում է նրա գրական-հասարակական գործունէութիւնը որպէս ժողովրդական մեծ ու բարձր գործ և առանձնապէս շեշտում նրա կատարած անգնահատելի ծառայութիւնը հայ ժողովրդի քաղաքակրթական, հոգևոր կեանքում:

Պատասխանելով Մարգար Աւետիսեանին՝ Յովհաննէս Թումանեանը յայտնում է, որ ինքը անչափ յուզւած է այն իսկապէս էական և հայ ժողովրդի համար շատ բնորոշ հանգամանքով, որ նա՝ բազմաչարչար հայ ժողովուրդը, այս արհաւիրքի ու ընդհանուր ճախողութեան օրերին, երբ ակն ու մահն են տիրում

նրա հայրենիքում, կարողանում է, այնուամենայնիւ, աչք բաց անել ցաւ ու տառապանքից և ոգևորել իր կուլտուրական գործերով, որին լաւ ապացոյց են այսպիսի լաւ հանդէսները: «Այս բանը, – շարունակում է Յով. Թումանեանը, – լցնում է մեր հոգին կենդանի և անմեռ յոյսերով դէպի մեր ազգի ապագան»:

Ստ. Մալխասեանը կանգ է առնում Յով. Թումանեանի բանաստեղծութեան լեզուային արժանիքների վրայ՝ յայտնելով, որ ինքը իրան հպարտ է զգում՝ տեսնելով, թէ որքան հարուստ, ճկուն և բանաստեղծական արժանիքներով օժտուած է հայոց լեզուն, որի ամենափայլուն արտայայտիչն է Յովի. Թումանեանը:

Պատասխանելով Ս. Մալխասեանին՝ Յովի. Թումանեանը աշխատում է ապացուցանել, որ իր արածը՝ որպէս գրական գործ, առանձին մի բան չէ և որ դեռևս յայտնի չէ, թէ այս ամենից, ինչ որ ինքը գրել է, որ մասը կկարողանայ դիմանալ ժամանակի ազդեցութեանը: «Իմ բազմաթիւ գրածքներից, – ասում է բանաստեղծը, – թերևս շատ և շատ քչերը պէտքական լինեն գալիք սերունդներին: Դեռ աւելին ևս կարելի է ասել. իմ բոլոր գրածքներից դժար թէ մի կամ երկու բան մնան ապագայի համար և արևի հզօր ազդեցութեան տակ չխունանան»:

Այնուհետև ողջոյնի խօսք ասում են Համ. Համբարձումեանը, որ ընդգծում է Յովի. Թումանեանի ստեղծագործութեան և հոգեկան աշխարհի համամարդկային էլէմէնտը, Պ. Աբելեանը, որ առանձնապէս կանգ է առնում Յով. Թումանեանի անձնաւորութեան ու գործունէութեան վրայ՝ որպէս հասարակապէս բարձրարժէք քաղաքացու տիպարի վրայ, Ս. Աբովեանը, որ յոբելեարի բնաւորութեան հասարակական կողմերը և առանձնապէս նրա ստեղծագործութեան թոփշքը աշխատում է ապացուցա-

նել իր մանկութեան յիշողութիւններով, որոնք կապած են Յով. Թումանեանի հետ և այլն:

Պատասխանելով [Հ.] Համբարձումեանին, [Պ.] Աբելեանին և [Ս.] Արովեանին՝ Յով. Թումանեանը կրկին անգամ շեշտում է, որ ինքը առանձնապէս ոչինչ չի արել ու իրանից ոչինչ չի ներկայացնում: «Ախպէ՛ր, էն, ինչ որ դուք բոլորդ ասում էք ու իմ մէջ տեսնում, էդ ամենը հասարակ մի բան է և յատուկ է բոլորիդ», – ասելացնում է բանաստեղծը:

Մարգար Աւետիսեանը, կրկին անգամ ողջունելով, յայտնում է բանաստեղծին, որ բոլոր խօսողները խօսում են անկեղծօրէն և իբրև ընկերներ և որ բոլորի ասածը ճշմարտութիւն է:

– Հենց էդ պատճառով, որ մենք խօսում ենք որպէս ընկերներ, ես հնարաւոր եմ համարում վիճել Ձեզ հետ ձեր ոգևորութեան առարկայի վերաբերմամբ, հէնց էդ պատճառով էլ ձեր բոլորիդ ասածների դէմ ես բերում եմ յարգելի “от воды”-ներ:

Նախագահ Մ. Աւետիսեանը վերջին խօսքն է ուղղում բանաստեղծին և կրկին անգամ շնորհաւորում նրա յիսնամեակը, նա ողջունում է իր և յոբելեարի ջանքերով ստեղծած Հայրենակցութիւնների միութեան խորհրդի անունից:

Ղարսի հայրենակցութեան ներկայացուցիչը շնորհաւորում է Ղարսի հայրենակցութեան անունից և ցանկութիւն է յայտնում, որպէսզի հայրենակցութիւնների ու խորհրդի պատմութիւնը գրուի ու առանձին հրատարակութեամբ նուիրուի Յովհ. Թումանեանին:

Բանաստեղծը իր բուն շնորհակալութիւնն է յայտնում ժողովին:

Ուրքի կանգնելով՝ ժողովականները երկար ու բուն ծափահարութիւններով ողջունում են Յովհաննէս Թումանեանին:

Նախագահը յայտարարում է նիստը փակուած:

Նախագահ՝ Մ. Աւետիսեան
Քարտուղար՝ Հ. Համբարձումեան

ՀԱԱ, ֆ. 245, ց. 3, գ. 15, թ. 7-9: Բնագիր: Ձեռագիր:

№ 22

**Քաղվածք Հայ հայրենակցական միությունների միության
կենտրոնական խորհրդի նիստի արձանագրությունից՝
Հովհ. Թումանյանի հոբելյանին նվիրված բանկետ
կազմակերպելու մասին**

4 մարտի 1919 թ.

[Թիֆլիս]

1919 թ. մարտի 4-ին, Մարգար Աւետիսեանի նախագահութեամբ, Ախալքալաքի, Գանձակի, Նոր Բայազետի, [Հին] Նախիջևանի և Ղազախի հայրենակցութիւնների ներկայացուցիչների [մասնակցութեամբ] կայացաւ Միութիւնների միութեան կենտրոնական խորհրդի նիստը:

[...] Մարգար Աւետիսեանը առաջարկում է շարունակել Յով. Թումանեանին նուիրուելիք բանկետի խնդիրը: Մտքերի փոխանակութիւնից յետոյ որոշում է ընտրել մի մասնաժողով, որին և յանձնել բանկետի կազմակերպութեան իրագործումը: Մասնաժողովին իրաւունք տալ կազմել տեղեակ անձանցից մի մարմին, որի հետ և գործակցութեան մէջ մտնել: Յանձնաժողովի անդամներ ընտրուեցին՝ Ար. Տէր-Գրիգորեանը, Ջալալ Տէր-Գրիգորեանը և Հ. Համբարձումեանը՝ խորհրդի կողմից, Աշոտ Աթանասեանը՝ որպէս բանկետի առաջարկ անող: [...]

Նախագահ՝ Մ. Աւետիսեան
Քարտուղար՝ Հ. Համբարձումեան

ՀԱԱ, ֆ. 245, ց. 3, գ. 15, թ. 4-5: Բնագիր: Ձեռագիր:

№ 23

**Հայ հայրենակցական միությունների կենտրոնական
խորհրդի գրությունը Վրաստանի Հայոց ազգային
խորհրդի գաղթականական բաժնին՝ Ղազախի
հայությանն օգնելու խնդրանքով**

24 մարտի 1919 թ.

N 96

[Թիֆլիս]

Համաձայն Ղազախ-Շամշադինի հայրենակցական միության վարչության՝ Ղազախի հայ ազգաբնակչությունը չափազանց մեծ կարիք ունի հաց և սերմացու ստանալու համար, ըստ որում՝ այդ գաւառին ուղարկուելիք պարէնը նպատակայարմար կը լինի անցկացնել Թովուզ, Աղստաֆա և Այրում կայարաններով: Վերոյիշեալից զատ, ինչպէս երևում է նոյն հայրենակցության մարտի 20-ի N 34 յայտարարութիւնից, վերին աստիճանի տխուր և աննախանձելի դրութեան մէջ է գտնուում Ղազախում պատսպարուած գաղթականութիւնը, որի կեանքում սննդի պակասութեան պատճառով տեղի են ունենում սովամահութեան դէպքեր, իսկ մահացութեան դէպքերը և ընդհանուր տոկոսը հետզհետէ աւելանում են, ուստի անհրաժեշտ է շուտափոյթ օգնութիւն և գաղթականների կազմակերպած վերադարձը դէպի հայրենիք:

Յայտնելով վերոյիշեալը՝ հայրենակցութիւնների Կենտրոնական խորհուրդը պատիւ ունի խնդրելու Գաղթականական բաժնիդ ձեռք առնել համապատասխան միջոցներ՝ Ղազախի հայ ազգաբնակչութեանը օգնելու և նոյն գաւառում պատսպարած գաղթականութեան վիճակը թերւեացնելու համար:

Նախագահ՝ Յ. Թումանեան
Քարտուղար՝ Հ. Համբարձումեան

ՀԱԱ, ֆ. 245, ց. 3, գ. 17, թ. 1 և շրջ.: Բնագիր: Ձեռագիր:

«Էջմիածին», 2009, սեպտեմբեր (Թ), էջ 89-90:

№ 24

Հովհ. Թումանյանի 50-ամյակին նվիրված Հայ հայրենակցական միութիւնների միութեան կազմակերպած երեկոյթի հրավիրատոմսը

[1919 թ. ապրիլ՝
Թիֆլիս]

Հայոց Հայրենակցական Միութիւնների Կենտրոնական խորհուրդը խնդրում է Ձեզ, մեծարգոյ պարոն, յարգել Ձեր ներկայութեամբ հայրենակցութիւնների միութեան հիմնադիր ՅՈՎՀԱՆՆԷՍ ԹՈՒՄԱՆԵԱՆԻ 50-ամեակին նւիրած երեկոյթը, որ տեղի կունենայ սոյն թւի ապրիլի «...»-ին², երեկոյեան ժամը «...»-ին, Քաղաքային վարկի ընկ[երութեան] շէնքում, Պուշկինեան փ. N 3 (Городское кредитное о-во, Пушкинская N 3):

Հայրենակ[ցական] Միութիւնների Կենտրոնական խորհուրդ

ՀԱԱ, ֆ. 245, ց. 3, գ. 7, թ. 46: Տպագիր օրինակ (կնքած):

¹ Թվագրվում է համաձայն բովանդակության:

² Հովհ. Թումանյանին նվիրված երեկոյթը տեղի է ունեցել ապրիլի 11-ին:

**Քաղվածք Հայ հայրենակցական միությունների միության
կենտրոնական խորհրդի նիստի արձանագրությունից՝
Հովհ. Թումանյանի հորեղանին նվիրված բանկետ
կազմակերպելու մասին**

8 մայիսի 1919 թ.

[Թիֆլիս]

8 մայիսի 1919 թ. Մարգար Աւետիսեանի նախագահութեամբ, Ախալքալաքի, Նոր Բայազէտի, Նուխու, Շամախի-Գէօկչայի, Լոռու, Ղազախի, Ղարսի և Գանձակի հայրենակցութիւնների ներկայացուցիչների մասնակցութեամբ կայացաւ միութեան կենտրոնական խորհրդի նիստը, որը որոշեց. 1. Յովհաննէս Թումանեանին ներկայացուելիք թղթապանակի վրայ արած ծախքի գումարը հայրենակցութիւններից հաւաքելու գործը յանձնել Մադաթ Պետրոսեանին: 2. Ընտրել մի մասնաժողով, որին յանձնել Յովհ. Թումանեանին նւիրած երեկոյթի կազմակերպումը: Ընտրուում են՝ Բ. Օհանջանեանը, Ս. Լազարեանը, Բագր. Շահպարտնեանը և Մադաթ Պետրոսեանը: 3. Երեկոյթը կազմակերպել առաջիկայ կիրակի օրը¹: [...]

Ի. տ. նախագահի՝ Մ. Աւետիսեան

Քարտուղար՝ Հ. Համբարձումեան

ՀԱԱ, ֆ. 245, ց. 3, գ. 15, թ. 24: Բնագիր: Ձեռագիր:

¹ Այն է՝ 1919 թ. մայիսի 11-ին:

**Հովհ. Թումանյանին նվիրված բանկետի ժամանակ Հայ
հայրենակցական միությունների միության կողմից նրան
ներկայացված շնորհավորական գրությունը¹**

11 մայիսի 1919 թ.²

Թիֆլիս

Յարգելի բանաստեղծ!

Հազար-հազար տարիներ՝ անվերջ տառապանքների ճանապարհը բռնած, իր տանջանքի գնով, արեան ու արցունքի հեղեղներով հայ ազգը կարողացել է ստեղծել հոգեկան արժեքներ՝ քաղաքակրթության ու լոյսի կարօտ, կատարելագործության հզոր եռանդ և քաղաքացիական բարձր կեանքով ապրելու անմահ ձգտումներ:

Անժխտելի է, որ մեր ազգային գեղարվեստը՝ մասնաւորապէս բանաստեղծութիւնը, իր ծագման և զարգացման պարագաներով պատկանում է այդ կարգի արժեքներին:

Արդ՝ ինչպէս երկնահաս լեռների կատարներից դիտող հայեացքը դիւրին և հեշտ կարող է թափանցել ու տեսնել շատ հեռաւոր հորիզոններ, այնպիսի հորիզոններ, որոնք այլ պայմաններում, անշուշտ, կը մնային անտես ու անըմբռնելի, այդպէս էլ բանաստեղծի սուր ու կախարդական հայեացքը՝ ուղղւելով հոգու վեհ ու լուսաւոր բարձունքներից դէպի կեանքը, դէպի նրա բազմազան երեկոյթները, այնտեղ, նոցա բիւր ելևէջներում, կարողանում է տեսնել, դիտել և ըմբռնել ճշմարտութիւնը, վեր հանել

¹ Գրության վերնագիրն է՝ «Յովհաննէս Թումանեանին (1869-1919)՝ Հայրենակցութիւնների միութիւններից»:

² Թվագրվում է համաձայն բովանդակության և նախորդ փաստաթղթի:

մարդկային ցեղի կատարելագործութեան յաւիտենական գաղափարը, նրա հոգու զարգացման ազնիւ լոյսը և գեղեցկութիւնը:

Իսկ դու՝ ...

Հարազատ որդիդ հայրենի խրոխտ բնութեան. չէ՞ որ մեզ մօտ դու եկած ես բարձր երկնահաս մեր լեռների կատարներից. չէ՞ որ դու տեսել և դիտել ես հայրենի երկրի կենսութիւն ու փարթամ հովիտները, անդնդախոր ձորերը, ամեհի ու ազգիդ վշտից կնճռոտած ժայռերը, կանաչազգեստ բլուրները, յաւիտենական, չնաշխարհիկ կեանքի լեզուով կարկաչող գետակն ու աղբիւրը, խորհրդաւոր անտառը – երբեմն տխուր ու տերևաթափ, երբեմն էլ ուրախ, ժիր և լեզանի, աղմկող՝ շաշն ու շառաչը բերնին և մշտապէս կուարար ջրվէժները և այն ամէնը, ինչ հրաշագործ է, վեհ ու վսեմ:

Տեսած, լսած և հոգեպէս խորը թափանցած՝ չէ՞ որ դու, ջքնաղ քնարիդ լարերին զարկելով, մեզ և մեր ազգին բերել ես այդ հպարտ ու ճոխ բնութեան դիւթիչ երգերը, նրա անմահ բարբառը, անըմբռնելի սէրն ու կարօտը ...

Բանաստեղծ, գալով հայրենի լեռների կատարներից, շնորհիւ թափանցող հայեացքիդ, լայն, բիւրեղ, ընտիր և էապէս ժողովրդական ապրումներիդ, դու կարողացար կանգնել մեր ազգային հոգու ծինապատ բարձունքների վրայ և այնտեղից շրջա-հայեաց ու ազատ նայել և տեսնել ազգի գոյութեան հեռունները, քննել ու կախարդիչ հնչիւններով երգել մեր կեանքի բոլոր կողմերը՝ անցեալը և ներկան:

Տանջւած, վերքերով լեցուն, բայց և առմիշտ անվիատ հայ ժողովուրդը երկար տարիներ հմայքով ու զմայիլ լսել է և դեռ այսօր շարունակում է կախարդւած լսել քեզ:

Քո սիրուն երգերը լսելով՝ նա ըմբռնել է իր վիշտն ու ցաւը, իր յոյսն ու լոյսը, իր ժպիտն ու թախիծը:

Ստեղծագործութեան գոհարները չեն միայն, որ հրամայական առիթ են տալիս մեզ յայտնելու մեր ամենաբուռն զգացմունքները:

Հասարակական գործի ծանր ճանապարհը բռնած, դու՛ որպէս ճշմարիտ քաղաքացի, միշտ հնչեցրել ես քո խրախուսող ծայնը և ամեն անգամ՝ ծախորդութեան թէ փորձանքի ժամին, հանդէս ես եկել մեզ համար իբրև սուրբ զգացմունքներով և ճշմարտութեան գաղափարով համակուած իսկական առաջնորդ:

Եւ կարող ծեռքիդ բռնած, վեհ վեր բարձրացրած ճանապարհները լուսաւորող և թանձր խաւարի կուրծքը ճեղքող լուսաւոր դրօշակը՝ մեր ազգային հոգու կրակը, դու՛ որպէս մեր կեանքի մարգարէն, միշտ կանչել ես մեզ դէպի արևն ու ազատութիւնը, դէպի եղբայրութեան գաղափարի աշխարհը, դէպի յաւիտենական երջանկութիւնը ...

Եւ ահա, Հայոց հայրենակցութիւնների միութիւնը դառնում է դէպի Քեզ՝ որպէս իր հիմնադրին, և իւր ամենաջերմ զգացմունքներով ի յայտ աշխարհի գոչում է. «Կեցցէ՛ բանաստեղծը, կեցցէ՛ ճշմարիտ քաղաքացին»:

Ալեքսանդրապոլի, Ախալցխայի, Ախալքալաքի, Արդահան-Օլթու, Արդանուշ-Շաւշէթի, Բուլանլուլի, Գանձակի, Գողթնի, Լոռու, Ղազախ-Շամշադնի, Ղարաբաղի, Ղարսի, [Հին] Նախիջևանի, Նոր Բայազէտի, Նուխու, Շամախի-Գէօկչայի, Շուլավերի և Փամբակի հայրենակցութիւններ

Ի. տ.¹ Հայրենակցական միութիւնների միութեան
կենտրոնական խորհրդի նախագահ՝ Մ. Աւերիսեան
Քարտուղար՝ Հ. Համբարձումեան
Անդամներ

Կազմել է Համազ[ասայ] Համբարձումեան, ընդունեց խորհրդի
մայիսի 8-ի նիստում, կիրակի՝ մայիսի 11-ին, Յ. Թումանեանին
տրուելի թելըմպումին թղթապանակի մէջ ներկայացնելու համար:
Քարտ. Պ. Աբելեան: Ախալքալաքի հայրենակցութեան կողմից՝ Բ.
Օհանջանեան և Պ. Աբելեան, Ջ. Տէր-Գրիգորեան, հին նախիջևան-
ցիների կողմից՝ Յ. Արիստակէսեան, ստորագր[ել] են նոյնպէս՝ Մ.
Աւերիսեան և այլք: Առաջինը ստորագրեցին, որպէս Թումանեա-
նին մօտ մարդիկ, Ջ. Տէր-Գրիգորեան և Մ. Պետրոսեան»:

ՀԱԱ, ֆ. 245, ց. 3, գ. 19, թ. 1-2: Մեքենագիր օրինակ:

№ 27

**Հայ հայրենակցական միությունների միության
կենտրոնական խորհրդի նիստի արձանագրությունը՝
Հովհ. Թումանյանի հոբելյանի առթիվ կազմակերպված
բանկետի արդյունքներն ամփոփելու մասին**

15 մայիսի 1919 թ.

[Թիֆլիս]

Մարգար Աւետիսեանի նախագահութեամբ կայացաւ Հայ-
րենակցութիւնների միութեան կենտրոնական խորհրդի նիստը:

Ներկայ էին Ախալքալաքի, Գանձակի, Ղազախի, Լոռու,
Շամախի-Գէօկչայի, Նուխու, Ղարսի, Արդահանի և Նոր Բայա-
զէտի հայրենակցութիւնների ներկայացուցիչները:

¹ Փաստաթղթի այս և հաջորդ շեղատառ հատվածները ձեռագրով ավելացրել է Պո-
ղոս Աբելյանը:

Նիստի քարտուղարության պաշտօնը կատարում էր միության քարտուղար Հ. Համբարձումեանը:

Բանկետի կարգադրիչ յանձնաժողովը ներկայացրեց մանրամասն հաշիւ Յովի. Թումանեանի 50-ամեակին նվիրած երեկոյթի մասին: Հաշիւից երևաց, որ մասնադրութեամբ երեկոյթի համար հաւաքւած է եղել մէկ հազար չորս հարիւր ռուբլի և որ այս գումարը ամբողջովին ծախսւել է երեկոյթի վրայ:

Խորհուրդը որոշեց՝ հաշիւը հաստատել:

Նոյն կարգադրիչ յանձնաժողովը ներկայացրեց Յովի. Թումանեանին ներկայացւած թղթապանակի հաշիւը. թղթապանակի համար հայրենակցութիւնների վարչութիւններից հաւաքւած է եղել ընդամենը իննը հարիւր ութսուն և հինգ (985 ռ.) ռուբլի, ըստ որում՝ վարչութիւններից ոմանք վճարել են 100 ռ., ոմանք էլ՝ 50-80 ռուբլի: Այս գումարի հանդէպ ծախսւած է՝ 1. թղթապանակի կաշւէ աշխատանքը՝ 600 ռ., 2. նրա կազմը՝ 100 ռ., 3. աստաղը՝ 180 ռ. և 4. ուղերձի տպագրութիւնը՝ 125 ռուբլի: Բացի այդ՝ տոմսակների տպագրութեան վրայ, ի հաշիւ նոյն փողի, ծախսւած է 200 ռուբլի: Այսպիսով՝ թղթապանակի նպատակով հաւաքւած է եղել միայն 985 ռ., ուստի կարգադրիչ յանձնաժողովի անդամ Ս. Լազարեանը երկու հարիւր քսան ռուբլին ծախսել է իր անձնական միջոցներից:

Խորհուրդը որոշում է. ա. Յանձնաժողովի հաշիւը հաստատել, բ. Հայրենակցութիւնների վարչութիւններից պ. Մադաթ Պետրոսեանի ձեռքով հաւաքել պակաս գումարը՝ երկու հարիւր քսան (220 ռ.) ռուբլի և այդպիսին վճարել պ. Ս. Լազարեանին և գ. Կարգադրիչ յանձնաժողովին յայտնել շնորհակալութիւն:

ՀԱԱ, ֆ. 245, ց. 3, գ. 15, թ. 25-26: Բնագիր: Ձեռագիր:

№ 28

Համաշխարհային պատերազմից հայ ժողովրդի կրած վնասների քննիչ հանձնաժողովի նախագահ Հովհ. Թումանյանի գրությունը Վրաստանում ՀՀ դիվանագիտական ներկայացուցչությանը՝ հանձնաժողովին ֆինանսական աջակցություն ցուցաբերելու խնդրանքով

28 հունիսի 1919 թ.

Թիֆլիս

Միսիայի՝ ամսիս 27-ի N 1829 գրութիւնը, որ վերաբերում է պ. [Ա.] Խատիսեանի N 2153 ինձ ուղղած հեռագրին, պատիւ ունեմ յայտնելու հետևեալը.

Էդ հեռագիրը պատասխան է էն զեկուցագրի, որ ուղարկել եմ ես մեր կառավարութեանը՝ իրեն պ. նախարարապետի անունով՝ Համաշխարհային պատերազմից հայ ժողովրդի կրած վնասների քննիչ յանձնաժողովի մասին և խնդրել եմ. 1. մի հարիւր տասը հազար ռուբլի՝ քննիչ յանձնաժողովի ծառայողների չվճարած ռոճիկները վճարելու և արած պարտքերը հատուցանելու առ 15 ապրիլի, 2. 50 հազար ռուբլի՝ կիսատ մնացած գործը վերջացնելու և 3. 50 հազար ռուբլի՝ յանձնաժողովի Ղարաբաղի ճիւղին ուղարկելու: Ընդամենը՝ երկու հարիւր տասը հազար ռուբլի:

¹ Այն է՝ ՀՀ վարչապետի պաշտոնակատար Ա. Խատիսյանին ուղղված իր 1919 թ. հունիսի 7-ի գրությունը (Թումանյան Հ., ԵԼԺ, հ. 10, Երևան, 1999, էջ 320-326):

Քննիչ յանձն[աժողովի] նախագահ՝ Յովի. Թումանեան

ՀԱԱ, ֆ. 275, ց. 5, գ. 202, թ. 33: Բնագիր: Ինքնագիր:

«Էջմիածին», 2009, սեպտեմբեր (Թ), էջ 90:

№ 29

**ՀՀ հանրային կրթության և արվեստի նախարարության
գրությունը Հայ գրողների ընկերության նախագահ Հովի.
Թումանյանին՝ գրողներին նպաստ հատկացնելու մասին**

9 հուլիսի 1919 թ.

N 1309

[Երևան]

Կառավարության որոշմամբ¹ մի հարիւր հազար ռ. է յատկացում՝ հայ գրողներին, հրապարակախօսներին եւ գիտնականներին նպաստ տալու նպատակով: Նպաստի տւչութիւնը թողնում է Հայ գրողների ընկերութեան վարչութեան հայեցողութեանը², որը, սակայն, ի նկատի է ունենալու հետեւեալ նորմերը.

ա. Նպաստը տրւելու է յիշեալ կատեգորիայի արեւելահայ թէ արեւմտահայ անձանց՝ անխտիր Հայաստանում, թէ այլուր ապրողներին,

բ. Նպաստ տալու իւրաքանչիւր դէպքի մասին կայացած պատճառաբանւած որոշման պատճէնը ուղարկւելու է Հանրային կրթութեան եւ արւեստի մինիստրութեան:

¹ Որոշումն ընդունվել է ՀՀ կառավարության 1919 թ. հուլիսի 7-ի նիստում (Հայաստանի Հանրապետության կառավարության նիստերի արձանագրություններ. 1918-1920 թթ., Երևան, 2014, էջ 243):

² Այս առթիվ ՀՀ վարչապետի պաշտոնակատար Ալ. Խատիսյանին ուղղված Հովի. Թումանյանի նամակները տե՛ս Թումանյան Հ., ԵԼԺ, հ. 10, Երևան, 1999, էջ 327-330, 670-672:

Հանրային կրթության եւ արւեստի մինիստր՝ [Ս. Տիգրանեան]
Դիւանապետ

ՀԱԱ, ֆ. 307, ց. 1, գ. 218, թ. 54: Թողոն: Մեքենագիր:

№ 30

**Հայ գրողների ընկերության վարչության գրությունը ՀՀ
հանրային կրթության և արվեստի նախարար Նիկոլ
Աղբալյանին՝ վարչությանը հանձնված դրամական
նպաստը բաշխելու հարցի մասին**

13 սեպտեմբերի 1919 թ.

Թիֆլիս

Ստանալով Հանրային կրթության եւ արւեստի տէր նախարարի գրութիւնը, որով առաջարկում էր վարչութեանս գրութեան հետ փոխադրած հարիւր հազար ռուբլին բաժանել իբրև նպաստ վարչութեանս հայեցողութեամբ Թիֆլիս եւ այլուր գտնւած հայ գրողներին, գիտնականներին և հրապարակախօսներին, վարչութիւնս նախապէս խորհրդակցելով մեր ականաւոր գրողների հետ և նկատի ունենալով, որ դա պաշտպանութիւն է Հայոց գրականութեանը և ոչ թէ բարեգործութիւն, որ նպաստը, աչքի առաջ ունենալով դրամի արժեքի անկումը, պէտք է այնպիսի չափով բաշխել, որ լինի փոքր ինչ շօշափելի, իր տարւոյս յուլիս 20-ի ժողովում որոշեց այդ գումարը առաջին հերթին բաժանել հետեւեալ անձերին.

1. Յովհաննէս Թումանեանց – 10 հազար ռուբլի (նպաստից հրաժարւում է մինչև միւս բաշխումը)
2. Յովհաննէս Յովհաննիսեան – 10 “ “
3. Դերենիկ Դեմիրճեան – 10 “ “

4. Շիրվանզադե – 10 “ “

5. Վրթանէս Փափագեան – 10 “ “

6. Նար-Դոս – 10 “ “

7. Նիկողայոս Աղբալեան – 10 “ “ (նպաստից հրաժարում է մինչև միւս բաշխումը)

8. Մանուկ Աբեղեան – 7 “ “

9. Լէօ – 10 “ “

10. Ստեփան Կանայեան – 7 “ “

11. Երուանդ Տէր-Մինասեան – 7 “ “

12. Գիւտ ա[ւագ] ք[ահանայ] Աղանեանց – 7 “ “

13. Սմբատ Տէր-Աւետիսեանց – 7 “ “

14. [Դաւիթ] Անանուն – 7 “ “

Բայց որովհետև, բացի վերոյիշեալներից, կան նոյնպէս ուրիշ գրողներ, որոնք նոյնպէս գտնուում են կարօտութեան մէջ, ուստի վարչութիւնս կազմեց նաև 19 հոգու մի երկրորդ ցանկ, որոնց և որոշեց բաժանել 50.000 ռուբլի, որպիսի գումարը սպասւում էր Կովկ[ասի] Հ[այոց] բարեգործական ընկերութեան կողմից նոյն նպատակով: Միևնոյն նիստում վարչութիւնը որոշում կայացրեց շարունակել գրողների այդ ցուցակը, ուր մտցնել նաև Տաճկաստան և այլուր մեզանից անծանօթ մնացած այլ գրողներին և նրանց համար միջնորդել Հայաստանի Հանրապետութեան առաջ՝ տրամադրելու վարչութեանս դարձեալ մի գումար՝ բաւարարելու նաև երրորդ ցուցակի գրողներին:

Հազիւ թէ այս որոշումը կայացել էր, բայց տակաւին չէին ստացել թէ՛ առաջին և թէ՛ երկրորդ գումարները, երբ վարչութիւնս ստացաւ ընկերութեան 10 անդամի ստորագրութեամբ մի յայտարարութիւն, որով յիշեալները խնդրում էին անյապաղ

ընդհանուր ժողով գումարել՝ 100.000 ռուբլու մասին կարգադրությւններ անելու համար: Վարչութիւնս անյապաղ հրաւիրեց ընդհանուր ժողով, որ ունեցաւ երեք նիստ:

Ընդհանուր ժողովը հենց առաջին նիստում որոշեց քանդել վարչութեանս որոշումը և ընտրել իր միջից մի նոր յանձնաժողով, որին և յանձնել 100.000 ռուբլու բաշխման գործը՝ ի միջի այլոց առարկելով, թէ նպաստ ստացողների մէջ կան վարչութեան անդամներ, սակայն հենց նոյն ընդհանուր ժողովը կայացրեց որոշում, որ դրամաբաշխ մասնաժողովի անդամները իրաւունք ունէին նպաստ ստանալ:

Սրանից յետոյ եղած ժողովում ընդհանուր ժողովը գտաւ իր որոշումը հակասական և փոխեց իր այդ որոշումը:

Վարչութիւնս, նկատելով այդ ընդհանուր ժողովի կողմից իրեն յայտնուած անվստահութիւն և ակնյայտնի վիրաւորանք, որոշեց հրաժարուել նպաստը բաշխելուց և որևէ յանձնաժողովի հետ բաշխման գործին մասնակցելուց և այդ մասին յայտարարեց հետևեալ ընդհանուր ժողովին:

Նոյն ժողովին այն 12 անձերը, որոնց վարչութիւնս որոշել էր յատկացնել յիշեալ գումարը, վարչութեանս նախագահի միջոցով յայտարարեցին, որ իրենք ևս հրաժարուում են դրամ ստանալ այն ընկերութեան միջոցով, որը մինչև այդ օրը ոչ մի նպաստ ստացողի անուն չի հանել հրապարակ նոյնիսկ հաշւետւութիւնների մէջ, իսկ այժմ իրենց անունները դարձրել են հրապարակական վիճաբանութեան և վիրաւորանքի առարկայ:

Չնայելով այս բոլոր յայտարարութիւններին՝ ընդհանուր ժողովը որոշեց ընտրել հինգ հոգուց մի մասնաժողով, որին և յանձնարարեց դրամն ստանալ և բաժանել ըստ իր հայեցողութեան:

Ընդհանուր ժողովները, առհասարակ, այն տեսակ կերպարանք էին առել, որ վարչութիւնը և նպաստառու գրողները մնացին իրենց որոշման վրայ և հրաժարեցին մէկը բաշխելուց ու միւսները՝ նպաստ ստանալուց:

Վերոյիշեալների մասին վարչութիւնս հարկ է համարում, տէ՛ր նախարար, զեկուցանել Ձեզ՝ ի տնօրէնութիւն:

Սրա հետ վարչութիւնս ուղարկում է իր յուլիս 20-ի օրագրի վաւերացրած պատճէնը՝ և մասնաժողովի ամբողջ գրագրութիւնը՝ խնդրելով վերջինս վերադարձնել կարևորութիւնն անցնելուց յետոյ:

Վարչութեան նախագահ՝ Յ. Թումանեան
Անդամ-քարտուղար՝ Գիտ ա. ք. Աղանեանց

ՀԱԱ, ֆ. 307, ց. 1, գ. 218, թ. 138 և շրջ.: Բնագիր: Ձեռագիր:

№ 31

**ՀՀ հանրային կրթության և արվեստի նախարարության
գրութիւնը Հայ գրողների ընկերության վարչութեանը՝
տրամադրված նպաստի անդորագրերը
ներկայացնելու մասին**

10 մարտի 1920 թ.

N 1120

[Երևան]

Անցեալ տարւայ օգոստոսի 5-ին փոխադրած է վարչութեանդ նախագահ Յովհաննէս Թումանեանին մի հարիւր հազար ռուբլի՝ հայ գրողներին և գիտնականներին մասնատրելու համար:

¹ Տե՛ս ՀԱԱ, ֆ. 307, ց. 1, գ. 218, թ. 139-140 շրջ.:

Դիանա սրանով կրկին անգամ խնդրում է ներկայացնել այդ դրամի գործադրության հաշիւն ու փաստաթղթերը՝ պետական վերահսկողութեանը ներկայացնելու համար:

Աւելորդ է յիշել, որ դիանա ստիպւած է կրկնել իր խնդիրը, որովհետեւ առաջին դիմումը մինչև այսօր մնացել է անհետևանք:

Դիանի տեսուչ
Գործ[ա]վար]

ՀԱԱ, ֆ. 307, ց. 1, գ. 251, թ. 22: Թողոն: Ձեռագիր:

№ 32

Հայ հայրենակցական միությունների կենտրոնական խորհրդի հրավերը հայկական մշակութային հաստատություններին՝ մասնակցելու Վրաստանի բանաստեղծության և գրականության ազգային տոնին

30 ապրիլի 1920 թ.¹
[Թիֆլիս]

Վրաց գրողների համագումարը որոշել է մայիսի 7-ը դարձնել Վրաստանի բանաստեղծութեան եւ գրականութեան ազգային տօնի օր եւ առաջին տօնը կատարելու է առաջիկայ մայիսի 7-ին:

Հայ գրողների վարչութիւնը եւ Հայ հայրենակցական միութիւնների կենտրոնական խորհուրդը որոշել են մասնակցել այդ տօնակատարութեան՝ հրաւիրելով նաեւ մեր կուլտուրական հաստատութիւններին միանալու իրենց հետ: Ուստի խնդրում

¹ Նովիի, Արեշի և Չաքաթալայի հայրենակցական միությունում հրավերը ստանալու ամսաթիվը:

ենք ուղարկել Ձեր մէկ ներկայացուցչին խորհրդակցութեան, որ տեղի կունենայ կիրակի օրը՝ մայիսի 2-ին, երեկոյեան ժամը 6-ին [Հայոց] ազգային խորհրդի դահլիճում¹:

Հայ գրողների վարչութեան եւ Հայ հայրենակց[ական]
միութիւնների] կենտրոնի նախագահ՝ Յ. Թումանեան
Անդամ՝ Հ. Դարբինեան

Մակագրություն. «Նուխու, Արեշի, Զաքարթալայի հայրենակց[ական] միութիւն: III արական գիմնագիա: Միք. Զարգաբեանին»:

ՀԱՍ, ֆ. 245, ց. 3, գ. 21, թ. 1 և շրջ.: Բնագիր: Մեքենագիր:

№ 33

**Երևանում գտնվող Հովհ. Թումանյանին² ուղղված
ռադիոհեռագիր (պատճենը՝ Գեորգի Օրջոնիկիձեին՝
խորհրդային զորքերի ճամբար տեղափոխվելու մասին³)**

25 մարտի 1921 թ.

Մեր կողմից բռնագրավված է ձեր հեռագիրը ընկ. [Գ.] Օրջոնիկիձեի անվամբ՝ Հայաստանում Փրկության կոմիտեի կողմից ղեկավարվող ապստամբության բնույթի մասին⁴: Ըստ էության չպատասխանելով ձեր տեղեկատվությանը, մեր բանակի և նրա հետ նահանջած մեծաքանակ գաղթականների անունից

¹ Հովհ. Թումանյանն այս աղբիվ 1920 թ. մայիսի 6-ին մամուլում հանդես եկավ նաև հատուկ կոչով (Թումանյան Հ., ԵԼԺ, հ. 7, Երևան, 1995, էջ 398-399):

² Հայաստանում ծավալվող քաղաքացիական պատերազմին վերջ տալու նպատակով Հովհ. Թումանյանը 1921 թ. մարտի 20-ին ժամանել էր Երևան:

³ Հաձնաբար ռադիոհեռագիրն ուղարկել է Հայաստանի հյուսիսային շրջանների ռազմեղկոմի նախագահ Գևորգ Աթաբեկյանը:

⁴ Նշյալ հեռագիրը տե՛ս Թումանյան Հ., ԵԼԺ, հ. 10, Երևան, 1999, էջ 375:

մենք առաջարկում ենք ժամանել մեզ մոտ և անձնապես համոզվել՝ ումից է բաղկացած և ում դեմ է կռվում հայկական Կարմիր բանակը, որը ղեկավարվում է Խորհրդային Հայաստանի հեղափոխական կոմիտեի կողմից: Ձեր միակողմանի տեղեկատվությամբ, ինքներդ էլ չգիտակցելով, վատ ծառայություն եք մատուցում հայ աշխատավոր ժողովրդին, որի լավագույն որդիները այժմ գտնվում են մեր բանակի շարքում: Կամ Ձեր ժամանման մասին մեզ տեղեկացրեք:

ՀԱԱ, ֆ. 1022, ց. 5, գ. 361, թ. 33: Պարճեն: Մեքենագիր: Թարգմանություն ուսերենից:

№ 34

**Մերձավոր Արևելքում ամերիկյան նպաստամատույց
կոմիտեի կովկասյան մասնաճյուղի կառավարչի ճաշի
հրավերը Հայաստանի հեղկոմի նախագահ Ս. Կասյանին**

6 ապրիլի 1921 թ.

Երևան

Իմ նախկին հրավերի ձեր ընդունելությունը մերժվել է մեր հսկողությունից դուրս գտնվող պայմաններում:

Հուսով եմ, այժմ Դուք կնդրոնեք իմ հրավերը և Ձեր ներկայությամբ կհարգեք մի պարզ ճաշ, շաբաթ օրը՝ ապրիլի 9-ին, ժամը 16:00-ին:

Ես հրավիրել եմ նաև հետևյալ ընկերներին. արտաքին գործերի և ներքին գործերի կոմիսարներին¹, ինչպես նաև բանաստեղծ Հովհ. Թումանյանին և [Վ.] Դերոյանին²:

¹ Այսինքն՝ Ասքանազ Մոսվյանին և Իսահակ Դովլաթյանին:

² Վարազդատ Դերոյանը (Տերոյան) պաշտոնավարում էր Ամերկոմում:

ՀԱԱ, ֆ. 113, ց. 3, գ. 4, թ. 44: Բնագիր: Մեքենագիր: Թարգմանություն անգլերենից:

№ 35

**ՀՍԽՀ արտգործոժողկոմատի գրությունը անցագրերի
բյուրոյին՝ Հովհ. Թումանյանին, դստերը և թոռանը
Թիֆլիս ուղևորվելու անցագիր տրամադրելու հարցով**

16 ապրիլի 1921 թ.

N 1017

Երևան

Խնդրում եմ Ձեզ սոյնը հանձնողի հետ Արտաքին գործերի
կոմիսարիատ ուղարկել Թիֆլիս ուղևորուելու անցագիր Յով-
հաննէս Թումանյանի, դստեր՝ Աշխեն Խատիսեանի¹ և թոռան՝
Հովիկ Խատիսեանի անուամբ:

Արտգործոժողկոմ՝ [Ա.] Մռաւեան

Քարտուղարի փոխարեն՝ [Մ.] Խոջամիրեան

ՀԱԱ, ֆ. 114, ց. 1, գ. 18, թ. 195: Պատճեն: Մեքենագիր: Թարգմա-
նություն ռուսերենից:

«Էջմիածին», 2009, սեպտեմբեր (Թ), էջ 90:

¹ Աշխենը դաշնակցական ճանաչված գործիչ, իրավաբան Գևորգ Խատիսյանի (Ա. Խատիսյանի եղբոր) կինն էր:

ՀԱՄԸ արտագործողկոմատի կողմից Հովհ. Թումանյանին տրված անցագիրը՝ Թիֆլիս մեկնելու առթիվ

18 ապրիլի 1921 թ.

N 1034

Երևան

Սույն անցագիրը տրվում է Հովհաննես Թումանյանին առ այն, որ նրան դստեր՝ Ալշխեն] Խատիսյանի և թոռան՝ Հովիկ Խատիսյանի հետ թույլատրվում է մեկնել Թիֆլիս:

Սույնը վավերացվում է ստորագրությամբ և կնիքով:

Արտագործողկոմ՝ [Ա. Մուսվյան]

Քարտուղարի փոխարեն՝ [Մ. Խոջամիրյան]

ՀԱԱ, ֆ. 114, ց. 1, գ. 18, թ. 205: Պարճեն: Մեքենագիր: Թարգմանություն ուսերենից:

«Էջմիածին», 2009, սեպտեմբեր (Թ), էջ 91:

Հովհ. Թումանյանի մասնակցությունը Հայաստանի օգնության կոմիտեի հիմնադիր համագումարին

Ի նիստ

13 սեպտեմբերի 1921 թ.

Երևան

Երեկոյեան ժ[ամը] 6-ին մօտ 40 հրաւիրաձների ներկայութեամբ նիստը բացած յայտարարեց ընկ. Արամ[այիս] Յերզնկեանը¹, որը և նոյն կոմիտեի կազմակերպման նախաձեռնող խմբակի կողմից զեկուցեց հետևեալը.

¹ Վերջինս 1921 թ. մայիսից ՀԱՄԸ հողագործության ժողկոմն էր:

Ընկերներ, հասարակական գործիչների մի խմբակի մէջ միտք յղացաւ օգնութեան հասնել Հայ[աստանի] խորհ[րդային] կառավարութեանը այն բոլոր ձեռնարկներում, որը ուղղած է Հայաստանի ազգաբնակչութեան տնտեսական դրութեան բարելաւման և Հայաստանի վերաշինութեան գործին: Այս նպատակին հասնելու համար անհրաժեշտ համարեց հայ ժողովրդի բոլոր կենսունակ և աշխատանքի տրամադիր ոյժերը՝ հասարակական գործիչներ, գրականագէտներ, գեղարեստագէտներ և այլն, ի մի համախմբել և կազմել մի այնպիսի կոմիտէ, որը վերոյիշեալ նպատակը կարողանար իրագործել՝ ամուր կապ հաստատելով արտասահմանի հայ գաղութների և մայր երկրի միջև: [...]

Ընկ. Յովհ. Թումանեանը, խօսք առնելով, նախ ողջունում է այս կոնֆերանսը, մատնանշում է, որ այժմ ամենակենսական և այրող ընթացիկ հարցը սովամահ լինելիք աշխատաւոր մասսաները ազատելու հարցն է, ուստի և յոյս է յայտնում, որ կոմիտէն առաջին հերթին իր ուշադրութեան առարկայ կը դարձնի սովեալների խնդիրը: Նա յայտնում է, որ իր ունեցած տեղեկութեանց համաձայն՝ Հայաստանը հացի կողմից ապահովւած է միայն մինչև դեկտ[եմբեր] կամ յունւ[ար] ամիսը, թէև կան գաւառներ, ուր մինչև իսկ օգոստ[ոս] ամսին սով էր, օրինակ՝ Ղազախն ու Լոռին: [...]

III նիստ

16 սեպտեմբերի 1921 թ.
Երևան

Նիստը բացեց նախագահ ընկ. Ար. Յերզնկեանը և խնդրեց [ՀՍԽՀ ժողկոմխորհի] նախագահին ներկայացող պատգամաւորութեանը զեկուցել իր միսիայի մասին:

Պատգ[ամաւորութեան]¹ կողմից խօսք առաւ ընկ. Յ. Թումանեան, որ յայտնեց, թէ նախագահ ընկ. [Ա.] Մեասնիկեանը շատ սիրալիր կերպով ընդունել է պատգ[ամաւորութեան]ը և, մի երկու կէտերի նկատմամբ իւր անհատական կարծիքը յայտնելուց յետոյ, խոստացել է իրան ներկայացրած «Հայ[աստանի] օգն[ութեան] կոմիտէի» կանոնադրութիւնը նոյն երեկոյեան և եթէ ներկայացնել Ժողկոմների խորհրդին, որը, յիշաւի, նոյն երեկոյ քննութեան ենթարկելով կանոնադրութիւնը, փոքրիկ փոփոխութիւններով հաստատել է այն²: [...]

IV նիստ

18 սեպտեմբերի 1921 թ
Երևան

Նիստը բացւեց ցերեկ[ւայ] Ժ. 11-ին:

Նախագահ ընկ. Ար. Յերզնկեանը, նիստը բացելով, յայտնում է, որ ներքին կանոնադրութիւնը արդէն պատրաստ է և կարդում է ամբողջովին: Ապա ժողովականների ցանկութեամբ կարդացւում է յօդած առ յօդած: [...]

Կարծիքների փոխանակութիւնից յետոյ ժողովը միախոր[հուրդ] հաւանութեամբ Կենտ[րոնական] վարչութեան նախագահ ընտրեց ընկ. Արամայիս Յերզնկեանին:

¹ ՀՕԿ-ի հիմնադիր համագումարի 1921 թ. սեպտեմբերի 14-ի (թիվ 2) նիստում որոշվել էր Հովի. Թումանյանի նախագահությամբ (անդամներ՝ Լեո, Ալ. Տեր-Վարդունի, Ալ. Պապովյան և Տ. Հովհաննիսյան) պատվիրակություն կազմել՝ կազմակերպության կանոնադրության նախագիծը ՀԱԽՀ ժողկոմխորհի նախագահ Ալեքսանդր Մյասնիկյանին ներկայացնելու համար:

² 1921 թ. սեպտեմբերի 28-ին ՀԱԽՀ ժողկոմխորհը դեկրետ ընդունեց Հայաստանի օգնության կոմիտեի մասին, հաստատվեց նաև վերջինի կանոնադրությունը (ՀԱԽՀ դեկրետների եւ որոշումների հաւաքածո, Երևան, 1921, N 9, էջ 71):

Անդամներ ընտրվեցին՝ Յովհ. Թումանեան, Եր. Թադիա-
նոսեան, Ալ. Պապովեան, Յովհ. Մելիքեան, Գ. Տէր-Օհանեան,
Գ. Վարդանեան, Ս. Կասեան, Ս. Յարութիւնեան և Դր. Տէր-
Սիմոնեան և Կ[ենտրոնական] վարչ[ութեան] նիստերին վճռա-
կան ձայնի իրաւունքով մասնակցելու էր Խորէն [արք]եպիսկո-
պոս Մուրադբէկեանը՝ իբր Պոլսոյ Սովետոց յանձնաժողովի ներ-
կայացուցիչ:

Վերստուգիչ] յանձնաժողովի անդամներ ընտրուեցին՝ Ս.
Կանայեան, Գ. Պիճիկեան, Գ. Եվանգուլեան, Պօղոս Աբելեան, և
նիստը փակեց գերեկւ[այ] Ժ. Յին:

Վ նիստ

20 սեպտեմբերի 1921 թ.

Երևան

Նիստը բացեց ընկ. Ար. Յերզնկեանը երեկ[ոյեան] Ժ. 6 1/2-
ին և յայտնեց, որ օրակարգի խնդիրներն են՝ 1) նախորդ արձա-
նագրութիւնների ընթերցումն ու վաւերացումը, 2) պրեզիդիումի
խմբագրած շրջաբերականի և կոչի ընթերցումն ու հաստա-
տումը: [...]

Այնուհետև ընկ. Յովհ. Թումանեանը կարդում է սկզբում
լրիւ, ապա մաս առ մաս պրեզիդիումի խմբագրած կոչը:

Կոչի շուրջը առաջ եկաւ եռանդուն կարծիքների փոխանա-
կութիւն՝ յատկապէս ոճի և դիմումի ձևի մասին:

Ապա հարց յարուցեց, թէ ովքե՞ր էին ստորագրելու կոչը.
կոմիտէի անդամները՞, թե՞ պրեզիդիումը:

Կարծիքների փոխանակութիւնից յետոյ նախագահը քվար-
կեց հետևեալը. «Ո՞վ է կողմնակից, որ կոչը կոմիտէի կողմից

հրատարակի և կամ ո՞վ, որ պրեզիդիումի կողմից է ցանկանում հրատարակել»:

Կոմիտեի կողմիցը ստացաւ 13 ծայն, իսկ պրեզիդիումինը՝ 11 ծայն: Այսպէս որոշեց կոչը ևս հրատարակել կոմիտեի անունից: [...]

ՀԱԱ, ֆ. 178, ց. 1, գ. 1, թ. 1, 2, 5, 6 և շրջ., 9 և շրջ.: Բնագիր: Ձեռագիր:
«Բանքեր Հայաստանի արխիվների», 2008, N 2, էջ 99-104:

№ 38

Հովհ. Թումանյանի ելույթը Հայաստանի օգնության կոմիտեի Վրաստանի մասնաճյուղի հիմնադիր ժողովում

22 հոկտեմբերի 1921 թ.
Թիֆլիս

Նիստը բաց արեց [ՀՕԿ-ի] Երևանի կենտրոնական կոմիտեի նախագահ Յով. Թումանեանը և զեկուցեց կոմիտեի նպատակների մասին:

Օգնութեան կոմիտեի նպատակն է Հայաստանում սպասուելիք սովի առաջն առնել և առաջ տանել երկրի շինարարական գործը: Այդ նպատակով, բացի Երևանի կենտրոնական կոմիտեից, օժանդակ կոմիտեներ են հիմնում թէ՛ կովկասեան միւս հանրապետութիւնների քաղաքներում՝ Թիֆլիս, Բաքու և այլն և թէ՛ արտասահմանի հայաշատ կենտրոններում, ինչպէս Կ. Պոլիս, Գահիրէ, Փարիզ և այլն:

Դրամական օգնութիւն հասցնելու են հեռաւոր վայրերից, արտասահմանից, որովհետև վալիտային տեսակետից արժէք ունին այնտեղից ուղարկածները, իսկ կովկասեան քաղաքներից նպատակայարմար է համարուել օգնել իրեղէններով՝ շինարա-

րական և կուլտուրական գործին վերաբերող: Ձեկուցողը ցալ
յայտնեց, որ Երևանից դեռ չի ստացված կենտրոնական] կոմի-
տեի կողմից խմբագրված ստատուտը¹, որի մեջ ամօլի ման-
րամասն գրված են կոմիտեի նպատակների և իրաւունքների
մասին: [...]

ՀԱԱ, ֆ. 178, ց. 1, գ. 6, թ. 1: Բնագիր: Ձեռագիր:

№ 39

**Խորհրդային Վրաստանում ՀՍԽՀ լիազոր
ներկայացուցչության դիմումը ՎՍԽՀ արտաքին գործերի
ժողկոմատին՝ ՀՕԿ-ի գործերով Կ. Պոլիս մեկնող Հովհ.
Թումանյանի և Ե. Թադիանոսյանի ուղեբեռը մաքսային
զննման չենթարկելու հարցով**

22 հոկտեմբերի 1921 թ.

N 5925

Թիֆլիս

Վրաստանում ՀՍԽՀ լիազոր ներկայացուցչությունը
խնդրում է թույլտվություն տալ, որպեսզի արտասահման գոր-
ծողման մեկնող ընկերներ Հովհաննես Թումանյանի և
[Երվանդ] Թադիանոսյանի ուղեբեռը մաքսային զննման չեն-
թարկվի:

Վրաստանում ՀՍԽՀ լիազոր ներկայացուցչության քարտուղար
Գործավար

*ՀԱԱ, ֆ. 114, ց. 2, գ. 71, թ. 156: Թողոն: Մեքենագիր: Թարգմանություն
ռուսերենից:*

¹ Կանոնադրությունը:

№ 40

**Խորհրդային Վրաստանի արտաքին գործերի
Ժողկոմատի պատասխան գրությունը ՀՍԽՀ լիազոր
ներկայացուցչությանը՝ Հովհ. Թումանյանի և
Ե. Թադիանոսյանի առաքելության մասին լրացուցիչ
տեղեկություններ հայտնելու խնդրանքով**

9 նոյեմբերի 1921 թ.

N 9803

ԹԻՖԼԻՍ

Արտգործժողկոմատը ներկայացուցչությանդ խնդրում է, ի
հավելումն հոկտեմբերի 22-ի N 5995 գրության, առավել մանրա-
մասն տեղեկություններ հայտնել արտասահման գործուղվող
Հովհաննես Թումանյանի և [Երվանդ] Թադիանոսյանի, ինչպես
նաև նրանց վերապահված հանձնարարության մասին:

Գործերի կառավարիչ (ստորագրություն)

Ընդհանուր բաժնի վարիչ (ստորագրություն)

*ՀԱԱ, ֆ. 114, ց. 2, գ. 71, թ. 176: Բնագիր: Մեքենագիր: Թարգմանություն
նուսերենից:*

№ 41

**Հայրենիքի օգնության մարմնի և Հայաստանի օգնության
կոմիտեի համատեղ կոչը՝ ՀՕՄ-ի մասնաճյուղեր կազմա-
կերպելու և հայրենիքին օժանդակելու մասին**

1 դեկտեմբերի 1921 թ.

Կ. Պոլիս

Մեծայարգ Հայրենակիցներ,

ՀՕՄ-ը, հիմնված 24 հոկտ[եմբեր] 1920 Վ. Պոլիս, կազմված է քաղաքական չորս կուսակցություններու, մամուլի եւ 43 միութիւններու ներկայացուցիչներէն, նպատակ ընտրած է իր նիւթական եւ բարոյական աջակցութիւնը ընծայել Մայր-Հայրենիքին: ՀՕՎ-ը, հիմնված Հայաստանի մէջ, որուն կանդամակցին երկրի եւ Կովկասի հայ բոլոր հոսանքներու ղեկավարները, առաջադրած է կռիւ սովին դէմ եւ օգնել Հայաստանի վերաշինութեան:

Այսպէս ուրեմն՝ ՀՕՄ-ը եւ ՀՕՎ-ը, իրենց հետ ունենալով արեւելահայ եւ արեւմտահայ մտաւորական եւ հասարակական ուժերու ամբողջութիւնը, նոյն սրբազան յառաջադրութիւնը ունին՝ պահպանել հայ ժողովուրդի ֆիզիկական գոյութիւնը և նպաստել Հայաստանի վերաշինութեան աշխատանքին: Մենք համոզուած ենք, որ ծրագիրը, զոր գծած են արեւմտահայերը Պոլսոյ մէջ եւ արեւելահայերը՝ Հայաստանի մէջ, պիտի դառնայ օրակարգը բոլոր հայերուն, ուր որ ալ գտնուած ըլլան անոնք: Ինչքան ալ գաղափարական ըլլայ պայքարը, զոր զանազան կուսակցութիւններ, նոյնիսկ յանուն Հայաստանի բարօրութեան, յանուն հայ ժողովուրդի երջանկութեան, այնքան մոլեգնօրէն կը մղեն իրարու դէմ, պէտք է դադրի այդ պայքարը հոն, ուր մեծ օրակարգը կը սկսի՝ Հայաստան եւ հայ ժողովուրդ: Մենք հոս եւ Հայաստանի մէջ հաստատած ենք ներդաշնակ համագործակցութեան կարելիութիւնը, կարգը արտասահմանինն է:

Հայրենակիցներ՝,

ՀՕՄ-ի և ՀՕՎ-ի անունով կոչ կուղղենք ձեզի, որպէսզի փութաք ՀՕՄ-եր կազմել: Մեր կոչը պարտականութեան հրաւերէն աւելի բանաձեւուած աշխատանքի մը հաղորդագրութիւնն է, որովհետեւ մեզի ծանօթ է այն մաքուր տրամադրութիւնը, որ կայ

արտասահմանի մէջ հայ ժողովուրդին եւ հայ հայրենիքին նկատմամբ:

Հայրենակիցնե՛ր,

Ամէն քաղաք պէտք է իր անկախ ՀՕՄ-ը ունենայ, այս կերպով ստեղծելու համար ազգային պաշտպանութեան հզօր կազմակերպութիւն մը, որուն նշանաբանները, հաւատացած ենք թէ, պարտադիր պիտի ըլլան բոլոր հայերուն համար:

Այս կերպով ՀՕՄ-ը մեծ ընտանիք մը պիտի ըլլայ, որուն ոեւէ մէկ անդամ, ինչ քաղաք ալ փոխադրուած ըլլայ ան, պիտի ունենայ այն բոլոր իրաւունքները, զոր ունին այդ քաղաքի ՀՕՄ-ի անդամները:

Ձեզ կը դրկենք ՀՕԿ-ի ստատուտը եւ ՀՕՄ-ի ծրագիրը, որպէսզի ձեր տեղական պայմաններուն յարմարցնելով, կազմէք ձեր սեփական մարմինները:

Խորին յարգանքներով՝

Դիւան ՀՕՄ-ի կեդր(ոնական) վարչութեան
ապրենադպիր Յովհ. Չալըքեան
ատենապետ տօքթ. Վ. Ալթունեան

Դիւան ՀՕԿ-ի նախագահութեան
անդամ-քարտուղար՝ Ե. Թադիանոսեան
նախագահ՝ Յովհ. Թումանեան

ՀԱԱ, ֆ. 178, ց. 1, գ. 2, թ. 2: Բնագիր: Մեքենագիր:

Մակարյան Լ., Հայաստանի օգնության կոմիտեի գործունեությունը (1921–1937 թթ.), Երևան, 2018, էջ 32:

№ 42

ՀՍԽՀ լուսավորության ժողովրդատի գրությունը Հովհ.

Թումանյանին՝ նրա նամակը ստանալու մասին

6 հունիսի 1922 թ.

N 3239

Երևան

Ձեր գրությունը՝ ուղղած Հայաստանի լուսժողկոմին, գրված մայիսի 17-ին¹, կոմիսարիատս ստացել է և զեկուցվել լուսավորության ժողովրդական կոմիսար ընկ. Պ. Մակինցեանին, որը մակագրել է վրան՝ «կցել գործին»:

Լուսժողկոմի գործերի վարիչ

ՀԱԱ, ֆ. 122, ց. 1, գ. 63, թ. 50: Թողոն: Ձեռագիր:

№ 43

**Քաղվածք Հայաստանի օգնության կոմիտեի առաջին
համագումարի նիստի արձանագրությունից**

20 հուլիսի 1922 թ.

N 1

[Երևան]

Հողային ժողովրդական կոմիսարիատի սրահում բացվեց ՀՕԿ-ի և ճյուղերի 1-ին համագումարը, որին ներկա էին 23 հիմնական անդամներ և 6 պատգամավորներ: Համագումարը բաց է անում ՀՕԿ նախագահ Ա. Երզնկյանը՝ ողջունելով ՀՕԿ-ի նախագահության կողմից առաջին համագումարը: [...]

¹ Հայերենի ուղղագրությունը փոխելու առթիվ ՀՍԽՀ լուսավորության ժողովրդատի Մակինցյանին ուղղված Հովհ. Թումանյանի 1922 թ. մայիսի 17-ի նամակը տե՛ս Թումանյան Հ., ԵԼԺ, հ. 10, Երևան, 1999, էջ 414:

Նախագահը, լրացնելու համար այս զեկուցումը¹, կարդում է Թիֆլիսից ստացված ՀՕԿ նախագահ Հով. Թումանյանից մի նամակ², որով նա հայտնում է իր և [Ե.] Թադխանոսյանի [Կ.] Պոլիս կատարած առաքելության մասին՝ հայտնելով, որ Պոլսում օգնության մարմինը ստեղծված է և փոխադարձ կապ հաստատված Երևանի ՀՕԿ-ի հետ: Նույնպիսի մարմիններ կազմված են և այլ գաղութներում:

Մեծ եռանդով աշխատում է Պոլսի ՀՕԿ-ը, և շատ ջերմ վերաբերմունք է ցույց տալիս օգնության գործին արտասահմանի հայությունը՝ հանդեսա Մայր երկրին:

Նույնպիսի դրական վերաբերմունք ունեն քաղաքական կուսակցություններն էլ: Ռամկավար-ազատական և դաշնակցական կուսակցության ներկայացուցիչների հետ ՀՕԿ-ի պատվիրակությունը մի խորհրդակցության ընթացքում երկու կուսակցություններն էլ որոշեցին շրջաբերականներ ուղարկել իրենց ճյուղերին՝ անվերապահորեն նպաստելու Հայաստանի օգնության գործին:

Վերջում Թումանյանը ավելացնում է, որ [այս] ամենը վստահություն են ներշնչում՝ ասելու, թե Հայաստանի օգնության կոմիտեի գործը, մեր երկրի վերաշինության գործը հաստատուն հիմք ունի մեր գաղթավայրերում և գործը կենդանի տանելու դեպքում արդյունավետ է լինելու բառի ընդարձակ իմաստով:

¹ Խոսքը Կ. Պոլսի ՀՕԿ-ի պատգամավոր Մելքումյանի՝ կազմակերպության գործունեության մասին զեկուցման մասին է:

² Հ. Թումանյանի 1922 թ. հուլիսի 11-ի նամակը տե՛ս Թումանյան Հ., ԵԼԺ, հ. 7, Երևան, 1995, էջ 523-524, հ. 10, Երևան, 1999, էջ 418-420:

Նախագահը, կարդալով այս նամակը, առաջարկում է ողջունել ՀՕԿ-ի նախագահ Հով. Թումանյանին և ցանկանալ նրան առողջություն: Առաջարկությունն ընդունվում է: [...]

ՀԱԱ, ֆ. 178, ց. 1, գ. 33, թ. 36, 37: Վավերացված պարճեն: Մեքենագիր:

№ 44

**Հայաստանի օգնության կոմիտեի որոշումը՝
Հովհ. Թումանյանին դրամական օժանդակություն
ցուցաբերելու մասին**

28 հուլիսի 1922 թ.

N 1

[Երևան]

[...] Նախագահությունը առաջարկություն մտցրեց ծանր հիւանդութեամբ տառապող և այժմ ապաքինման շրջանում գտնուող Յովհաննէս Թումանեանին՝ իբրև ՀՕԿ-ի նախկին նախագահի, օգնութեան գալ՝ տրամադրելով նրան մի գումար 1000-1500 ռ.: Կոմիտէն, ի նկատի ունենալով, որ ներկայումս իր տրամադրութեան տակ ոչ մի գումար չունի, որոշեց յիշեալ նպատակին յատկացնել միմիայն 300 ռուբլի ոսկով, որպիսի գումարը վերցնել փոխարինաբար: [...]

Նախագահ՝ Ա. Յերզնկեան
Անդամ-քարտուղար՝ Կ. Գիւլնազարեան

ՀԱԱ, ֆ. 178, ց. 1, գ. 35, թ. 2: Բնագիր: Ձեռագիր:

**Հովհ. Թումանյանի որդու՝ Համիկի դիմումը ՀՍԽՀ լուս-
ժողովում Ասքանազ Մռավյանին՝ ընտանիքին օժանդակելու
և հոր ձեռագրերն անխաթար պահպանելու խնդրանքով**

28 մարտի 1923 թ.

Բեռլին

Տարաբախտ հորս մահը Մոսկայում ս. թ. մարտի 23-ին էն-
քան անսպասելի էր և տարածամ, որ ես չհասայ նրան՝ գէթ մա-
հից առաջ մի երկու խօսք ասելու և լսելու: Այժմ Բեռլին եմ և
կշռելով հանգամանքները, որոնք շատ են ծանր և պատասխա-
նատու հանդէպ իմ ընտանիքի, ես ստիպւած եմ վերադառնալ
Փարիզ՝ աւարտելու Սորբոնը, որ դեռ մի տարի ունեմ: Էդ է եղած
և հորս վերջին ցանկութիւններից մէկը. դժուար է շեղել սիրելի
հայրիկիս պատերից, սակայն եթէ սովետ[ական] իշխանութիւնը
ինձ կպահանջի ներկայանալ՝ ես անմիջապէս կդառնամ Թիֆ-
լիս, Երևան, մանաւանդ որ երբէք քաղաքականութեամբ չեմ
գրադել, ո՛չ մի կուսակցութեան չեմ պատկանած և, փառք
Աստուծոյ, Թիֆլիսից մեկնել եմ սովետ[ական] իշխանութեան]
գիտութեամբ և թոյլտութեամբ¹:

Սիրելի ընկ. [Ա.] Մռաւեան, ես գիտեմ էն բուռն յարգանքն ու
սէրը, որ տածում էր սով[ետական] իշխանութիւն]ը դէպի յան-
գուցեալ հայրիկս և էդ պատճառով վստահ եմ, որ աչքաթող չէք

¹ Համիկ Թումանյանը 1920 թ. հանդիսացել է ՀՀ կառավարության դիվանապետը: Նույն պաշտոնն է վարել նաև Հայաստանի խորհրդայնացմանը հաջորդող շաբաթ-
ներին և Հայրենիքի փրկության կոմիտեի ղեկավարման շրջանում: 1921 թ.
փետրվարյան հակախորհրդային ապստամբության պարտությունից հետո տա-
րագրվել է Պարսկաստան, ապա՝ վերադարձել Թիֆլիս: 1921 թ. հոկտեմբերին
ուսումնառության նպատակով մեկնել է Վենետիկ, այնուհետև՝ Փարիզ: Հետագա-
յում վերադարձել է խորհրդային Միություն: Բռնադատվել է:

անի մեծ բանաստեղծի անօգնական ընտանիքը վշտի էս դժբախտ օրերին: Բացի էդ, խնդրում եմ Ձեզ, յանուն հայ գրականության և պատմության, կարգադրեք, որ ո՛չ ոք իրեն իրաւունք չհամարի խառնել և քրքրել հօրս ձեռագրերն ու թղթերը: Ես գտնում եմ յարմար, որ լաւ կլինէր կնքիկն նրա գրասեղանն ու բիւրօ-պահարանը՝ մինչև նոր կարգադրութիւն, կամ իմ վերադարձը: Լինելով գրականության ուսանող՝ ես մօտ եմ կանգնած հօրս գործերին (բայց ո՛չ տաղանդին) և կարող եմ մեծ խնամքով ու զգուշութեամբ կարգի բերել բոլոր գործերն ու թղթերը:

Եղբայրս՝ Արեգը, Էդտեղ է, նա երևի ձեզ հետ կտեսնւի և կանէք յարմարագոյնը՝ ձեռագիրներն ու գործերը անվնաս և խնամքով պահելու համար:

Հաճեցէք, սիրելի ընկեր, երկտողով պատասխանել իմ էս գրութեանն ու նախկին խնդրիս Բեռլին՝ ընկ. Սիմ. Փիրումեանի միջոցով:

Իմ հասցէս. H. Toumanean, 3, Rue Casimir Delavigne Paris, 6 (France).

Սրտագին բարևներով՝ Ձեր վշտահար Հ[ամիկ] Թումանեան

ՀԱԱ, ֆ. 122, ց. 3 (2ա), գ. 1, թ. 30ա և շրջ.: Բնագիր: Ինքնագիր:

«Էջմիածին», 2009, սեպտեմբեր (Թ), էջ 91:

№ 46

**Հովհ. Թումանյանի որդու՝ Համիկի դիմումը
Բեռլինում Անդրկովկասյան Դաշնության տնտեսական
ներկայացուցիչ Սիմոնիկ Փիրումյանին՝ իր ուսման
ծախսերը հոգալու խնդրանքով**

29 մարտի 1923 թ.

Բեռլին

Հօրս՝ բանաստեղծ Յովի. Թումանյանի տարաբախտ մահից յետոյ մնում է մի մեծ ընտանիք, որը ո՛չ մի գումարի հասոյթ չունի: Ես շատ լաւ գիտեմ մեր սովետական իշխանութեան միանգամայն ազնիւ վերաբերմունքն ու յարգանքը դէպի իմ յանգուցեալ հայրը, էդ պատճառով էլ համոզւած եմ, որ Հայաստանի իշխանութիւնը աչքաթող չի անի իօրս որբացած ընտանիքը:

Միւս կողմից ես եմ էն աւագ որդին, որ կարիք ունեմ օր առաջ աւարտելու կիսատ ուսումն և վերադառնալով՝ հայրիկիս օջախը կանգուն պահելու և ուժերս իմ ժողովրդին տրամադրելու համար: Յայտարարելով ինձ Հայաստանի սովետական իշխանութեան լիակատար տրամադրութեան տակ և նոյնիսկ Ձեր, պատրաստ լինելով մեկնելու Հայաստան համաձայն Ձեր առաջին հրահանգի՝ ես խնդրում եմ, յարգելի ընկեր, հայթայթել ինձ համար որևէ օժանդակութիւն, թէկուզ և պետական նպաստ՝ հնարաւորութիւն տալով ինձ 2 սեմեստր անցնելու Սորբոնում և աւարտական քննութիւն տալու եկող փետրուարին կամ, թերևս, սոյն նոյեմբերին: Խոստանում եմ աւարտելուց անմիջապէս մեկնել Փարիզից Հայաստան՝ իմ համախոհ մի քանի ընկերների հետ միասին:

Անցեալ տարին տաժանելի պայմաններում անց կացրի. հայրս տառապում էր անկողնում և ես Փարիզում միանգամայն զուրկ էի՝ որևէ օժանդակութիւնից:

Այժմ, աւելի քան երբեք, իմ միակ յոյսն ու աղբիւրը, որին կարող եմ դիմել և արդիւնքի սպասել, դա մեր ներկայ իշխանութիւնն է, որի օժանդակութիւնն եմ խնդրում՝ մի տարով ինձ ապահովել Փարիզում ուսումն աւարտելու համար: Մասնագիտութիւնս է գրականութիւն-լիլիսոփայութիւն:

Հաճեցեք, յարգելի ընկեր, Ձեր արած կարգադրութեան և դիմումի մասին իրազեկ անել ինձ:

Հասցէս: H. Toumanean, 3, Rue Casimir Delavigne Paris, 6 (Frankreich).

Սորբոնի գրական բաժնի ուսանող՝ Համլիկ Թումանեան

ՀԱԱ, ֆ. 122, ց. 3 (2ա), գ. 1, թ. 30 և շրջ.: Բնագիր: Ինքնագիր:

«Էջմիածին», 2009, սեպտեմբեր (Թ), էջ 92:

№ 47

ՀՍԽՀ լուսժողկոմ Ասքանազ Մռավյանի «գաղտնի»
նշագրումով երկտողը ՀԿ(Բ)Կ կենտկոմի քարտուղար
Աշոտ Հովհաննիսյանին՝ Հովհ. Թումանյանի որդի
Համլիկի խնդրանքի մասին

[1923 թ. մայիս
երևան]

Աշոտ,

Ուզում եմ հեռագրել Սիմոնիկին¹, որ Համլիկի² խնդիրը հարգել չենք կարող, իսկ ընտանիքի ապահովության հարցը կլուծենք դրականորեն: Հայտնի լարձիքդ³:

Ասքանազ [Մռավյան]

Մակագրություն. «Համաձայն եմ: Աշոտ Հովհաննիսյան»:

ՀԱԱ, ֆ. 122, ց. 3 (2ա), գ. 1, թ. 28: Բնագիր: Ինքնագիր:

¹ Սիմոնիկ Փիրումյանը:

² Համլիկ Թումանյանը:

³ 1923 թ. ապրիլի 3-ին Ա. Մռավյանին գրած նամակում Ա. Փիրումյանն առաջարկել էր ընդառաջել Համլիկ Թումանյանի խնդրանքներին և ամսական 30-40 ռուբլի հատկացնել: Համլիկին կրթաթոշակ տրամադրելը, Ա. Մռավյանի խոսքերով, մերժվել է «քաղաքական նկատառումներով» (ՀԱԱ, ֆ. 122, ց. 3 (2ա), գ. 1, թ. 28-29):

Հովհ. Թումանյանի այրու՝ Օլգայի դիմումը ՀՍԽՀ լուսժողկոմ Ա. Մռավյանին՝ ամուսնու երկերի հրատարակության հոնորարն ընտանիքի անդամներին փոխանցելու հարցով

19 ապրիլի 1925 թ.

ԹԻՖԼԻՍ

Հայաստանի լուսժողկոմատը 1924 թվին հրատարակել է Հովհ. Թումանյանի «Գիքոր» պատմվածքը¹, այժմ էլ, ինչպես լսում ենք, լուսժողկոմատը որոշում է կայացրել հրատարակել Հովհ. Թումանյանի մանկական գրվածքների ամբողջ սերիան և մանուկ տակ են էդ սերիայից «Գելը»² և «Տերն ու ծառան»³:

Թողնելով մի կողմ են հանգամանքը, որ Հովհ. Թումանյանի երկերը, համաձայն օրենքի, արդեն մեծ ծավալով օգտագործվում են դասագրքերում և նրա ընտանիքը վաղուց չի օգտվում նրա կազմած դասագրքերից, լուսժողկոմատը իր վերջին կայացրած որոշումով, այն է՝ հրատարակել նրա մանկական գրվածքները առանց հեղինակի ժառանգների գիտության, խախտում է հեղինակի իրավունքի դեկրետը:

Սրանով դիմում եմ լուսժողկոմատին, որ Հովհ. Թումանյանի երկերի հրատարակության ժամանակ լուսժողկոմատը անտես չանի հեղինակի ժառանգներին և առհասարակ մեկընդմիջտ պարզ ու որոշ լինի մեր փոխհարաբերությունները էդ խնդիրներում, քանի որ նրա ընտանիքի համար էդ խնդիրները երկրորդական նշանակություն ունեցող խնդիրներից չեն:

¹ Տե՛ս Թումանյան Հ., Գիքորը, Երևան, Պետհրատ, 1924, 32 էջ:

² Տե՛ս Թումանյան Հ., Գելը, Երևան, Պետհրատ, 1925, 36 էջ:

³ Տե՛ս Թումանյան Հ., Տերն ու ծառան, Երևան, Պետհրատ, 1925, 8 էջ:

Հարգանքներով՝ Օլգա Թումանյան

Մակագրություն. «...¹ և խնդրել Հովհ. Թումանյանի գրվածքների հրատարակության համար ընդունած որոշման քաղվածքը և տալ տեղեկանք՝ ինչքան գումար է տրված նրա ընտանիքին: 6/5, Ա. Մոսկյան»:

ՀԱԱ, ֆ. 122, ց. 1, գ. 189, թ. 4 և շրջ.: Բնագիր: Ինքնագիր:

№ 49

**Հովհ. Թումանյանի ծննդյան 60-ամյա տարեդարձը
կատարող հանձնաժողովի նիստի արձանագրությունը**

14 հունվարի 1929 թ.

N 1

[Երևան]

Ներկա էին՝ [Ա.] Մոսկյան, Սերիկ ([Դավթյան]), [Շ.] Գարագաշ, [Ս.] Կանայան, [Ռ.] Դաշտոյան, [Լ.] Օհանյան, Մ. Գևորգյան և [Վ.] Ռևազով:

Նախագահ՝ Մոսկյան, քարտուղար՝ Ռևազով

ԼՍԵՑԻՆ – 1. Հովհաննես Թումանյանի ծննդյան 60-ամյա տարեդարձը կատարելու մասին (զեկ.¹ ընկ. [Ա.] Մոսկյան):

ՈՐՈՇԵՑԻՆ – 1. Առաջարկել ընկ. Սերիկին պիոներ կազմակերպության և կոմսոմոլի հետ միասին մշակել դպրոցներում կազմակերպվելիք հանդեսների ծրագիրը և այդպիսին ներկայացնել հանձնաժողովին՝ ի քննություն:

¹ Փաստաթուղթը վնասված լինելու պատճառով մակագրության առաջին բառերը չեն ընթերցվում:

2. Հանձնարարել Պետհրատին մինչև փետրվարի 10-ը հրատարակել Հ. Թումանյանի մանկական գրվածքներից 3 անուն՝ նախօրոք համաձայնեցնելով ընկ. Սերիկի հետ:

3. Առաջարկել Հանրային գրադարանի և Պետ[ական] թանգարանի վարչություններին Հ. Թումանյանի 60-ամյակի առթիվ հատուկ ցուցահանդես կազմակերպել:

4. Առաջարկել Քաղլուսգլխավարչության նախ[ագահ] ընկ. [Պ.] Ֆոլյանին, ՀԱՄԽ-ի կուլտբաժնավար ընկ. [Շ.] Գարագաշին և «Կորչի անգրագիտությունը» [ընկերության] խորհրդի նախագահ ընկ. [Ռ.] Դաշտոյանին՝ հոբելյանական մասսայական հանդեսների պլան մշակել և ներկայացնել հանձնաժողովին:

5. Առաջարկել Գիտ[ության] և արվեստի ինստիտուտին՝ Հ. Թումանյանի հիշատակին նվիրված հատուկ հանդիսավոր նիստ կազմակերպել դասախոսությամբ:

6. Դիմել Պրոլետ[արական] գրողների և աշխատավոր[ական] գրողների միությանը՝ հայտնելու, [թե] ինչ են մտադիր անելու:

7. Առաջարկել Պետհրատին՝ 2 օրվա ընթացքում հայտնել հանձնաժողովի նախագահին Հ. Թումանյանի ընտիր գրվածքների հրատարակության մասին:

8. Առաջարկել Արիլուսգլխավարչությանը՝ իր գծով կազմակերպվելիք հանդեսների ծրագիր մշակել և ներկայացնել հանձնաժողովին:

9. Խնդրել Երևանի բոլոր թերթերի և ամսագրերի խմբագրություններին՝ նախապատրաստական աշխատանքներ տանել:

¹ Լուսժողկոմատի արհեստագիտական լուսավորության գլխավոր վարչություն:

10. Պահանջված բոլոր առաջարկները գրավոր կերպով բերել հանձնաժողովի հետևյալ նիստին, որը հրավիրել շաբաթ՝ հունվարի 19-ին, առավոտյան ժամը 10-ին:

Նախագահ՝ Ա. Մռավյան

Քարտուղար՝ Վ. Ռևազով

Իսկականի հետ ճիշտ է՝ ԼԺԿ-ի գործավար Եր. Խոջայան

ՀԱԱ, ֆ. 1, ց. 9, գ. 189, թ. 2: Վավերացված պատճեն: Մեքենագիր:

ՀԱԱ, ֆ. 122, ց. 1, գ. 217, թ. 9: Վավերացված պատճեն: Մեքենագիր:

№ 50

Հովհ. Թումանյանի ծննդյան 60-ամյակը տոնող հանձնաժողովի հերթական նիստին մասնակցելու հրավեր

[18 հունվարի 1929 թ.¹

Երևան]

Վաղը՝ հունվարի 19-ին, առավոտյան ժամը 10-ին լուսժողկոմ ընկ. [Ա.] Մռավյանի առանձնասենյակում հրավիրվում է Հովհաննես Թումանյանի 60-ամյա տարեդարձը կատարող հանձնաժողովի նիստ՝ համաձայն այդ հանձնաժողովի որոշման (14/1, արձանագրություն N 1):

Հրավիրվում են՝ 1. [Ա.] Մռավյան, 2. Սերիկ, 3. [Պ.] Ֆոյյան, 4. [Գ.] Ստեփանյան (լուսաշխ), 5. [Լ.] Վարդունի, 6. Արտո Եղիազարյան, 7. Հայկուշ Թումանյան, 8. [Ռ.] Դաշտոյան, 9. [Ն.] Մակինց, 10. ՀԿ[(բ)]Կ ԿԿ ագիտբաժնի ներկայացուցիչ, 11. ՀԱՄԽ-ից՝ [Ծ.] Գարագաշ, 12. ԼԿԵՄ կենտկոմ, 13. Գեղաշխի ներկայացուցիչ, 14. [Ս.] Կանայան, 15. Պրոլետ[արական] գրող-

¹ Թվագրվում է համաձայն բովանդակության:

ների միություն¹, 16. Աշխատավորական գրողների միություն², 17. Հանրային գրադարան՝ Մամիկոն Գևորգյան, 18. Պետական թանգարանի վարչություն³:

ԼԺԿ-ի ընդհանուր բաժնի վարիչ՝ Վ. Ռևազով

ՀԱԱ, ֆ. 122, ց. 1, գ. 217, թ. 8: *Քննագիր: Մեքենագիր:*

№ 51

Հովհ. Թումանյանի ծննդյան 60-ամյա տարեդարձը կատարող հանձնաժողովի նիստի արձանագրությունը

[19 հունվարի 1929 թ.⁴

№ 2

Երևան]

Ներկա էին՝ [Ա.] Մուսյան, Սերիկ, [Վ.] Ալազան, [Դ.] Դեմիրճյան, Հ. Թումանյան, Հ. Պետրոսյան, Ս. Կանայան, Մ. Գևորգյան, Ա. Թումանյան:

Նախագահ՝ Մուսյան, քարտուղար՝ Ռևազով

ԼՍԵՑԻՆ – 1. Հովհաննես Թումանյանի ծննդյան 60-ամյա տարեդարձը կատարելու մասին:

ՈՐՈՇԵՑԻՆ – 1. Հանրային գրադարանի և թանգարանի վարչության հայտարարությունը, որ Հ. Թումանյանի հիշատակին նվիրված կազմակերպվելու է մանուկ ընթերցողների զրույցի երեկո, առնել ի գիտություն:

2. Հանձնարարել Հանրային գրադարանի և թանգարանի վարչությանը Հ. Թումանյանի հիշատակին նվիրված ցուցահան-

¹ Ներկայացուցիչը Վահրամ Ալազանն էր:

² Ներկայացուցիչը Դերենիկ Դեմիրճյանն էր:

³ Ներկայացուցիչը Երվանդ Շահազիզն էր:

⁴ Թվագրվում է՝ համաձայն նախորդ փաստաթղթի:

դեսի էկսպոնատների՝ բացատրություն տալու համար նշանակել հատուկ անձնավորություններ: Միաժամանակ հանձնարարել թանգարանի վարչությանը՝ միջոցներ ձեռք առնել հավաքելու թանգարանում Հովհաննես Թումանյանի գրվածքները՝ թե՛ ձեռագրերը և թե՛ տպագրվածները:

3. Հանձնարարել ընկ. Ա. Թումանյանին ցուցահանդեսի համար հավաքել Հով. Թումանյանի գրական-հասարակական կյանքին վերաբերող նյութերը:

4. Առնել ի գիտություն Պրոլետ[արական] և Աշխ[ատավորական] գրողների հայտարարությունը, որ Հով. Թումանյանի հիշատակին նվիրված գրական-գեղարվեստական երեկո են կազմակերպելու:

5. Հանձնարարել ընկ. Մռավյանին՝ տարեդարձը անցկացնելու համար պահանջված դրամական միջոցներ գտնել:

6. Գտնել անհրաժեշտ ռադիոյի գծով կազմակերպելու հատուկ երեկո՝ [նվիրված] Հովհաննես Թումանյանի հիշատակին:

7. Պետ[ական] կոնսերվատորիայի վարչության հետ պարզել «Անուշ»-ի բեմադրության հարցը և հատուկ երեկո կազմակերպել՝ նվիրված Հով. Թումանյանի հիշատակին:

8. Քաղլուսգլխավարից² և Պիոներական կենտ[րոնական] բյուրոյից պահանջել շտապ ներկայացնել իրենց գրավոր ծրագիրը:

9. Հանձնարարել Պետհրատին հանձնարարված բոլոր գրքերի և նկարների հրատարակությունը շտապ վերջացնել:

10. Փետրվարի 19-ից մինչև 26-ը համարել հատուկ շաբաթ՝ [նվիրված] Հ. Թումանյանի հիշատակին:

¹ Յուցանմուշների:

² Լուսժողկոմատի քաղաքական լուսավորության գլխավոր վարչություն:

11. Հով. Թումանյանի կյանքի և ստեղծագործման¹ մասին կազմել թեզեր և ուղարկել բոլոր լուսհիմնարկներին:

12. Խնդրել ՀԱՄԽ-ին բանակումքներում կազմակերպել հատուկ երեկոներ՝ [նվիրված] Հով. Թումանյանի հիշատակին:

13. Գրել Հայկական դիվիզիայի քաղբաժնին՝ Հովհ. Թումանյանի շաբաթի մասին և խնդրել ծրագիրը:

Նախագահ՝ Ա. Մոավյան

Քարտուղար՝ Վ. Ռևազով

ՀԱԱ, ֆ. 122, ց. 1, գ. 217, թ. 5 և շրջ.: Բնագիր: Մեքենագիր:

№ 52

Լուսավորության ժողկոմատի սոցիալական դաստիարակության գլխավոր վարչության շրջաբերականը գավառային լուսբաժիններին՝ Հովհ. Թումանյանի ծննդյան 60-ամյակը տոնելու մասին²

5 փետրվարի 1929 թ.

N 2763-4

Երևան

Սույն թվի փետրվարի 20-ին (ն. տ.)³ լրանում է ժողովրդական մանկական գրող Հովհաննես Թումանյանի ծննդյան 60-ամյակը:

¹ Այդպես է փաստաթղթում: Այն է՝ ստեղծագործության:

² ՀԱՄԽ լուսժողկոմատին կից Հ. Թումանյանի ծննդյան 60-ամյա տարեդարձը կատարող հանձնաժողովին ուղարկված տարբերակն է:

³ Տոմարական սխալ հաշվարկների պատճառով Հովհ. Թումանյանի ծննդյան 50 և 60-ամյակները նոր տոմարով նշվել է փետրվարի 20-ին: Այս խնդրին նվիրված մեր ուսումնասիրությունը հրատարակման ընթացքում է (ՊԲՀ, 2019, թիվ 2):

Սոցդասգլխավարչությունն անհրաժեշտ է գտնում նշել [Հ.] Թումանյանի ծննդյան 60-ամյակը բոլոր տիպի դպրոցներում՝ տալով այդ հանդեսներին լայն հասարակական նշանակություն:

Ա աստիճանի դպրոցներում (վերջին խմբերում) հանդեսին կարելի է տալ ընդհանուր բնույթ՝ մատչելի բանախոսությամբ, արտասանություններով ու բեմադրությամբ՝ Հ. Թումանյանի երկերից: Բարձր տիպի դպրոցներում, բացի այդ, անհրաժեշտ է կանգ առնել Թումանյանի ժամանակաշրջանի և նրա երկերի բնորոշման վրա, կազմակերպել գրական բնույթ կրող հավաքություններ, աշակերտական ռեֆերատներ և այլն՝ իհարկե, այս բոլորը լեզվի ու գրականության դասատուների անմիջական ղեկավարությամբ:

Հ. Թումանյանի 60-ամյակի առթիվ կատարած հատուկ ձեռնարկությունների մասին (հանդեսներ՝ հատուկ ծրագրով, գրադարան-ընթերցարանի հիմնադրում և այլն) խնդրում ենք տեղեկացնել սոցդասգլխավարչությանս:

Սոցդասգլխավարչության պետ՝ Ս. Դավթյան
Քարտուղար՝ Հ. Գորգյան

ՀԱԱ, ֆ. 122, ց. 1, գ. 217, թ. 12: Բնագիր: Մեքենագիր:

№ 53

**Հովհ. Թումանյանի ծննդյան 60-ամյա տարեդարձը
կատարող հանձնաժողովի նիստի արձանագրությունը**

[18 փետրվարի 1929 թ.¹]

N 3

[Երևան]

¹ Թվագրվում է համաձայն բովանդակության և ՀԱԱ, ֆ. 122, ց. 1, գ. 217, թ. 10-ի:

Ներկա էին՝ ընկ. ընկ. [Ա.] Մռավյան, Սերիկ [Դավթյան], [Վ.] Ալազան, [Դ.] Դեմիրճյան, Ս. Կանայան, Լևոն Օհանյան, Մ. Գևորգյան, Ալ. Բարխուդարյան:

Նախագահ՝ Մռավյան, քարտուղար՝ Ռևազով

ԼՍԵՑԻՆ – 1. Կազմակերպությունների կողմից անելիքների մասին ինֆորմացիաներ:

ՈՐՈՇԵՑԻՆ. – 1ա. Պրոլետ[արական] և աշխատավորական գրողների միությունը կազմակերպում են գրական-գեղարվեստական երեկո:

բ. Ընկ. Սերիկը հայտնում է, որ հրահանգված է սոց-դասգլխավարչության գծով բոլոր բարձր տիպի դպրոցներին կազմակերպել երեկոներ՝ նվիրված Հովհաննես Թումանյանի հիշատակին:

գ. Պետհրատի գծով հրատարակված է Հովհաննես Թումանյանի մանկական 3 անուն և ընկ. Սիմակի բրոշյուրը, այլև տպվում է երկերի ժողովածու:

դ. Առաջարկել Հայգրքին՝ Հովհաննես Թումանյանի երկերի 1926 թ. հրատարակությունը վաճառել 50 % զեղչով:

ե. Առաջարկել Հայգրքին՝ վաճառքի հանել Հովհաննես Թումանյանի նկարները:

զ. Գտնել անհրաժեշտ ամսիս 24-ի երեկոյան կազմակերպել հատուկ երեկո՝ երաժշտական բաժնով, դնել ընկ. [Պ.] Մակինցյանի զեկուցումը և գրական-գեղարվեստական կազմակերպությունների ողջույնի խոսքեր: Երեկոյի պատասխանատու կարգադրիչ նշանակել ընկ. Ալեքսանդր Բարխուդարյանին:

է. Լսվեց ընկ. [Ս.] Կանայանի հայտարարությունը, որ Գիտ[ության] և արվեստի ինստիտուտը կազմակերպելու է Հով-

հաննես Թումանյանի հիշատակին նվիրված նիստ մարտի սկզբին (ուշացվում է զեկուցողների բացակայության պատճառով):

ը. Հանրային գրադարանի և Պետ[ական] թանգարանի կողմից կազմակերպվելիք ցուցահանդեսը բացել փետրվարի 20-ից մինչև մարտի 3-ը ներառյալ: Առնել ի գիտություն Հանրային գրադարանի վարիչ ընկ. Մ. Գևորգյանի հայտարարությունը, որ փետրվարի 20-ին, ցերեկվա ժամը 12-ին մանկական ընթերցարանում կայանալու է ընկ. Սիմակի գրույցը Հովհաննես Թումանյանի մասին:

թ. Լսվեց տեղեկություն, որ կոնսերվատորիան կազմակերպում է հատուկ երաժշտական երեկո՝ նվիրված Հովհաննես Թումանյանի հիշատակին:

ժ. Առնել ի գիտություն «Կորչի անգրագիտությունը» ընկերության հայտարարությունը, որ կազմակերպում է Հ. Թումանյանի հիշատակին նվիրված երեկոներ Երևանում և Լենինականում:

Ժա. Համալսարանից իմանալ՝ ինչ են արել իրենց գծով:

Նախագահ՝ Ա. Մոսվյան
Քարտուղար՝ Վ. Ռևազով

ՀԱԱ, ֆ. 122, ց. 1, գ. 217, թ. 3: Բնագիր: Մեքենագիր:

ՀԱԱ, ֆ. 133, ց. 1, գ. 1484, թ. 4: Վավերացված պատճեն: Մեքենագիր:

№ 54

**Երևանի լուսավորության բաժնի «շտապ» նշագրումով
շրջաբերականը քաղաքի դպրոցներին՝ Հովհ.
Թումանյանին նվիրված տոնակատարություններ
անցկացնելու մասին**

Սույն թվի փետրվարի 20-ին լրանում է Ժողովրդական մանկական գրող Հովհաննես Թումանյանի ծննդյան 60-ամյակը:

Լուսբաժինս անհրաժեշտ է գտնում նշել Թումանյանի ծննդյան 60-ամյակը բոլոր տիպի դպրոցներում՝ տալով այդ հանդեսներին լայն հասարակական նշանակություն: Ա աստիճանի դպրոցներում (վերջին խմբերում) հանդեսին կարելի է տալ ընդհանուր բնույթ՝ մատչելի բանախոսությամբ, արտասանություններով ու բեմադրությամբ Հ. Թումանյանի երկերից, բարձր տիպի դպրոցներում: Բացի այդ՝ անհրաժեշտ է կանգ առնել Թումանյանի ժամանակաշրջանի և նրա երկերի բնորոշման վրա՝ կազմակերպելով գրական բնույթ կրող հավաքույթներ, աշակերտական ռեֆերատներ և այլն: Ի հարկե, այս բոլորը լեզվի և գրականության դասատուների անմիջական ղեկավարությամբ: Հ. Թումանյանի 60-ամյակի առթիվ կառարած հատուկ ձեռնարկությունների առթիվ, այն է՝ հանդեսներ հատուկ ծրագրով, գրադարան, ընթերցարանի հիմնադրում և այլն, անհրաժեշտ է նախօրոք համաձայնեցնել սոցդասգլխավարչության հետ:

Լուսբաժնի վարիչ՝ Լ. Վարդունի

Քարտուղար՝ Խ. Կոստանդյան

ՀԱԱ, ֆ. 133, ց. 1, գ. 1484, թ. 2: Բնագիր: Մեքենագիր:

**ՀԱՒՈՐԴԱԿԱՆ ԵՐԼԱՆԻ ԼՈՍԲԱԺՆԻՆ՝ ՀՈՎԻ. ԹՈՒՄԱՆՅԱՆԻ 60-ԱՄՅԱԿԻ ԱՌ-
ԹԻՎ ԶԱՂԼՈՍՏԵՍՈՒՆԵՐԻ ԱՆԵԼԻՔՆԵՐԻ ՄԱՍԻՆ**

20 փետրվարի 1929 թ.

N 3017-5

Երևան

Փետրվարի ընթացքում մենք տոնելու ենք [Հ.] Թումանյանի ծննդյան 60-ամյակը: Թումանյանը մեր հին գրականության մեջ ամենախոշոր բանաստեղծն է: Նրա տարբերությունը [Հ.] Պարոնյանից և հայկական նացիոնալիզմի մյուս երգիչներից այն է, որ նա խոշոր չափով իր գրիչն ուղղում է գյուղական ցեղերի դեմ: “Մերկե, այդ չի նշանակում, որ նա ազգայնական չի. Թումանյանը միաժամանակ նացիոնալիստ է: Թումանյանը մեզ համար ընդունելի է այնքանով, որքան որ նա քննադատում է տիրող դասակարգերը: Սակայն Թումանյանի իդեոլոգիան ռեակցիոն է և ուտոպիստական: Այդ բնույթով պիտի մոտենալ Թումանյանին և զեկուցումներ կազմակերպել:

1. Երևանում Կուլտուրայի տանը ունենալ մեկ դասախոսություն՝ Հովհաննես Թումանյանի ստեղծագործությունների մասին:

2. Խնդրել Պետ[ական] կոնսերվատորիային՝ նույն օրը կազմակերպել Թումանյանի երեկո:

3. Կուսակցական դպրոցներում, բարձր տիպի դպրոցներում և բանվորական համալսարանում ունենալ զեկուցումներ և պարզաբանել Թումանյանի ստեղծագործությունների սոցիալական արժեքը:

4. Գավառական քաղաքների ակումբներում կազմակերպել զեկուցումներ Հովհաննես Թումանյանի մասին:

5. Շրջկենտրոնների խրճիթ-ընթերցարաններում ուսուցչության հետ միասին կազմակերպել գրական երեկոներ: Ունենալ ներածական գրույցներ, կարդալ նրա փոքրիկ պատմվածքները՝ «Գիքորը»:

6. Գրադարաններում կազմակերպել Թումանյանի ստեղծագործությունների ցուցահանդես:

7. Ռադիոյում կազմակերպել Թումանյանի ստեղծագործությունների երեկո:

Աղբյուրներ. Ալ. Մյասնիկյանի գիրքը՝ «Թումանյանի սպեղծագործությունների սոցիալական արժեքը»¹,

«Խորհրդային» Հայաստան» թերթը²,

«Նոր ուղի» ժուրնալը³:

Քաղլուսագլխավարի նախագահ՝ Ռ. Հարությունյան
Քարտուղար՝ Գ. Հարությունյան

ՀԱԱ, ֆ. 133, ց. 1, գ. 1484, թ. 5: Բնագիր: Մեքենագիր:

№ 56

Հայգլավիտի «խիստ գաղտնի» շրջաբերականը «բոլոր գավռեպլարներին», պատճենը՝ ՀԿ(Բ)Կ կենտկոմի ազիտացիոն-պրոպագանդիստական բաժնին և Պետքաղ-

¹ Մարտունի Ալ., Հովհաննես Թումանյանի ստեղծագործության սոցիալական արժեքը, Թիֆլիս, 1923, 40 էջ:

² «Խորհրդային Հայաստան»-ի այդ օրվա համարում լույս էին տեսել Պողոս Մակինցյանի «Հովհաննես Թումանյան», Վահան Երեմյանի «Հովհաննես Թումանյանի ծննդյան 60-ամյակի աղթիվ (ակնարկներ)», իսկ հաջորդ համարում՝ Գուրգեն Վանանդեցու «Հ. Թումանյանի պոեզիայի արժեքը» հոդվածները: Հայգլավիտը դրանք անընդունելի համարեց:

³ Ամսագրի 1929 թ. փետրվար-մարտի համարում հրատարակված Պ. Մակինցյանի «Հովհաննես Թումանյան» ուսումնասիրությունում վերլուծվում էր բանաստեղծի գրական և հանրային գործունեությունը («Նոր ուղի», Երևան, 1929, N 2-3, էջ 184-206):

**վարչության ինֆորմացիոն բաժնին՝ Հովհ. Թումանյանի
60-ամյակի տոնակատարությունների վերաբերյալ**

[22/23 փետրվարի 1929 թ.]¹

N 20

Երևան

Գրառեպոլիսվարը հայտնում է.

Բանաստեղծ Հովհ. Թումանյանի ծննդյան 60-ամյակի առթիվ կենտրոնում և գավառներում կազմակերպվող զեկույցների համար արգելվում է օգտագործել «Խորհրդային Հայաստան» օրաթերթի N 42-ում² լույս տեսած «Հովհաննես Թումանյանի ծննդյան 60-ամյակի առթիվ» վերնագիր և Վ. Մահիկյան³ ստորագրությունը կրող հոդվածը: Արգելվում է նույնպես նույն N-ում տպագրված «Հովհաննես Թումանյան» վերնագիր և Պ. Մակինցյան ստորագրությունը կրող հոդվածը: Զեկույցների համար նույնպես արգելվում է օգտագործել «Խորհրդային Հայաստան»-ի N 43-ում⁴ լույս տեսած «Հ. Թումանյանի պոեզիայի արժեքը» վերնագիր և Գ. Վանանդեցի ստորագրությունը կրող հոդվածը: Զեկույցների համար արգելվում է նաև Հայպետհրատի կողմից նոր լույս տեսած Հով. Թումանյանի «Ընտիր գրվածներ» անունով բանաստեղծությունների գրքույկի⁵ առաջաբանը՝ ստորագրված Պ. Մակինցյանի կողմից:

¹ Թվագրվում է համաձայն բովանդակության և մտից համարի: Այն ՀԿ(Բ)Կ կենտրոնում ստացվել է 1929 թ. փետրվարի 23-ին:

² Թերթի 1929 թ. փետրվարի 20-ի համարն է:

³ Բուլչևիկ, լրագրող-հրապարակախոս, «Խորհրդային Հայաստան» թերթի խմբագրական խորհրդի անդամ Վահան Երեմյանի (1895–1937) գրական կեղծանունն է:

⁴ Թերթի 1929 թ. փետրվարի 21-ի համարն է:

⁵ Թումանյան Հովհաննես, Ընտիր գրվածներ, Պ. Մակինցյանի խմբագրությամբ և առաջաբանով, Երևան, Պետհրատ, 1929, 75 էջ:

Հովհաննես Թումանյանի ծննդյան 60-ամյակի առթիվ կազմակերպվող զեկույցների համար շուտով լույս կտեսնի «Խորհրդրդային Հայաստան»-ում Լուսժողկոմատի կողմից կազմված թեզիսները, որոնք պետք է օգտագործել զեկույցների համար¹:

Գրառեպլիսվարի պետ՝ Ա. Վշտունի
Քարտուղար՝ Ս. Սարգսյան

ՀԱԱ, ֆ. 1, ց. 9, գ. 189, թ. 8: Բնագիր: Մեքենագիր:

№ 57

**Հովհ. Թումանյանի ծննդյան 60-ամյակի առթիվ ՀԼԿԵՄ
կենտկոմին կից պատանի պիոներների կենտրոնական
բյուրոյի անելիքները**

[1929 թ. փետրվար
Երևան]

1. Գավառային պիոներների բյուրոներին ուղարկել շրջաբերական՝ լուսբաժինների հետ միասին կազմակերպելու դպրոցներում երեկոներ և ցերեկոներ՝ նվիրված [Հովհ.] Թումանյանի ծննդյան 60-ամյակին:

2. «Պիոներ կանչ»-ում³ տեղավորել Հով. Թումանյանի նկարը և համապատասխան հոդված:

¹ «Խորհրդային Հայաստան»-ի հաջորդ համարներում այդպիսի թեզիսներ չեն հրատարակվել: «Գրական դիրքերում» ամսագրի 1929 թ. մարտյան համարում լույս է տեսել ամսագրի խմբագիր, Հայգլավիտի նախկին նախագահ, գրականագետ Նորայր Դաբադյանի կազմած թեզիսները՝ Հովհ. Թումանյանի ստեղծագործության սոցիալական արժեքի մասին (տե՛ս № 59 փաստաթուղթը): Հավանաբար այն պատրաստվել է ՀՄԽՀ լուսժողկոմատի առաջարկ-հորդորով:

² Թվագրվում է համաձայն բովանդակության:

³ ՀԼԿԵՄ կենտկոմին կից պատանի պիոներների կենտրոնական բյուրոյի շաբաթաթերթը: Հրատարակվում էր 1925 թ. հոկտեմբերից:

3. Երևանի պիոներական տանը կազմակերպել պատանիների համար երեկո՝ նվիրված Հով. Թումանյանին:

4. Պիոներական ռադիո-թերթով հաղորդել պիոներներին և պատանիներին Հով. Թումանյանի գրական գործունեության մասին:

Պիոներ[ների] կենտրոնական] բյուրո

ՀԱԱ, ֆ. 122, ց. 1, գ. 217, թ. 11: Պատճեն: Մեքենագիր:

№ 58

**Հովհ. Թումանյանի ծննդյան 60-ամյակի առթիվ
Լուսժողկոմատի արհիլուսգլխվարչության անելիքները**

[1929 թ. փետրվար՝
Երևան]

Մեծ բանաստեղծ Հովհ. Թումանյանի ծննդյան 60-ամյա տարեդարձը արհիլուսգլխվարչության դպր[ոցական] հիմնարկություններում հանդիսավոր տոնելու նպատակով առաջարկվելու է դպր[ոցական] հիմնարկություններին.

1. Ձմռան դադարից հետո ակադեմ[իական] կյանքի որոշ ժամանակաշրջան տրամադրել Հովհ. Թումանյանի ստեղծագործության բազմակողմանի ուսումնասիրությանը:

2. Հովհ. Թումանյանի ստեղծագործության ուսումնասիրությանը նվիրված ակադեմ[իական] պարապմունքները վերջացնելուց հետո կազմակերպել հուսնդիսավոր նիստ՝ նվիրված բանաստեղծ Հովհ. Թումանյանի կյանքին ու գրական-հասարակական ժառանգությանը՝ հետևյալ ծրագրով.

¹ Թվագրվում է համաձայն բովանդակության:

ա. Հովհ. Թումանյանի կյանքն ու գործունեությունը (ընդհանուր ակնարկ),

բ. Հովհ. Թումանյանի ստեղծագործության գրական-հասարակական արժեքը,

գ. Հովհ. Թումանյանը որպես մանկական գրող,

դ. Ընթերցանություններ Հովհ. Թումանյանի գրական ժառանգությունից,

ե. Երաժշտական բաժին՝ նվիրված Հովհ. Թումանյանի ստեղծագործություններին,

զ. Հուշեր Հովհ. Թումանյանի մասին:

3. Բացի այդ՝ անհրաժեշտ ենք գտնում դպր[ոցական] հիմնարկության պատի լրագրի մեկ համարը նվիրել բանաստեղծ Հովհ. Թումանյանի կյանքին և ստեղծագործությանը:

ՀԱԱ, ֆ. 122, ց. 1, գ. 217, թ. 14: Թողոն: Ձեռագիր:

№ 59

Նորայր Դաբաղյանի պատրաստած թեզիսները՝ Հովհ. Թումանյանի ստեղծագործության սոցիալական արժեքի մասին

[1929 թ. մարտի
Երևան]

1. Մենք դեպի անցյալ կուլտուրան մոտենում ենք քննադատական յուրացման միջոցով: Այդ կուլտուրայից, հետևապես և գրականությունից, ժխտում ենք այն, ինչ որ անօգտագործելի է բանվոր դասակարգի պայքարի համար:

¹ «Գրական դիրքերում» ամսագրում հրատարակվելու ժամանակը:

Քննադատական յուրացման ու դիալեկտիկական վերամշակման միջոցով հին կուլտուրայի ու նրա մի մասը կազմող գրականությունից վերցնում ենք օգտագործելի տարրերը: Կոմերիտմիության 3-րդ համագումարում¹ ընկ. [Վ.] Լենինի կողմից անցյալ կուլտուրայի ժառանգության մասին արված քննադատական յուրացման բանաձևումը հիմնական ղեկավարող սկզբունքն է հանդիսանալու նույնպես և գրական ժառանգության խնդրի կոնկրետ լուծման ընթացքում:

2. Մեր վերաբերմունքը դեպի կլասիկները. կլասիկներն այն գրողներն են, որոնք տաղանդավոր կերպով և համեմատաբար օբյեկտիվորեն տալիս են իրենց ժամանակի տվյալ դասակարգի հոգեբանությունը. կենդանի ձևերով՝ ձևի ու բովանդակության ներդաշնակությամբ (ձևի ու բովանդակության ներդաշնակությունը, ըստ [Գ.] Պլեխանովի, հանդիսանում է այս կամ այն ստեղծագործության գեղարվեստականության չափանիշը): Կլասիկները, մեծ մասամբ, իրենց դասակարգի վերելքի շրջանի արտահայտիչներն են: Սակայն այդ օրենքը եզակի չէ, որովհետև գրականության պատմությունը ցույց է տալիս, որ կան կլասիկներ, որոնք տվյալ դասակարգի վերելքի արտահայտիչներ չեն: [Հ.] Թումանյանին մեր գրականության մեջ պետք է դիտել որպես կլասիկ:

3. Հովհաննես Թումանյանն իր գրական գործունեությունը սկսում է [18]80-ական թվականներից: Այդ շրջանում Անդրկովկասում սոցիալական հիմնական ուժերն ու հարաբերությունները, որոնք այս կամ այն կերպ իրենց ազդեցությունն են ունեցել

¹ ԼԿԵՄ երրորդ համագումարը կայացել է 1920 թ. հոկտեմբերին, Մոսկվայում:

Հովհաննես Թումանյանի ստեղծագործության վրա, հետևյալ բնույթն են ունեցել.

ա. Առևտրական կապիտալը փոխակերպվում է արդյունաբերականի, առաջանում էր հայ արդյունաբերական բուրժուազիա, որը, հանդիսանալով հայ ազգայնական շարժման հիմնական աղբյուրներ, հետագայում իր կուսակցության՝ Դաշնակցության միջոցով, ավելի ևս ակտիվ կերպով ձևակերպում է իր գաղափարախոսությունը, որի հիմքը կազմում է զոլոդգիական նացիոնալիզմը¹:

բ. Հայ խոշոր բուրժուազիան, իր ծրագրերի իրագործման համար, ամեն կերպ աշխատում է մանր բուրժուազիան իր գաղափարախոսության ազդեցության տակ առնել և օգտագործել իր քաղաքական ծրագրերի իրագործման համար: Մանր բուրժուազիան, որը չունի ընդհանրապես ինքնուրույն ու կայուն գաղափարախոսություն, նայած այդ ազգայնական շարժման վերելքին ու վայրէջքին, համապատասխան կերպով ենթարկվում էր բուրժուազիայի ազդեցությանը, ու այդ ազդեցությունը մանր բուրժուազիան արտահայտում էր նաև իր գրականության մեջ:

գ. Առևտրական կապիտալի փոխարկման պրոցեսը արդյունաբերականի, երբեք չէր նշանակում, որ առևտրական կապիտալի ազդեցությունը անդրկովկասյան իրականության մեջ վերանում էր: Առևտրական կապիտալը իր ազդեցության շրջանակներին ենթարկելով գյուղը՝ անխնա շահագործման միջոցով քայքայման էր ենթարկում այն: Նրա ազդեցության տակ գյուղական բնական տնտեսությունը փոխակերպվում էր ապրանքային: Գյուղը թևակոխում էր կապիտալիստական հարաբերության

¹ Անասնական ազգայնականություն:

շրջանակը: Գյուղում ակտիվ շահագործման էր անցնում վաշխառուն ու կուլակը. և պարզ է, որ գյուղացիական մանր տնտեսությունները այս պայմաններում քայքայման են ենթարկվում: Գյուղում տարբեր տնտեսական ձևերի միջև առաջացել էր պայքար, ու այդ պայքարը չէր կարող իր անդրադարձումը չունենար գյուղական միջին շերտերի հոգեբանության մեջ և այդ շերտերի հոգեբանությունն արտահայտող գրականության մեջ:

դ. Անդրկովկասում առաջացած այս հարաբերությունների վրա ազդում էր նաև ռուսական ինքնակալությունը, որը Անդրկովկասում մուտք էր գործել որպես ռուսական առևտրական կապիտալի արտահայտիչը: Անդրկովկասյան գյուղացիությունը, հետևապես և Հայաստանի գյուղացիությունը, մի կողմից անխնա հարկադրման էր ենթարկվում, իսկ մյուս կողմից ենթակա էր ցարական ինքնակալության անդրկովկասյան ներկայացուցիչների շահատակություններին: Այս մոմենտը նույնպես արտահայտվել է մեր գյուղագիրների ստեղծագործության մեջ ու Հովհաննես Թումանյանի ստեղծագործություններում նույնպես մենք գտնում ենք նրա արձագանքները:

[4.] Թումանյանի գրական գործունեության շրջանում մեր գրականությունը իր սոցիալական, գրական օղակների տեսակետից հետևյալ պատկերն էր ներկայացնում՝

ա. Մեզանում արդեն առաջացել էր բուրժուական գրականություն, որի ցայտուն արտահայտիչները հանդիսացել էին Գամառ-Քաթիպան ու Ռաֆֆին, որոնք հանդես էին գալիս որպես ռազմական նացիոնալիզմի արտահայտիչներ:

բ. Բուրժուական գրականությանը զուգընթաց, գրական ապարեզ էին մտել նաև մի շարք գրողներ՝ [Ալեքսանդր] Ծատուրյան, [Հովհաննես] Թումանյան, Ավետիք Իսահակյան, որոնք

պոեզիայի ասպարեզում արտահայտում էին մանրբուրժուազիայի տարբեր շերտերի տրամադրությունները: Այդ բանաստեղծները, ունենալով իրենց գրական գաղափարախոսության շփման ընդհանուր կետերը, յուրահատուկ անդրադարձմամբ էին տալիս այդ միջին շերտերի տրամադրությունները: Պարզ է, որ այս գրողները զերծ չեն մնացել բուրժուական ազգայնական գաղափարախոսության ուժեղ ազդեցությունից իրենց ստեղծագործության մեջ՝ մանր բուրժուազիայի սոցիալական պրիզմայի միջոցով անդրադարձնելով այդ նացիոնալիզմը:

5. Հովհաննես Թումանյանը, վերոհիշյալ հասարակական-քաղաքական պայմաններում հանդես գալով, ենթակա է լինում բուրժուական նացիոնալիզմի ազդեցությանը, ու իր հասարակական-քաղաքական գործունեությունը ծավալում է այդ գաղափարախոսության ազդեցության տակ: Նա լինում է Դաշնակցություն կուսակցության անդամ, հետագայում դուրս է գալիս Դաշնակցությունից, սակայն, դա երբեք չի նշանակում, որ նա հրաժարվում է ազգայնական գործունեությունից: Մասնավորապես [19]14 թ. կամավորական շարժումների ընթացքում ցայտուն կերպով հանդես է գալիս այդ գործունեությունը: Նոյեմբերյան հեղափոխությունից հետո Հովհաննես Թումանյանը հայ մանր բուրժուական ինտելիգենցիայից առաջինն է լինում, որ ընդունում է խորհրդային իշխանությունը, իհարկե, յուրահատուկ մոտեցումով: Ենթակա լինելով ազգայնական գաղափարախոսությանը՝ [նա] միևնույն ժամանակ Անդրկովկասում հանդես է եկել ազգերի համերաշխության քարոզներով:

6. Նացիոնալիզմն իր ցայտուն արտահայտությունն է գտել Հովհաննես Թումանյանի ստեղծագործության մեջ: Սակայն այդ նացիոնալիզմը, համեմատելով Ռաֆայել Պատկանյանի, Րաֆ-

Ֆու մարտական նացիոնալիզմի հետ, կարելի է որակել որպես «պասսիվ» նացիոնալիզմ («Տրտմության սաղմոսներից», «Հայոց լեոներում», «Մեր նախորդներին», «Հայոց վիշտը» և այլն):

Նացիոնալիզմի 2-րդ փուլի այրահայտությունը դա կրոնական գունավորում ունեցող նացիոնալիզմն է, որը հանդես է գալիս նրա մի շարք գրվածքներում («Լուսավորչի կանթեղը», «Հայ ունիտար»-ը և այլն):

Կամավորական շարժումները պատկերող մի շարք ուսանավորներում (օրինակ՝ «Երկրում») անպայմանորեն մարտական նացիոնալիզմի շեշտեր գոյություն ունեն, սակայն հիմնականում դարձյալ Հովհաննես Թումանյանը հանդես է գալիս որպես «պասսիվ» նացիոնալիզմի արտահայտիչ: Շեշտելով բուրժուական նացիոնալիզմի ազդեցության, մանր բուրժուական «պասսիվ» անդրադարձման մասին, անհրաժեշտ է ընդգծել, որ ինչպես մարտական, նույնպես և մանր բուրժուական «պասսիվ» նացիոնալիզմը մեր կողմից ամբողջովին ժխտվում է, անընդունելի է, և ինտերնացիոնալիզմի արտահայտիչը հանդիսացող նոր դասակարգն անխնա պայքարում է նացիոնալիզմի բոլոր արտահայտությունների դեմ]:

7. Գյուղը Թումանյանի երկերում. Հովհաննես Թումանյանի ստեղծագործության մեջ նկարագրված գյուղը բնական տնտեսությունից դեպի ապրանքային տնտեսություն անցում կատարող գյուղն է: Այդ անցումը Թումանյանը ցայտուն կերպով արտահայտել² է իր «Երկաթուղի» պատմվածքում, որտեղ արտահայտվել է նաև անցման շրջանում տարբեր հոգեբանություննե-

¹ Շեղատառ հատվածն առկա է միայն «Գրական դիրքերում»-ում տպագրված տարբերակում (էջ 39):

² Տպագրված տարբերակում՝ «տվել» (էջ 39):

րի, տարբեր շահերի ու աշխարհագրությունների բախում: Այդ պատմվածքում հովիվն ու որսկան Հոսեփը հանդես են գալիս որպես բուրժուական կուլտուրայի դեմ բողոքողներ: Հեղինակը լոռեցի հովվի բերանում դրել է ռուսոյական քարոզներ այն մասին, թե ինչպես երկաթուղին տրորում է բնության հովվերգությունը, իսկ, մյուս կողմից, նույն այդ երկաթուղին ցամաքեցնում է հովվի ու որսկանի ապրուստի աղբյուրը: Հովիվը ներկա դեպքում հանդես է գալիս որպես Թումանյանի վերաբերմունքի արտահայտիչ: Այս պատմվածքում գյուղացիները բաժանվում էին երկու մասի. մի մասը կողմնակից է դրամական տնտեսությանը, իսկ մյուս մասը դեմ է:

բ. Հովհաննես Թումանյանի գյուղը շերտավորված է: Գյուղում քոխվան, վաշխառուն, թավաղը, տերտերը շահագործում են գյուղական միջին ու չքավոր տարրին: Հովհաննես Թումանյանի նկարագրած գյուղացիները մեծ մասամբ մանր սեփականատերեր են, որոնք կապիտալիստական հարաբերությունների ազդեցության տակ քայքայման են ենթարկվում: Կապիտալիստական հարաբերությունների շրջանակը թևակոխող գյուղի մանր տնտեսատերերի դրությունն իր արտահայտությունն է գտել Թումանյանի հետևյալ ստեղծագործությունների մեջ՝ «Գութանի երգը», հատված «Հառաչանք» պոեմից, «Իմ հայրենիքը տեսել ես, ասա», «Գիքորը» և այլն: «Իմ ընկեր Նեսոն», «Տերն ու ծառան», «Ահմադ» պատմվածքում նույնպես հանդես է գալիս գյուղի շերտավորումը:

գ. Հովհաննես Թումանյանը բացասական վերաբերմունք ունի դեպի գյուղի կուլակը, քոխվան, տերտերը, վաշխառուն: Նա ցավով է նկարագրում գյուղի մանր տնտեսությունների քայքայումը: «Հառաչանք»-ում ու «Չարի վերջ» գրվածքներում դնում

է հավասարության ոչ սոցիալիստական՝ մանրբուրժուական պահանջը՝ առաջինում հանդես բերելով բնական հավասարության, իսկ երկրորդում՝ սեփականության հավասար բաժանման պահանջը. մի պահանջ, որի հիմքերը ներկա դեպքում պետք է փնտրել գյուղի մանր տնտեսատիրության մեջ:

դ. Հովհաննես Թումանյանը, նկարագրելով գյուղական մանր սեփականատերերի վատթար կացությունը, սոցիալական պայքարի առաջադրություններ չի անում, այլ՝ հանդես է գալիս որպես գյուղացիական պասսիվիտետի արտահայտիչ: Եվ լիբերալ որոշ կոլեկտիվներում իր հայացքն ուղղում է դեպի նահապետական անցյալը՝ իդեալականացման ենթարկելով այդ:

8. Թումանյանը բացասական վերաբերմունք ունի դեպի բուրժուական քաղաքն ու դեպի առևտրական կապիտալը: Նրա պեսիմիստական շնչով գրված բանաստեղծություններն արտահայտում են փախուստ քաղաքի «խորթ» միջավայրից դեպի հայրենի լեռները, դեպի տուն: «Հառաչանք» անավարտ պոեմում Թումանյանն ասում է հետևյալը. «Էհ, աստված սիրես, թող դրանց պապի, Ես շատ եմ զգվել քաղքից, գազեթից»:

Դեպի առևտրական ու վաշխառուական կապիտալը Թումանյանի ունեցած բացասական վերաբերմունքը բնորոշելու համար բավական է հիշել «Գիքորը», «Անբախտ վաճառականները», «Պոետն ու մուսան»: «Պոետն ու մուսա»-ում ցայտուն կերպով հանդես է գալիս մեչանական շերտերի վերաբերմունքը դեպի փողը, որոնք մի կողմից բողոքում են դրամական տնտեսության մեջ², իսկ մյուս կողմից արտահայտում կարոտ դեպի

¹ Բառը առկա է միայն տպագրված տարբերակում (էջ 40):

² Այդպես է փաստաթղթում: Պետք է լինի՝ «դեմ», ինչպես մյուս տարբերակում է (էջ 40):

փողը: Այս երկվությունը հատուկ է միջին շերտերին, որը բացատրվում է նրանց յուրահատուկ կացությամբ: Մանր տնտեսատերը, կապիտալիստական հասարակարգում խոշոր կապիտալից ստանալով ջախջախիչ հարվածներ, բողոքի ճիչեր է արձակում, սակայն նա այդ կապիտալի դեմ պայքարում է ոչ թե սոցիալիստական հասարակություն ստեղծելու համար, ինչպես դա կատարում է պրոլետարիատը, այլ յուր գոյության տնտեսական հիմքերն ապահովելու նպատակով:

9. [ա.] Հովհաննես Թումանյանի ստեղծագործության մեջ արտահայտվում է կրոնական բարոյախոսական, միստիկական, իդեալիստական աշխարհագացողություն: «Կյանքը երազ է, երազը՝ մի կյանք, չարի վերջը չարով է վերջանում, կյանքը փուչ է, մարդիկ ժամանակի խաղալիք են, հոգին անմահ է» («Դեպի անհուն» և այլն): Այս միստիցիզմը ներկա դեպքում վերջին հաշվով պայմանավորվում է բնության ու կապիտալիստական հարաբերությունների տարերայնության ենթակա գյուղացիական միջին շերտերի կացությամբ: Նոր ուժերը խորտակում էին մանր տնտեսատիրության պատվանդանները. բանվոր դասակարգը մեզանում դեռևս այնքան ուժեղ չէր այդ շրջանում, որպեսզի կարողանար իր ազդեցությանը ենթարկել գյուղացիական այդ շերտերին: Վերջիններս, կորցնելով իրենց հեռանկարները, հույսները կապում էին «ճակատագրի», «աստծու» և այլ այդպիսի «ուժերի» հետ: Հիմնականում այդ աղքատներից է գալիս Թումանյանի ստեղծագործության մեջ արտահայտված պասսիվիտետն ու միստիցիզմը:

բ. Հովհաննես Թումանյանը մարդկայնացնում, շնչավորում և յուրահատուկ ձևով «ֆետիշացնում» է բնությունը: Նա հաճախ իր հույզերն ու տրամադրություններն արտահայտում է բնության

տարերքի միջոցով: Միստիքորեն մոտենալով բնությանը՝ բնությունը համարում է իր սփոփանքը: Վերոհիշյալ երևույթը պետք է բացատրել հետևյալ պատճառներով.

ա) Հովհաննես Թումանյանի նկարագրած գյուղում, շնորհիվ արտադրական ուժերի թույլ զարգացման, բնության ու մարդկանց փոխազդեցությունը հանդես է գալիս համեմատաբար պարզ ու պրիմիտիվ ձևերով: Անմիջականությունը մարդու և բնության միջև ավելի ևս զգալի է:

բ) Փախչելով քաղաքի «խորթ» միջավայրից ու գյուղի մոայլ իրականությունից՝ Հովհաննես Թումանյանն իր հայացքն ուղղում է դեպի բնությունը, միստիքական մոտեցումներով «ֆետիշացնում» է բնության ուժերը:

10. Հովհաննես Թումանյանը, որը դեմ էր Անդրկովկասում ազգամիջյան ընդհարումներին, որը, իհարկե, այս դեպքում էլ հանդես էր բերում յուրահատուկ պացիֆիզմ: Այդ տրամադրությունն անդրադարձել է նաև իրեն ստեղծագործության մեջ: «Մի կաթիլ մեղր»-ը, «Սասունցի Դավիթ»-ում ծերուկի ու Դավթի խոսքերը բնորոշում են այդ վերաբերմունքը: Թումանյանի համար այդ ընդհարումների դասակարգային պատճառները մնում են չպարզված: Նա դեմ է այդ ընդհարումներին ոչ թե այդ ընդհարումների դասակարգային պատճառները նկատի ունենալով, [այլ] այդ խնդրում մեկնակետ ունենալով բարոյախոսական-պացիֆիստական նկատառումներ: Այդ վերաբերմունքով ևս, նա արտահայտում է գյուղացիական միջին տարրերի տրամադրությունները, որովհետև այդ ընդհարումները քայքայիչ ազդեցություն էին ունենում այդ տարրերի տնտեսական դրության, «վար ու ցանքի» վրա:

11. Բնորոշելով Թումանյանի վերաբերմունքը դեպի իր ժամանակաշրջանի հիմնական սոցիալական ուժերն ու կատեգորիաները, որոնք այս կամ այն կերպ ազդել են պոետի ստեղծագործության վրա, հանգում ենք այն եզրակացության, որ Հովհաննես Թումանյանն իր ստեղծագործության մեջ հիմնականում արտահայտել է կապիտալիստական հարաբերությունների շրջանակը թևակոխող գյուղի միջին տարրերի՝ մանր սեփականատերերի տրամադրությունները, նրանց վիճակը կապիտալիստական հարաբերությունների պայմաններում:

12. Թումանյանի ստեղծագործության գեղարվեստական արժեքը.

ա) Ձևի ու բովանդակության ներդաշնակությունը,

բ) Կենցաղի, դեպքերի, բնության ու հոգեբանության սինթեզը՝ որպես հիմնական ստեղծագործական պրյոմ Հովհաննես Թումանյանի ստեղծագործության մեջ («Անուշ», «Մարո» և այլն),

գ) Ժողովրդական ստեղծագործության մշակումը,

դ) Մանկական գրվածքները,

ե) Պատկերներ բնության նկարագրությունից,

զ) Պատմելու շնորհքը՝ էպիկականություն,

է) Լեզվի պարզությունը, որտեղ միանգամայն բացակայում են գոեհկացումները:

16. [ա.] Մենք, ժխտելով Թումանյանի ստեղծագործության մեջ հանդես եկող ազգայնական, կրոնական, բարոյական գաղափարախոսությունը, չենք հրաժարվում նրա ստեղծագործության լավագույն տարրերից: Որովհետև Թումանյանը նկարագրել է գյուղի միջին շերտերի դրությունը կապիտալիստական հարաբերությունների պայմաններում, նրանց քայքայման օբյեկտիվ նկարագրությունները, անկախ հեղինակի վերաբերմունքից, այ-

սօր. ևս կարող են դաստիարակիչ լինել մեր բանվորա-գյուղացիական մասսաների համար:

բ. Որովհետև Թումանյանի ստեղծագործության խոշոր տոկոսը վերցված է մեր ժողովրդական ստեղծագործությունից, որի մեջ մեծ մասամբ հանդես է եկել ժողովրդական միջին, ստորին շերտերի տրամադրություններն ու հոգեբանությունը, որը մեզ համար ունի խոշոր պատմական նշանակություն՝ մի կողմ թողնելով այդ ստեղծագործության մշակման ընթացքում Թումանյանի կողմից տրված կրոնական-բարոյախոսական տենդենցները:

գ. Լեզվի, գրական կուլտուրայի մշակման ասպարեզում Թումանյանը խոշոր աշխատանք է կատարել: Նոր դասակարգը, քննադատական յուրացման միջոցով այդ կուլտուրայի որոշ տարրեր վերամշակման ենթարկելով, կկարողանա օգտագործել յուր պահանջների համաձայն:

ՀԱՒ, ֆ. 1, ց. 9, գ. 189, թ. 54-60: Պատճեն: Մեքենագիր:

Մասնակի տարբերություններով տպագրված է՝ «Գրական դիրքերում», Երևան, 1929, N 3 (մարտ), էջ 36-42:

ԱՆՁՆԱՆՈՒՆՆԵՐ

Արելեան Պողոս /Աբելյան Պո-
ղոս, 32, 43, 44, 52, 67

Արեղեան Ա., 11

Արեղեան Մանուկ, 57

Արովեան Ս., 43, 44

Աթանասեան Աշոտ, 45

Աթարբեկյան Գևորգ, 61

Ալազան Վահրամ, 84, 88

Այթունեան Վ., 72

Ահարոնեան Ա. /Ահարոնյան

Ավետիս, 10-12, 18, 20, 28

Աղանեանց Գիտ աւագ քա-
հանայ, 57, 59

Աղբալեան Նիկողայոս /Աղ-
բալյան Նիկոլ, 14, 19, 56, 57

Անանուն Դաւիթ, 57

Անդրանիկ, 16, 17

Աշեր Բ. Դ., 63

Արեգ (Թումանյան), 77

Արզումանյան Միշա, 26

Արիստակէսեան Յ., 52

Արդուբեան Յովսէփ, 33

Աւետիսեան Մարգար, 41, 42,
44-46, 48, 52, 54

Բաբալեան Ա., 14, 23

Բաղդամյան (Բաղդամով)

Իվան, 20, 22, 23, 29

Բարխուդարյան Ալեքսանդր,
88

Գամառ-Քաթիպա, *տե՛ս*

Պապկանյան Ռաֆայել

Գարագաշ Շ., 81-83

Գևորգյան Մամիկոն, 81, 84,
88, 89

Գիլնազարեան Կ., 75

Գորգյան Հ., 87

Դաբաղյան Նորայր, 94, 96

Դաշտոյան Ռ., 81-83

Դավթյան Սերիկ, 81-84, 87,
88

Դաւթեան Յ., 14, 23

Դարբինեան Հ., 61

Դեմիրճեան /Դեմիրճյան Դե-
րենիկ, 56, 84, 88

Դերոյան (Տերոյան) Վարազ-
դատ, 62

Դովլաթյան Իսահակ, 62

Եղիազարյան Արտո, 83

Եվանգուլեան Գ., 67

Երեմյան Վահան, 92, 93

Երզնկեան /Երզնկյան
/Յերզնկեան Արամայիս, 14,
64-67, 73, 75

Զարգարեան Միք., 61

Զաքարյան Ա., 34

Էնվեր, 27

Էսսադ (Էսսատ), 20-23, 25,
 27, 29
 Թախսին, 25
 Թադիանոսեան Եր. /Թա-
 դիանոսյան Երվանդ, 67, 69,
 70, 72, 74
 Թումանեան Լ., 5, 14, 23
 Թումանեան(ց) Յովհաննէս
 /Թումանյան Հովհաննէս, 3-5,
 7-15, 17, 18, 20, 22-24, 28-30,
 32-35, 37, 40-45, 47-49, 52-
 56, 59, 61-107
 Թումանյան Ա., 84, 85
 Թումանյան Համիկ, 76, 77, 79
 Թումանյան Հայկուշ, 83, 84
 Թումանյան Օլգա, 80, 81
 Իսահակյան Ավետիք, 99
 Լազարեան Ս., 48-53
 Լենին Վ., 97
 Լեո /Լէօ, 57, 66
 Խատիսեան /Խատիսյան
 Ալեքսանդր, 14, 18, 40, 54,
 55, 63
 Խատիսեան Աշխեն, 63, 64
 Խատիսեան Հովիկ, 63, 64
 Խատիսյան Գևորգ, 63
 Խոջամիրեան Մ., 63, 64
 Խոջայան Եր., 83
 Ծատուրյան Ալեքսանդր, 99
 Կանայան /Կանայեան Ստե-
 փան, 57, 67, 81, 83, 84, 88
 Կասյան Ս., 62, 67
 Կարճիկեան Խաչատուր, 14

Կոստանդյան Խ., 90
 Հախվերդով Հ., 14
 Համբարձումեան Համ., 9, 30,
 32-35, 37, 40, 43-48, 52-54
 Հարությունյան Գ., 92
 Հարությունյան Մարտիրոս,
 26, 37
 Հարությունյան Ռ., 92
 Հարությունյան /Յարութին-
 եան Սամսոն, 20, 22, 23, 29,
 67
 Հովհաննիսյան Աշոտ, 79
 Հովհաննիսյան /Յովհաննի-
 սեան Տ., 23, 66
 Ղազարեան Գ., 16
 Ղարաբէգեան Մ., 14, 23
 Մալխասեան Ստ., 43
 Մախմուրյան Գ., 5
 Մակարյան Լ., 5, 72
 Մակինց Ն., 83
 Մակինցեան Պ. /Մակինցյան
 Պողոս, 73, 88, 92, 93
 Մահիկյան Վ., *տե՛ս Երեմյան
 Վահան*
 Մամիկոնեան /Մամիկոնյան
 Ստեփան, 13, 14, 23
 Մանասյան Սարգիս (Մա-
 նաս), 16
 Մարգար (Երևանի ներկայա-
 ցուցիչ), 23, 27
 Մարտունի Ալ., *տե՛ս Մյաս-
 նիկյան Ալեքսանդր*
 Մեասնիկեան /Մյասնիկյան
 Ալեքսանդր, 66, 92

Մելիքեան Յովհ., 67
 Մելքումյան (<ՕՄ-ի ներկայա-
 ցուցիչ), 74
 Միրզոյանց Երվանդ, 22, 23
 Մխիթարեան Ա., 23
 Մուրադբեկեան Խորդէն արքե-
 պիսկոպոս, 67
 Մռուեան /Մռավյան Ասքա-
 նազ, 62-64, 67, 76, 79-81, 83-
 86, 88, 89
 Յովհաննիսեան Յովհաննէս,
 56
 Նազարբեկով Թ., 24
 Նար-Դոս, 57
 Շահազիզ Երվանդ, 84
 Շահպարտեան Բագրատ, 41,
 42, 48
 Շիրվանզադէ, 57
 Չալըքեան Յովհ., 72
 Պապաջանյան Միքայել, 18
 Պապովեան /Պապովյան Ալ.,
 66, 67
 Պատկանյան Ռաֆայել, 99, 100
 Պարոնյան Հ., 91
 Պետրոսեան Մադաթ, 41, 42,
 48, 52, 53
 Պետրոսյան Հ., 84
 Պիճիկեան Գ., 67
 Պլեխանով Գ., 97
 Զամայյան Արշակ, 33, 34
 Ռևազով Վ., 81, 83, 84, 86,
 88, 89

Սահակեան Ա. /Սահակյան
 Ավետիք, 14, 23, 28, 29
 Սարգսյան Ս., 94
 Սիմակ, 88, 89
 Սուքիասյան Հ. Կ., 5, 14, 18
 Ստամբուլցեան Ան., 12, 23, 28
 Ստեփանյան Գ., 83
 Վանանդեցի Գուրգեն, 92, 93
 Վարդանեան Գ., 67
 Վարդունի Լ., 83, 90
 Վեհիբ փաշա, 16, 27, 28
 Վշտունի Ա., 94
 Տեր-Վարդունի Ալ., 66
 Տէր-Աւետիսեանց Սմբատ, 57
 Տէր-Գրիգորեան Ար., 7, 8, 45
 Տէր-Գրիգորեան Զալալ, 45, 52
 Տէր-Մինասեան Երուանդ, 57
 Տէր-Մինասեան Ռ., 14, 23
 Տէր-Յարութիւնեան Գեղամ, 14
 Տէր-Սիմոնեան Դր., 67
 Տէր-Օհանեան Գ., 67
 Տիգրանեան Ս., 14, 23, 56
 Րաֆֆի, 99-101
 Փափագեան Վրթանէս, 57
 Փիրումեան Սիմոնիկ, 77, 79
 Քաջազնունի Յ. /Հովհաննես
 (Ռուբեն), 14, 23
 Օհանյան Լևոն, 81, 88
 Օհանջանեան Բ., 32, 48, 52
 Օրջոնիկիձե Գեորգի, 61
 Ֆոյյան Պ., 82, 83

ՏԵՂԱՆՈՒՆՆԵՐ

- Ադրբեջան, 11, 38
 Ալեքսանդրապոլ /Ալեքսանդրապոլ, 11, 22, 24, 37, 51
 Ախալցխա, 7, 37, 41, 51
 Ախալքալաք, 7, 24, 28, 29, 37, 41, 45, 48, 51, 52
 Ադստաֆա, 46
 Այրում, 11, 38, 97, 100, 105
 Անդրկովկաս, 3, 10, 99
 Անդրկովկասյան Դաշնություն, 77
 Ատրպատական, *տե՛ս Ադրբեջան*
 Արդահան, 51, 52
 Արդանուշ, 51
 Արեշ, 7, 60, 61
 Բագու /Բաքու, 23, 26, 27, 68
 Բագումի լեռնաշղթա, 15, 17
 Բաթում, 20, 21, 23, 26, 28, 29
 Բակուրիանի, 28
 Բաշաբարան, 25
 Բեռլին, 76, 77
 Բորչալու, 17, 19, 20
 Բուլանլուղ, 51
 Բրեստ-Լիտովսկ, 10,
 Գահիրե, 68
 Գանձակ, 7, 26, 37, 41, 45, 48, 51, 52
 Գեօկչայ, 48, 51, 52
 Գուլագերան, *տե՛ս Թումանյան երկաթուղային կայարան*
 Գողթն, 37, 41, 51
 Դիլիջան, 9, 15, 17, 19
 Դսեղ, 15, 16, 18
 Դվալ, *տե՛ս Բազումի լեռնաշղթա*
 Ելիզավետպոլի նահանգ, 26
 Երևան, 4, 5, 8, 13-15, 17-19, 21-23, 25, 27, 29, 34, 37, 40, 41, 54, 55, 59, 61-68, 72-76, 79-84, 86, 87, 89-96, 107
 Երևանի նահանգ, 26
 Չանգեզուր, 7,
 Չաքաթալա, 60, 61
 Էրզրում, 13
 Թիւրքիա, *տե՛ս Օսմանյան կայսրություն*
 Թիֆլիս, 7-9, 12-14, 18, 20, 22, 23, 28, 29, 31-38, 41, 45-49, 52, 54, 56, 60, 63, 64, 68-70, 74, 76, 80, 92
 Թովուզ, 46
 Թումանյան երկաթուղային կայարան, 15

Լենինական, 89
 Լոռի /Լոռի, 7, 13, 14, 16, 18,
 20, 21, 24, 37, 41, 48, 51, 52,
 65
 Լոռու մարզ, 15
 Խորհրդային Հայաստան,
տե՛ս Հայաստան
 Խորհրդային Միություն, 76
 Խորհրդային Վրաստան, *տե՛ս*
Վրաստան
 Խրամ (գետ), 19
 Ծալկա, 33
 Կ. Պոլիս /Կոստանդնուպոլիս,
 14, 18, 20, 22, 24, 25, 27, 28,
 67-71, 74
 Կայաքաղ, 26
 Կարս /Ղարս, 13, 22, 24, 37,
 41, 44, 48, 51, 52
 Կովկաս, 11, 27, 41, 57, 71
 Համգաչիման, *տե՛ս Մարգա-*
հովիտ
 Հայաստան, 4, 5, 14, 17-22,
 25, 26, 28, 33, 34, 36, 38, 40,
 41, 54-57, 61-66, 68-76, 78-
 80, 86, 91, 94, 99
 Հայաստանի առաջին հան-
 րապետություն, *տե՛ս Հայաս-*
տան
 Հայաստանի Հանրապետու-
 թյուն, *տե՛ս Հայաստան*
 Հայկական Հանրապետու-
 թյուն, *տե՛ս Հայաստան*

Հին Նախիջևան, 7, 37, 41,
 45, 51
 ՀՀ, *տե՛ս Հայաստան*
 ՀՍԽՀ, *տե՛ս Հայաստան*
 Ձորագեղ /Ձորի գեղ, 15
 Ղազախ, 7, 20, 37, 41, 45, 46,
 48, 51, 52, 65
 Ղամարլու, 25, 27
 Ղարաբաղ, 7, 37, 41, 51, 54
 Ղարախաչ, 16
 Ղարաքիլիսա /Ղարաքիլիսե,
 13, 17, 18, 25
 Մարգահովիտ, 15
 Մերձավոր Արևելք, 62
 Մոսկվա /Մոսկա, 76, 97
 Նոր Բայազետ, 9, 19, 30, 37,
 41, 45, 48, 51, 52
 Նոր Բայազետի գավառ, 26
 Նոր Բայազետ, 7,
 Նուխի, 7, 48, 51, 52, 60, 61
 Շամախի, 37, 48, 51, 52
 Շամշադին, 7, 20, 37, 46, 51
 Շաւշեթ, 51
 Շուվալեր /Շուվաեր, 18, 37, 51
 Շուշիի գավառ, 26
 Պարսկաստան, 37, 76
 Պոլիս, *տե՛ս Կ. Պոլիս*
 Ջալալօղլի, տե՛ս Ստեփանա-
 վան
 Սադախլու, 18, 19
 Սանահին, 15, 18, 19
 Ստեփանավան, 15, 16, 19

Վենետիկ, 76

Վորոնցովկա, *տե՛ս Տաշիր*

ՎՍԽՀ, *տե՛ս Վրաստան*

Վրաստան, 11, 27, 29-34, 38, 46, 54, 60, 68-70

Տաճկաստան, *տե՛ս Օսմանյան կայսրություն*

Տաշիր, 15, 17

Տրապիզոն, 10,

Ցալկա, տե՛ս Ծալկա

Փամբակ, 20, 21, 37, 41, 51

Փարիզ, 69, 76, 78

Քոլագերան, Քոլագիրան,
տե՛ս Թումանյան երկաթուղային կայարան

Օլթի, 51

Օսմանյան կայսրություն, 10, 11, 20, 27, 57

ԲՈՎԱՆԴԱԿՈՒԹՅՈՒՆ

ԱՌԱՋԱԲԱՆ	3
ՓԱՍՏԱԹՂԹԵՐ	7
<i>N° 1. Հովհ. Թումանյանի ղեկավարած Հայ հայրենակցական միությունների միության հիմնադիր ժողովի արձանագրությունը (1 մարտի 1918 թ.)</i>	<i>7</i>
<i>N° 2. Հայ հայրենակցական միությունների կենտրոնական խորհրդի գրությունը Հայոց ազգային խորհրդին՝ Նոր Բայազետի քաղաքային ինքնավարությանն ավերումը և փրկման հարցով (12 մարտի 1918 թ.)</i>	<i>9</i>
<i>N° 3. Քաղվածք Անդրկովկասյան սեյմի, կառավարության հայ անդամների և գավառների ներկայացուցիչների մասնակցությամբ կայացած Հայոց ազգային խորհրդի նիստի արձանագրությունից (30 մարտի 1918 թ.)</i>	<i>9</i>
<i>N° 4. Հովհ. Թումանյանի մասնակցությունը հայ ղեկավար գործիչների արտակարգ խորհրդակցությանը (8 ապրիլի 1918 թ.)</i>	<i>11</i>
<i>N° 5. Սյունիան Մամիկոնյանի հայտարարությունը Հայոց ազգային խորհրդի նիստում՝ Հովհ. Թումանյանին ուղղած իր խնդրանքի մասին (19 մայիսի 1918 թ.)</i>	<i>13</i>
<i>N° 6. Քաղվածք Հովհ. Թումանյանի մասնակցությամբ կայացած Հայոց ազգային խորհրդի նիստի արձանագրությունից (24 հունիսի 1918 թ.)</i>	<i>13</i>
<i>N° 7. Հայոց ազգային խորհրդի նամակը Կ. Պոլսում գտնվող ՀՀ պարլիտակությանը՝ Լոռու վերաբերյալ Հովհ. Թումանյանի հաղորդած տեղեկությունների մասին (25 հունիսի 1918 թ.)</i>	<i>18</i>
<i>N° 8. Հայոց ազգային խորհրդի Փոքր խորհրդի որոշումը Հովհ. Թումանյանին ազգային խորհրդի լիազորի պարտականություններից ազատելու մասին (30 հունիսի 1918 թ.)</i>	<i>20</i>
<i>N° 9. Բաթում ուղարկված հայկական պարլիտակության հեռագիրը Կ. Պոլսում գտնվող պարլիտակության</i>	

նախագահ Ավետիս Ահարոնյանին (4 հուլիսի 1918 թ.)	20
№ 10. Քաղվածք Հովհ. Թումանյանի մասնակցությամբ կայացած Հայոց ազգային խորհրդի նիստի արձանագրությունից (6 հուլիսի 1918 թ.)	23
№ 11. Հայոց ազգային խորհրդի ժամանակավոր նախագահ Ավետիք Սահակյանի նամակը Կ. Պոլսում գտնվող ՀՀ պարլիթականության նախագահ Ավետիս Ահարոնյանին՝ Բաթում մեկնած հայկական պարլիթականության գործունեության արդյունքների մասին (7 հուլիսի 1918 թ.)	28
№ 12. Հայ հայրենակցական միությունների կենտրոնական խորհրդի գրությունը Վրաստանի Հայոց ազգային խորհրդին՝ գաղթականության խնդրին նվիրված խորհրդակցություն գումարելու պահանջով (4 սեպտեմբերի 1918 թ.)	29
№ 13. Հայ հայրենակցական միությունների կենտրոնական խորհրդի գրությունը Վրաստանի Հայոց ազգային խորհրդին՝ վերջինի կազմը միության ներկայացուցիչներով համալրելու մասին (13 սեպտեմբերի 1918 թ.)	31
№ 14. Հայ հայրենակցական միությունների կենտրոնական խորհրդի գրությունը Վրաստանի Հայոց ազգային խորհրդին՝ գաղթականության խնդրին նվիրված խորհրդակցություն գումարելու հարցի մասին (2 հոկտեմբերի 1918 թ.)	32
№ 15. Հայ հայրենակցական միությունների կենտրոնական խորհրդի գրությունը Վրաստանի Հայոց ազգային խորհրդին՝ գաղթականության խնդրին նվիրված խորհրդակցության հետաձգման առթիվ (11 հոկտեմբերի 1918 թ.)	33
№ 16. Հայ հայրենակցական միությունների կենտրոնական խորհրդի հրավերը՝ Հաշտության համագումարին հուշագիր ներկայացնելու համար գումարվող հանձնաժողովի նիստին մասնակցելու մասին (1 նոյեմբերի 1918 թ.)	34
№ 17. Հայ հայրենակցական միությունների կենտրոնական խորհրդի գրությունը միությունների վարչություններին՝ վճարում- ները ժամանակին կատարելու մասին (5 դեկտեմբերի 1918 թ.)	35
№ 18. Հայ հայրենակցական միությունների կենտրոնական խորհրդի գրությունը Հայաստանի Հանրապետության կառավարությանը՝ վրաց-հայկական պատերազմին վերջ դնելու հարցով (18 դեկտեմբերի 1918 թ.)	36

№ 19. Հայ հայրենակցական միությունների կենտրոնական խորհրդի հիմնավորումը՝ միությունների անհրաժեշտության մասին (5 փետրվարի 1919 թ.)	38
№ 20. ՀՀ մինիստրների խորհրդի որոշումը՝ հորեյանի առթիվ Հ. Թումանյանին շնորհավորելու մասին (25 փետրվարի 1919 թ.)	40
№ 21. Հայ հայրենակցական միությունների միության կենտրոնական խորհրդի հրապարակային նիստը՝ նվիրված Հովհ. Թումանյանի հիսնամյակին (27 փետրվարի 1919 թ.)	41
№ 22. Քաղվածք Հայ հայրենակցական միությունների միության կենտրոնական խորհրդի նիստի արձանագրությունից՝ Հովհ. Թումանյանի հորեյանին նվիրված բանկետ կազմակերպելու մասին (4 մարտի 1919 թ.)	45
№ 23. Հայ հայրենակցական միությունների կենտրոնական խորհրդի գրությունը Վրաստանի Հայոց ազգային խորհրդի գաղթականական բաժնին՝ Ղազախի հայությանն օգնելու խնդրանքով (24 մարտի 1919 թ.)	46
№ 24. Հովհ. Թումանյանի 50-ամյակին նվիրված Հայ հայրենակցական միությունների միության կազմակերպած երեկոյթի հրավիրարտոմսը (1919 թ. ապրիլ)	47
№ 25. Քաղվածք Հայ հայրենակցական միությունների միության կենտրոնական խորհրդի նիստի արձանագրությունից՝ Հովհ. Թումանյանի հորեյանին նվիրված բանկետ կազմակերպելու մասին (8 մայիսի 1919 թ.)	48
№ 26. Հովհ. Թումանյանին նվիրված բանկետի ժամանակ Հայ հայրենակցական միությունների միության կողմից նրան ներկայացված շնորհավորական գրությունը (11 մայիսի 1919 թ.)	49
№ 27. Հայ հայրենակցական միությունների միության կենտրոնական խորհրդի նիստի արձանագրությունը՝ Հովհ. Թումանյանի հորեյանի առթիվ կազմակերպված բանկետի արդյունքներն ամփոփելու մասին (15 մայիսի 1919 թ.)	52
№ 28. Համաշխարհային պատերազմից հայ ժողովրդի կրած վնասների քննիչ հանձնաժողովի նախագահ Հովհ. Թումանյանի գրությունը Վրաստանում ՀՀ դիվանագիտական ներկայացուցչությանը՝ հանձնաժողովին ֆինանսական աջակցություն ցուցաբերելու խնդրանքով (28 հունիսի 1919 թ.)	54

№ 29. ՀՀ հանրային կրթության և արվեստի նախարարության գրությունը Հայ գրողների ընկերության նախագահ Հովհ. Թումանյանին՝ գրողներին նպաստ հատկացնելու մասին (9 հուլիսի 1919 թ.)	55
№ 30. Հայ գրողների ընկերության վարչության գրությունը ՀՀ Հանրային կրթության և արվեստի նախարար Նիկոլ Աղբալյանին՝ վարչությանը հանձնված դրամական միջոցները բաշխելու հարցի մասին (13 սեպտեմբերի 1919 թ.)	56
№ 31. ՀՀ հանրային կրթության և արվեստի նախարարության գրությունը Հայ գրողների ընկերության վարչությանը՝ տրամադրված նպաստի անդորագրերը ներկայացնելու մասին (10 մարտի 1920 թ.)	59
№ 32. Հայ հայրենակցական միությունների կենտրոնական խորհրդի հրավերը հայկական մշակութային հաստատություններին՝ մասնակցելու Վրաստանի բանաստեղծության և գրականության ազգային տոնին (30 ապրիլի 1920 թ.)	60
№ 33. Երևանում գտնվող Հովհ. Թումանյանին ուղղված ռադիոհեռագիր (պատճենը՝ Գեորգի Օրջոնիկիձեին)՝ խորհրդային զորքերի ճամբար տեղափոխվելու մասին (25 մարտի 1921 թ.)	61
№ 34. Մերձավոր Արևելքում ամերիկյան նպաստամատուց կոմիտեի կոպկասյան մասնաճյուղի կառավարչի ճաշի հրավերը Հայաստանի հեղկոմի նախագահ Ս. Կասյանին (6 ապրիլի 1921 թ.) ...	62
№ 35. ՀՍԽՀ արագորժոողկոմատի գրությունը անցագրերի բյուրոյին՝ Հովհ. Թումանյանին, դստերը և թոռանը Թիֆլիս ուղևորվելու անցագիր տրամադրելու հարցով (16 ապրիլի 1921 թ.) ...	63
№ 36. ՀՍԽՀ արագորժոողկոմատի կողմից Հովհ. Թումանյանին տրված անցագիրը՝ Թիֆլիս մեկնելու առթիվ (18 ապրիլի 1921 թ.)	64
№ 37. Հովհ. Թումանյանի մասնակցությունը Հայաստանի օգնության կոմիտեի հիմնադիր համագումարին (13, 16, 18, 20 սեպտեմբերի 1921 թ.)	64
№ 38. Հովհ. Թումանյանի ելույթը Հայաստանի օգնության կոմիտեի Վրաստանի մասնաճյուղի հիմնադիր ժողովում (22 հոկտեմբերի 1921 թ.)	68
№ 39. Խորհրդային Վրաստանում ՀՍԽՀ լիազոր ներկայացուցչության դիմումը ՎՍԽՀ արտաքին գործերի ժողկոմատին՝ ՀՕԿ-ի գործերով Կ. Պոլիս մեկնող Հովհ.	

Թումանյանի և Ե. Թադիանոսյանի ուղեբեռը մաքսային զննման չենթարկելու հարցով (22 հոկտեմբերի 1921 թ.)	69
№ 40. Խորհրդային Վրաստանի արտաքին գործերի ժողկոմարի պատասխան գրությունը ՀՍԽՀ լիազոր ներկայացուցչությանը՝ Հովհ. Թումանյանի և Ե. Թադիանոսյանի առաքելության մասին լրացուցիչ տեղեկություններ հայտնելու խնդրանքով (9 նոյեմբերի 1921 թ.)	70
№ 41. Հայրենիքի օգնության մարմնի և Հայաստանի օգնության կոմիտեի համատեղ կոչը՝ ՀՕՄ-ի մասնաճյուղեր կազմակերպելու և հայրենիքին օժանդակելու մասին (1 դեկտեմբերի 1921 թ.)	70
№ 42. ՀՍԽՀ լուսավորության ժողկոմարի գրությունը Հովհ. Թու- մանյանին՝ նրա նամակը ստանալու մասին (6 հունիսի 1922 թ.)	73
№ 43. Քաղվածք Հայաստանի օգնության կոմիտեի առաջին համագումարի նիստի արձանագրությունից (20 հուլիսի 1922 թ.)	73
№ 44. Հայաստանի օգնության կոմիտեի որոշումը՝ Հովհ. Թումանյանին դրամական օժանդակություն ցուցաբերելու մասին (28 հուլիսի 1922 թ.)	75
№ 45. Հովհ. Թումանյանի որդու՝ Համլիկի դիմումը ՀՍԽՀ լուսժողկոմ Ասքանազ Մուսվանին՝ ընտանիքին օժանդակելու և հոր ձեռագրերն անխաթար պահպանելու խնդրանքով (28 մարտի 1923 թ.)	76
№ 46. Հովհ. Թումանյանի որդու՝ Համլիկի դիմումը Բեռլինում Անդրկովկասյան Դաշնության տնտեսական ներկայացուցիչ Սիմոնիկ Փիրումյանին՝ իր ուսման ծախսերը հոգալու խնդրանքով (29 մարտի 1923 թ.)	77
№ 47. ՀՍԽՀ լուսժողկոմ Ասքանազ Մուսվանի «գաղտնի» նշագրումով երկրորդը ՀԿ(Բ)Կ կենտրոնի քարտուղար Աշոտ Հովհաննիսյանին՝ Հովհ. Թումանյանի որդի Համլիկի խնդրանքի մասին ([1923 թ. մայիս])	79
№ 48. Հովհ. Թումանյանի այրու՝ Օլգայի դիմումը ՀՍԽՀ լուսժողկոմ Ա. Մուսվանին՝ ամուսնու երկերի հրատարակության հոնորարն ընտանիքի անդամներին փոխանցելու հարցով (19 ապրիլի 1925 թ.)	80
№ 49. Հովհ. Թումանյանի ծննդյան 60-ամյա տարեդարձը կատարող հանձնաժողովի նիստի արձանագրությունը (14 հունվարի 1929 թ.)	81
№ 50. Հովհ. Թումանյանի ծննդյան 60-ամյակը տոնող	

հանձնաժողովի հերթական նիստին մասնակցելու հրավեր ([18 հունվարի 1929 թ.]	83
№ 51. Հովհ. Թումանյանի ծննդյան 60-ամյա տարեդարձը կատարող հանձնաժողովի նիստի արձանագրությունը ([19 հունվարի 1929թ.]) ...	84
№ 52. Լուսավորության ժողկոմատի սոցիալական դաստիարակության գլխավոր վարչության շրջաբերականը գավառային լուսբաժիններին՝ Հովհ. Թումանյանի ծննդյան 60-ամյակը տոնելու մասին (5 փետրվարի 1929 թ.)	86
№ 53. Հովհ. Թումանյանի ծննդյան 60-ամյա տարեդարձը կատարող հանձնաժողովի նիստի արձանագրությունը ([18 փետրվարի 1929 թ.])	87
№ 54. Երևանի լուսավորության բաժնի «շտապ» նշագրումով շրջաբե- րականը քաղաքի դպրոցներին՝ Հովհ. Թումանյանին նվիրված տոնա- կատարություններ անցկացնելու մասին (18 փետրվարի 1929 թ.)	89
№ 55. ՀՍԽՀ լուսժողկոմատի քաղլուսվարչության գրությունը Երևանի լուսբաժնին՝ Հովհ. Թումանյանի 60-ամյակի առթիվ քաղլուստեսույնների անելիքների մասին (20 փետրվարի 1929 թ.)	91
№ 56. Հայգլավկիտի «խիստ գաղտնի» շրջաբերականը «բոլոր գավոռավարներին», պարզենը՝ ՀԿ(Բ)Կ կենտրոնի ազիտացիոն- պրոպագանդիստական բաժնին և Պետքաղվարչության ինֆորմացիոն բաժնին՝ Հովհ. Թումանյանի 60-ամյակի տոնակատարությունների վերաբերյալ ([22/23 փետրվարի 1929 թ.])	92
№ 57. Հովհ. Թումանյանի ծննդյան 60-ամյակի առթիվ ՀԼԿԵՄ կենտրոնին կից պատանի պիոներների կենտրոնական բյուրոյի անելիքները ([1929 թ. փետրվար])	94
№ 58. Հովհ. Թումանյանի ծննդյան 60-ամյակի առթիվ Լուսժողկոմատի արհլուսգլխվարչության անելիքները ([1929 թ. փետրվար])	95
№ 59. Նորայր Դաբադյանի պատրաստված թեզիսները՝ Հովհ. Թումանյանի սրբազանության սոցիալական արժեքի մասին ([1929 թ. մարտ])	96
ԱՆՁՆԱՆՈՒՆՆԵՐ	108
ՏԵՂԱՆՈՒՆՆԵՐ	111

Հովհաննես Թումանյան, Նորահայտ փաստաթղթեր

**Կազմող, առաջաբանի և ծանոթագրությունների
հեղինակ՝ Համո Կարենի Սուքիասյան**

Hovhannes Tumanyan, Newfound Documents

**Compiler and author of the preface and commentaries
Hamo K. Sukiasyan**

Ованес Туманян, Новоявленные документы

**Составитель, автор предисловия и примечаний
Амо Каренович Сукиасян**

**Համակարգչային ձևավորումը՝ Ն. Աղամյանի
Տպագրիչ՝ Լ. Մուրադյան**

**Ստորագրված է տպագրության՝ 18.06.2019 թ.
Տպաքանակը՝ 150**

**ՀՀ ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱ
ՊԱՏԵՐՈՒԹՅԱՆ ԻՆՍՏԻՏՈՒՏ
ИНСТИТУТ ИСТОРИИ НАН РА
INSTITUTE OF HISTORY OF NAS RA**


**ՀՀ, 0019, Երևան, Մարշալ Բաղրամյան պող. 24/4
РА, 0019, Ереван, пр. Маршала Баграмяна 24/4
24/4, Marshal Baghramyan ave., 0019, Yerevan
<http://www.academhistory.am>**

[1200mm.]

ԳՍՍ Հիմնադար Գիտ. Գրադ.



FL0612672



ISBN 978-9939-860-81-7



9 789939 860817